

منزلك عيني .

بقلم: اسكن عيوني

~~~~~

تجميع : فيتامين سي

شبكة روايتي الثقافية

~~~~~

مساءكم / صباحكم / خير آل نبض

إن شاء الله من الغد /يوم الجمعة/ بنزل

قصتي الثانيه "منزلك عيني" متمنيه أن تنال على إستحسانكم
وإعجابكم

من فتره طرحت قصتي الأولى (غرور وكبرياء)) وهذه قصتي
الثانيه

وبكره يصادف يوم مولدي: 3/21/ وان شاء الله يكون هالشيء
فاااال رائع لي ولقصتي.

أحبتي.....

ادعوكم أن تكونوا معي بالنقد البناء

وكلي صدر رجب لتقبل كل ما سوف تقترحونه وتقولونه ،، كما
تعودت منكم دائما.

إنظروني غدا ان شاء الله مع مولودتي الثانيه

راجيه منكم قبولها كما تقبلتم اختها الكبرى
"غرور وكبرياء"
وتقبلوا محبتي وتقديرى الدائم لكم.

.....

ملاحظه:

(كل يوم جمعه ويوم اثنين راح أنزل بارتين)

....-_*™£ البارت الاول £™*--_....

حكمه

كان فهد يسوق سيارته الرنج روفر بسرعه مخيفه ولا هامه حد
ولا يشوف بسبة الحاله الي هو فيها والي شافه من شوي (كان
في عرس حبيبته) الي انحرم منها بسبة ظروف هو ميعرفها.

وصل البحر ونزل وخلا باب سيارته مفتوح وكان مشغل الراديو
على صوت الخليج (وهذه عادة فهد من يركب سيارته يده تمتد

تلقائيا ويشغل على اذاعته المحبيه)

وراح وقف عند البحر وقعد يتأمل البحر وهو في قمة حزنه
وعذابه وصرخ بعالي الصوت

فهد : اشهد يا بحر علي في هذا اليوم انذبحت على يد اغلى
مخلوق خلقه ربي.

وتم يصارخ ويرمي البحر بالحصى لحد ما انهد حيله وطاح على
ركبته وهو يناهت وعيونه غرقانه دموع محبوسه في موق عينه

وقعد لحد ما مل ورجع لسيارته ولقى الاذاعه شغاله على اغنيه
كأن القدر متفق مع حظه الردي انه يتعذب اكثر مما هو متعذب
سمع صوت من احب الاصوات لقلبه

(الصوت الجريح – ابو خالد عبد الكريم عبد القادر)

وكانه متفق معه واهداه هاذي الاغنيه.

اجر الصوت من جرح انبرى لي

انا والجرح اكبر من زماني

ومن وين ابتدي..ياجرحي الندي

حسبي على الايام والحظ الردي

كانت معي طول العمر عين وهدب..كانتمعي

كانت من الصغر حب انكتب ..كانت معي

واليوم انا عندي خبر وعلم اكيد

حبيبتي في قلبها حب جديد

آه آه على حبي اللي كان يا زمن ما به امان

ومن وين ابتدي ..ياجرحي الندي

حسبي على الايام والحظ الردي

حبيبتي ..حبيبتي ضافت على جرح العمر

جرح جديد

حببتي لا هي اصدقت بالي او عدت
ولا صدق حلمي البعيد
آآهين.. آآهين

آه على وقت مضواه على عمري اللي راح
ومن وين ابتدي يا جرحي الندي حسبي على الايام
والـحظ الردي

فهد حس ان قلبه وقف : شذا التوقيت مع ها الغنيه

وركب وضرب الدريكسون بقوه وصرخ وسكر الاذاعه ما يبني
يسمع يكفي الي شافه واسمعه في ها اليوم الكئيب التعيس وشخط
وراح لبيتهم وصل وقعد في سيارته يناظر الشارع المضاء
بإضاءة العرس

(العروس بنت عمه ماخذه ولد عمتها)

والبيت عباره عن ثلاث بيوت كبيره في حوش ضخم واحد بيتهم
بيت ابو فهد وبيت عمه ابو ثامر وبيت عمته ام جاسم)

وكانوا ساكنين في منطقة الدفنه وفي وسط الحوش نافوره دائريه
كبيره وعلى جنب مجلس للرجال بكامل ملحقاته قسم للشباب
وقسم للشباب ووراء البيت بركة سباحه يقدر الكل يستعملها .

تجاهل مشاعره التعيسه ونزل وراح لبيتهم ودخل ولقى اخوه عبد
العزيز في الصاله قاعد ينظره .

عبد العزيز : هلا فهد وينك قعدنا نحاتيك ؟

فهد : ليش تحاتوني شصاير علي ما فيني الا العافيه

وتوه بيروح لغرفته الا و عبد العزيز يناديه

عبد العزيز : فهد ابوي يبيك ضروري قال لي اول ما يجي فهد
جيبه وتعال.

فهد : بس الحين الوقت متاخر واكيد ابوي راقد

الا ام فهد داخله عليهم وعليها جلال الصلاه وعينها ما طاحت من
على ولدها فهد لانها عارفه شقد ولدها متعلق في بنت عمه
وعرفت بالي سواه في العرس.

جات ام فهد وقعدت جنب عيالها وقالت لفهد : يبه شحالك يا ربك
بخير ترى ابوك ما رقد لحد الحين يبيك

فهد : ياه ياذا اليوم الي ما يبي ينتهي على خير.

الا خالد دخل عليهم و عيونه منتفخه من الرقاد : هيه طببت عليكم
شتسون و ش فاتني يله قولولي.

فهد وهو يضحك وما وده يضحك : هههههه والله محد مرتاح
غيرك تراني احسدك.

خالد : افا حد يحسد اخوه المهم فهد شبلاك الليله خبلت في ولد
عمتك وخليته بيزه ما يسوى ولا ابوي قعد يتحلف فيك يا ويلك يا
سواد ليلك.

ام فهد ضربت خالد على كتوفه تبليه يسكت لان هذا مب وقت خفة
دم خويلد.

فهد : خليه يمه على الاقل هو صريح والى في قلبه على لسانه

المهم خلونا نروح لا بوي ونشوف شختام ذا الليل

وراحو كلهم لقوه قاعد على سريريه منبطح ويسبحن ما بقى على
صلاة الصبح الا ساعه.

فهد : مساء الخير يبه

وقرب منه وحب راسه وقعد على طرف السرير وابوه صاد عنه.

خالد : اقول ابوي ترانا كلنا ننطرك عطنا الى عندك

طالعه ابوه بنظرات ناريه خلته ما يتحرك من مكانه

والتفت لفهد وقال له : يا بوك انا مقدر ارجع الزمن لورا واعدل

فيه بس انت ليش سويت كذا في ولد عمتك وقدام ربعه وهله.

فهد : يبه انا ما اخرجته انا قلت الي قلته قدامك وقدام اخواني
وعمي بس.

ابو فهد : انزين ما سوبت حساب لعمتك الي تحبك وتعدك بحسبة
ولدها ولا استحييت على وجهك وانت تعدد مزايا بنت عمك قدام
ابوها واخوانها واخوانك.

فهد : يبه اذا تذكر زين عيال عمي صغار ثامر 15 سنه وعلي
10 سنين وعمي سمع اول القصيده بعدها بعد.

ابو فهد : اكيد بيبعد وهو يشوفك بذيك الحاله كنك شارب ولا
عيونك الي كلها شرار وحمار.

قلي شستفت من الي سويته؟؟؟؟

فهد : بس بردت قلبي فيه وبينت له ان في مهب له لا من اول ولا
من تالي.

ابو فهد : يا بوك خلاص انسى في معاد لك فيها شي صارت حلال
غيرك.

فهد والضو شابه فيه من راسه لساسه : خلاص يبه قلت الي تبي
.

ابو فهد : يا بوك تراك صغرتني قدام المعازيم وفعلتك هاذي مهب
فعايل رجايل وانا اخاف عليك تراك مهما كبرت بتظل فهد
الصغير.

خالد : يبه أي صغير الله يهداك هذا ولدك شكبره عمره 32 سنه
وطرشته يدرس براولو انه صغير كان ما خفت عليه وخليته

يروح يدرس بلاد الامريكان على قوله يدوه.

ابو فهد : اقول ام فهد اخذي ولدج هذا وقطيه برا غرفتي لا اقوم
واذبحه.

خالد : خلاص والله حرمت هاه (وخط يده على ثمة دليل انه مهيب
متكلم)

عبد العزيز : يبه خلونا الحين نروح نصلي ونذكر الله والى فات
مات

ابو فهد : هذا الكلام السنع سبحان الله ما كنكم تؤام.

خالد : يبه فديتك شفيك علي ؟

ابو فهد : مافيني شي بس ابيك مثل اخوانك عقل وثقل ورزه

(خالد وعبد العزيز توأم اعمارهم 23 سنه خالد متخرج من كلية احمد بن محمد العسكريه والفروض يكون اثقل من كذا بحكم دراسته العسكريه بس هو من صغره ومحد يقدر يغيره اما عبد العزيز مخلص جامعه ويساعد ابوه واخوه في شركتهم في وقت فراغه اما شغلته الاساسيه وهو بطل سباقات رالي)

طلع ابو فهد وعياله للمسجد القريب من بيتهم وصلوا صلاة الفجر جماعه وابو فهد يوم شاف اخوه بو ثامر غمز عينه لفهد انه يسلم عليه : قام فهد وحب راس عمه وطلع من المسجد وراح لغرفته

وقط روحه يبي ينام لكن هيهات مهب حوله الرقاد ولا يحلم فيه
قعد يتقلب يمين شمال يوم انه شاف ما به حيله قام قعد يقلب في
البوم الصور وشاف صور غاليته وهي صغيره طبعا وتم يضحك
بعدها قطهم على طول يده وقعد يلغنها ويلعن روحه وينعتها
بالخاينه

وتذكر امس في العرس يوم انه تكشف وراح للعرس ويوم ابوه
شافه استانس على باله انه ياي يبارك ويهني وبيروح بس الي
سواه فهد ميسويه الا الي محترق جوفه من نار الغيره والغدر
وقال هي خاربه خاربه

راح لولد عمته المعرس وسلم عليه سلام من بعيد وقال له : تعال
شوي بعيد بقولك شي ما بي حد يسمعه.

جاسم : لا قول الي عندك ترى ما به غير هلك الي هم هلي قول
الي عندك.

فهد : من مصلحتك تسمع الي بقوله لك بروحنا انا وانت بس.

ابو فهد وهو يلتفت لفهد : شبعيت انت ما سلمت خلاص تعال اقعد
ولا روح.

فهد : ليه يبه تبيني اروح ؟

ابو فهد وهو يشوف حالة ولده وعيونه المحمر هالي كلها شرار
: اقصر الشر وانا ابوك.

فهد : اجل اسمع يا جاسم وانتبه لكل كلمه بقولها لك :

أبد ما جيت ابارك لك ولكن انا اوصيك

على اليه ناوين (ن) تدخل بها الليله معذبتى

ترى لولا الظروف اللي عطتك وحدت محاكيك

قسم بالله ما تدخل عليها لو على رقبتى

لكن النصيب اقوى ولا ادري ايش اسوي فيك

نعم ... صارت معزبتك ولا صارت معزبتي

كذا ... شاعت بنا الاقدار تحرمني لاجل تعطيك

كذا لازم عشان تفوز انت و انا اخسر تجربتي

تراها غاليه جدا تكفى والله يخليك

تدلها تدلها تنسيها مصاحبتي

انا من كثر ما اغليها احس اني بديت اغليك

ولا تسال بايه حق ولا وش مناسبتي

لانك لو بتسالني بتسمع شي ما يرضيك

لذا يا خوي لا تسال ولا تسمع لا جوبتي

ابيك تحطها في داخل عيونك وبين اياديك

وهي دلوعه اعتادت على كثرة مداعبتي

فداعبها شوي شوي لين تشتهي طاريك

وشاغبها الين تقول بطل مشاغبتني

واذا هي مالها خلقك ، ولا تضحك ولا تسليك

تحملها واسألها يا عمري ليه عصبتني ؟

وبالك اسمع انك يوم تضربها وهي تشتكيك

ما يحتاج اوري لك بفن الضرب موهبتي

صحيح انك بتملكها ومعك العقد بالتمليك

وانا عارف حدود الله ومن حقك معاقبتي

ولكن قل لها : المجنون وصاني وهو يعنك

يقول انه بينتظرك لو شيب وشيبي

وانا مجنونها اللي ما نساها وانت ما يمدك

تغطي ذكرياتي ... في هواها وربع تجربتي

احس اني تماديت بكلامي ،، والغضب حاديك

ولو انك في مكاني ما تفكر في محاسبتني

كفاك اني تركت الليله اشغالي عشان اجيك

دخلت القاعة برجلي ولا ادري بعاقبتي

وانا جيتك عشان اخاطبك واسمع مخاطبتي

توصي وانتبه واحرص عليها الله يهنيك

تري كل الكلام الي طلع من ضيقي وكبتي

ولكن ما قدرت اني اقوله وانت يخفيك

اخاف اني اذا قلته تقوم وتقطع رقبتـي للشاعر " محمد
الشهري "

وطلع من قاعة العرس وهو ما يشوف قدامه ولا دري هو شخلف
وراه من وجوه معتفسه من كلام فهد الكبير لجاسم.

(قبل العرس بيوم في بيت العروس)

كانت رعد بنت عم العروس واخت فهد عند بنت عمها تساعد
ما بقى الا يوم وتروح بيت زوجها جاسم.

رعد : في خاطري اعرف ليش سويتي في فهد كذا من شهر يوم
ملكيت بغيت اسالچ شلي فرقج عن اخوي وانتي مسفهتني ولا
تعطيني وجه ليه بردي خاطري وقلبي

في : رعد الله يخليج لا عاد تسالين ذا السؤال لاني مب مجاوبتج
لا انتي ولا غيرج.

شوي وجاتهم نور بنت عمتهم اخت المعرس.

نور : السلام عليكم

في ورعد : وعليكم السلام

(نور ورعد وفي تربطهم صلة القرابة وصداقه قويه ولا قد يوم
افترقن عن بعض السفرات الطلعات الكشتات والاسواق كله مع
بعض)

رغد : يله نور خلىنا نرتب اغراض عروسنا في بيتكم ونرجع لها
بعد شوي

وراحن البننتين وصفوا الاغراض في جناح جاسم وسلموا على ام
جاسم وردوا لفي لقوها على ما هي عليه كله عيونها تناظر شي
غير مرئي وكله تفكر وعجزوا امها وجدتها ورغد ونور وهم
يسالونها ومحد قدر يفهم سر التعاسه الي هي فيها وليش خلت
ولد عمها وحبها والي يعتبر خطيبها وخذت جاسم .

يوم العرس

كان عرس الحريم في فندق الريتز وكان مرتب ومتعوب عليه
وعلى الساعة 7 ابتدا العرس وانتهى مع ساعات اليوم الثاني
ورجعوا المعازيم لبيوتهم .

جدة العروس من صوب ابوها : اه منج يا في قاطعه قلبي ها
البت شفتي ويها كانت مبوزه طول الوقت .

ام ثامر ام العروس : اه يا يمه انا شقول بنتي مهب فرحانه مهما

حاولت تثبت غير ذا الشيء بس ما قدرت.

الجد: رغم جمالها الا ان التعاسه تبين من عيونها دخل عليهم
ابو العروس ابو ثامر: هلا بام ماجد وعبد الله

(ماجد ابو فهد وعبد الله ابو ثامر واختهم اسمها قوت ام جاسم)

ام ماجد : هلا فيك يا ولدي والله وكبرت في صرت ابو العروس

عبد الله وهو يطالع زوجته : والله محد كبر الا ام العروس ولا انا
عادني شحلوي وعادني صغيرون والدليل اني اصغر عيالج يا يمه

ام ثامر وكانت مره حلوه وعيونها ذباحه سبلت بعيونها لعبد الله
الي ذاب من ها العيون وقعد يخربط في الحكي ويعطي مرته
اشاره براسه وهي حاطه عمرها ما شافته ولا هي بفاهمه شيبى.

ام ماجد : اقول منيره قومي يامج مع ريلج راويه شغل الله عدل
هههه تحسبونى كبرت وماني بعارفه

عيني كانت تدور على غزالي ويوم شفتج نسيت الدنيا والتفت
على الكوشه شفتج وانت صغيره يا لبيه قلبج يا فيّ الله يسعدج يا
بنتي ولو اني حاس ان فيها شي بس هاذي حياتها وهي الي
اختارتها

المهم قربي خليني اتمنقل في ها الحسن الى كتبه لي ربي.

منيره : وين العيال.

عبد الله : هيه شوفوا انا شقول وهي تدل وتعرز اقول اعتدلي
احسن لج.

منيره : واذا ما اعتدلت وشبيصير يعني؟؟ (تقولها بدلع رباني
وكانت بكامل لبسها ومكياجها وعطورها وبو ثامر رايح في
خرايطها)

بعد ما رجع بو فهد من الصلاه راح لغرفته وهو مهموم من حال
ولده فهد وقعد يسولف مع ام فهد عن الي صار والي ممكن يصير
في الايام الجايه.

ابو فهد : الحين مثل ما أنتي عارفه فهد متعلق في بيت عمه وهي
خذت ولد عمتها وكلنا ساكنين مع بعض يعني معرضين انهم
يشوفون بعض كل حين وخايف تشعل النيران بين الاهل.

ام فهد : الله يستر من الياي وبنت اخوك الي هي بنتي من هي
عمرها سنه خاطري اعرف ليش سوت كذا في ولدي .

ابو فهد : يمكن في شي كايد خلاها تغير راياها.

ام فهد : يعني شفیه كنا بنملك بهم بعد تخرجها ونحتفل فيهم الا
بجیة جاسم كل شي طار حسبي الله ونعم الوكيل.

ابو فهد : الله يهديك حرام لا تدعين عليه تراه وحيد رضيعتي
تطالع الله وتطالعه معاد لها حد هي وبنتها نور.

ام فهد: انت عارف معزة اختك قوت عندي ولو عندي اخت
ماحببتها واغليتها مثل محبتي لام جاسم.

وقعدوا يسولفون ويحللون في الموضوع لحد ما ملوا وتعبوا
وحطوا روسهم وناموا...

نروح لبیت ام جاسم

ونشوف اخبارها واخبار معاريسنا الحلوين

ام جاسم مره حبوبه وطيبه والكل يحبها ويتمنى يخدمها من كثر
ما هي تخدم عايلتها وتبذل لهم من وقتها وصحتها

اصبح عليها الصبح وقعدت ترتب فطور المعاريس لانهم من بعد
ما طلوعوا من الصالة توجهوا لبيتهم على طول وهم بيسكنون مع
ام جاسم لان البيت كبير ومحد فيه الا هي وبناتها.

في جناح المعاريس

بعد ما طلع جاسم مع عروسه من صالة الافراح توجهوا بناء على
رغبة العروس لبيتهم حاول فيها جاسم انهم يباتون في واحد من
الفنادق بس هي رفضت

بعد ما وصلت جلست في الصالة وهو مقابلها مهب عارف شلون

يفتح معاها سالفه

قام من مكانه وراح صوبها يبي يرفع الطرحه عنها عطته اشاره
: بلا ما فيه داعي.

جاسم: شلون يعني بنتم ساكتين كنا في عزاء من دخلت عليج
صالة العرس وانت مبلمه عسى ما شر.

فيّ : ليه ما تعرف اشفيني يا ولد عمتي.

جاسم : فيّ خرينا نبدا حياتنا بدون مشاكل.

فيّ وهي تضحك باستهزاء : شوفوا من يتكلم عن المشاكل.

الله يخليك خلك في حالك وخلني في حالي ولا تنسى اتفاقنا.

جاسم: انا وافقت على كلامج اول مره عشان امشي السالفه
مادريت انج جاده بكلامج

فيّ : لا انا جاده والي انت سويته لا يمكن اسامحك عليه ولا
اغفره لك.

جاسم: اشدعوه تغفرين لي تري رب العباد هو الي يغفر ويسامح
مو انتي.

في : رب العباد كريم وانا انسانه محطمه مكسوره مسروقة
الاحلام.

جاسم : كله عشان ولد عمج الحليان

فيّ والشرار طالع من عيونها : خل ولد عمي في حاله ولا تجيب
طاريه لو سمحت.

جاسم : بلاج ما تعرفين بالي سواه في العرس فيني والله ما
افوتها له بالساهل.

فيّ : ما يهمني اعرف ولا ابي اعرف الي ابيه منك تحترم اتفاقنا
وتنفذه

جاسم: اوكي الايام بيننا يا بنت خالي

وطلع عنها وراح يبذل وينام اما هي ظلت جالسها والدموع ماليه
عيونها وتعبانه من قلة النوم وكثرة المشاكل الي انصبت فوق
راسها من جية جاسم للبلاد من شهر.

يا ترى شسالفه في مع ولد عمتها جاسم!

وشلون تزوجته وهي ما تبيه وكانت بتزوج ولد عمها فهد!

بتعرفون ها الاشياء في البارت الجاي ..

تابعوني وفالكم طيب

..._--*TM£ البارت الثاني £TM*_--_...

حكمه

سافر فهد من بعد صلاة الجمعة ما يبني يشوف أي شي يذكره بهم
راح سياحه لدبي وصل هناك وجلس يتفكر في دنيته من يوم أنولد
لحد لحظته هاذي.

تذكر وجه امه وابوه واخوانه التوأم ورغد صغيرونته على قولته
وتذكر وحده في سنها وهز راسه عشان يطرد صورتها من خياله
نزل من فندقه وراح يتمشى لحديقة الممزر وقضى وقت طويل
لحد ما تعب من المشى

وصدقه لقي واحد من ربعه الى كانوا معه في الجامعة الامريكيه
من 6 سنين ما شافوا بعض بس كانت بينهم المكالمات
والمسجات وكان اسمه محمد بعد السلامة.

محمد: هلا بالقاطع ياخي يوم انك في الامارات ليه ما اتصلت
فيني ولا ما تباننا؟

فهد: لا والله بس كنت تعبان ولا بغيت اتعبك معي والحين يله
خذني وين ماتبي؟؟

محمد: هلا ببو مايد هلا مليون ولا يسدون
وقعدوا يلفون لين نص الليل بعدها راح فهد لفندقه بعد ما اتفقوا
انهم يقضون باكر كله مع بعض.

نرجع للدوحه وبالذات للدفنه في بيت ام جاسم
بعد مراحوا المهنيين كلن لبيته طلعا المعاريس لجناحهم راح
جاسم لفي في غرفتها دق ودش ع طول بدون أستأذان
في : هلا بغيت شي!.

جاسم: لا بس الكل اليوم لا حظ وجومج ويوم اسالوج وين
بتروحون شهر غسل ليش قلتي انج ماتبين!!.

في: لو لا حظت ولا سمعت ردي عدل كان عرفت اني قلت بعد

اسبوع عندي اخر امتحان ولا اقدر اروح وان شاء الله الايام
الجايه بنعوضها.

جاسم: فيّ انسي بدايتي الغلط معج والله اني ما سويت الي سويته
الا عشان تكونين لي لاني عرفت ان مالي حظ معج الا بهالطريقه
فيّ : جاسم انت تزوجتني وانت عارف اني ما ابيك ولا احبك خلك
حقاني من يوم واحنا صغار كنا نتهاوش ولا نتواطن.

جاسم: بالعكس كنت وما زلت احبج وكنت اهاوشج لاني كنت
اغار من علاقتج بعيال عمج.

فيّ : أي عيال ترى خالد وفهد اخواني ولا يحق لك تغار .
جاسم: وفهد ؟؟؟.

فيّ: ردينا شقلت لك لا تجيب لي طاريه لو بغيت حياتنا تستمر مع
بعض لانه مهب من مصلحتك كل شوي تذكرني فيه .

جاسم: ليه هو انتي نسييتيه انا كل ما ناظرت عيونج اشوفه
فيّ: الله يخليك خلنا من ها السالفه الحين شتبي مني!!.

جاسم: خلينا نعطي نفسنا فرصه يمكن مع الايام يصير فيج ميول
صوبي.

فيّ : جاسم خل عنك انا تزوجتك عشان انقذ ابوي من الي قلت لي
عنه وبعدتني عن فهد بسبة الي راويتني اياه
جاسم: اسف في والله مهب قصدي .

فيّ: لا تحلف جاسم تراك خططت ورسمت وساعدك القدر
والشيطان على تنفيذ مخططك ولا جبته الا على راسي وعذبتني
شهر كامل وانا ما انام كله اتسال ليه ابوي يصير فيه كذا ولا فهد
ليش يخوني وانا اسوي عيونه لحد ما اهلكني التفكير
جاسم: والحل في نظرج عاجبج الحال تونا معاريس م صار لنا
يومين كني ما خذج من 20 سنه.

فيّ : والله انت عارف ان ذا بيكون حالنا من اول فليش الحين

تشتكي

مل جاسم من مناقشتها وطلع منها وراح لغرفته وانسبح وشوي
وجاه اتصال

:الو اهلين مبروك يا المعرس وينك حرقت تليفونك وانت مترد
ليه عسى ما شر.؟!

جاسم: انا شقلت لج كم مره قايل لج لا تتصلين انا الي بتصل فيج
:بس انا ما قدرت اصبر اكثر من كذا.

جاسم: بشاير اسمعيني عدل ترى والله اني معاد ارد عليج.
بشاير: متقدر تعرف ليش لان احنا الاثنين مخلوقين لبعض انت
محتاجني وانا احبك.

جاسم: بشور شوفي اقدر انسفج واجيب غيرك يساعدني.
بشاير: اصدق كالي سويته وساعدتك فيه يثبت لي انك شيطان
وابليس مدموجين مع بعض.
جاسم: اسم اله عليج ياملاكي.

بشاير: جاسم انت تحب وحده ما تبيك ولا تحبك وانا احبك وانت
مهب معبرني خلك مع الي تحبك وشاريتك بماي عيونها.
جاسم: بشاير سكري التليفون وروحي نامي احسن لج.
بشاير : ليه مستعجل الحلوه جنبك الي اعرفه انها ما تواطنك في
عيشة ربها ومتاكده انها في غرفه وانت في غرفه.

جاسم من حرته سكر التليفون في وجهها.

تذكر جاسم شلون تعرف على بشاير هي مهب غريبه عليه هي
بنت الجيران بس ما فيه بينها وبين اخته وبنت خاله تواصل بس
هي معجبه فيه من زمان وقعدت تتقرب من اخته نور لحد ما
فرضت روحها عليها وعلى رغد وفي لان ها الثلاث ما يفترقون
وكل صديقه لهن برا العايله يتعرفت عليها ثلاثهن ومن حوالي
سنه ونص لما كان جاسم في زياره للدوحه جاي يشوف امه

واخته تعرضت له وفرضت روحها عليه وهو استغل الفرصه
وشغلها جاسوسه له لما يكون هنا تجيب علوم واخبار في يذكر
انها قالت له

بشاير: ليه انا ابيك لنفسي وانت تبي تشغلي اتجسس لك على
وحده ما درت عن هواء دارك

جاسم: اسمعي بشاير انتي سوي لي الي ابيه وشوفي رضاي
عليج شبيكون.

بشاير: والله يعني ممكن انك تحبني في يوم تراني والله استاهل
حبك لانك ما بتلقى قلب شاريك وحابك كثري واستمر جاسم
مشاعرها لحسابه وكان يعرف اخبار في وفهد خطوه خطوه بسبة
تواجد بشاير بينهم الدائم.

واول مجاها السنه قوى علاقته بها لحد ما طلب منها انه يشوفها
وهي المسكينه ما صدقت جاته ركض وواعدها في بيت واحد من
ربعه وقعد معها سوائف وضحك لحد ما امنت له وصدقت انه ابتدا
يحبها.

جاسم: بشاير عندي لج هديه حلوه ممكن البسج اياها.
بشاير: انا مبني هدايا انت هديتي ولو ما احبك تري ماجيتك
برجلي لحد هنا.

جاسم: عارف وانا ابتديت اميل لج بس تعالي شوفي هديتي
وقومها (كانوا جالسين في مجلس وهي عليها عبايتها والشيله
على الكتف يا بلفيت انها حبيبته ويحق له يشوفها)
وخلاها في مكان واضح للتصوير وقرب منها وهو يبتسم لها وفي
يده سلسله يبي يلبسها اياها.

بشاير كانت مستحيه من قربها منها: خل عنك انا بلبسها.

جاسم: افا ليه تحرميني من قربي.

بشاير وهي طايره من الفرح: لا بس مستحيه شوي.

جاسم: خلي عنج المستحي احد يستحي من حبيبه لبسها الهديه
وكان من داخله حزين عليها بس ما في يده غير ذا حل .

جاسم: لون شعرج حلو وايد .

بشاير هزت شعرها يمين ويسار وهي فرحانه : صابغته عشانك
اشقر فاتح مهب انت طالب مني ذا الشي .

جاسم: ايه احب ذا اللون وهو يقول في خاطره شسوي يا بشاير
الحرب خدعه بس الله يعلم اني ماراح العب في صورج وخصوصا
اني طالع معج فيها .

وبعد ما قعدوا مع بعض سوائف وضحك وصلها لبيتها وهي تحلق
من الفرح شتبي جاسم ويحبها خلاص هاذي امنيتها وتحققت .
اما جاسم فخذ الصور ودبلجهن بحيث انه الي يشوفهن ما يعرف
صاحبة الصور وشطب صورته وحط بدالها صور فهد ؟؟
اما بشاير فكان طالع في الصور مقفاها وشعرها الطويل الاشقر
وفهد طالع مبتسم مره وضمها ومره يلبسها ومره حاط يده ع
شعرها وكنه بيرفعه لها .

جاسم وهو منبطح على سريره وهو يتذكر : سامحني ياولد خالي
ما كان قدامي الا ذا الحل شسوي كوشت على الاولي والتالي حب
العايله وخذته واكبر منصب في الشركه ومحتله واحلى واغلى
بنت بالنسبه لي لك شتبيني اسوي لك غير ذا الشي (وكان طالب
من بشاير تصبغ شعرها ها اللون عشان محد يعرفها لما ينشر
الصور عند العايله وطلبه كان تصبغه المدة يوم واحد بس بعدها
ترد للونها العادي عشان خواته ما يعرفونها)

وفي يوم خلا اخته تتصل في في وتناديها لبيتهم ضروري ولا
تقول لها شي .

نور: ليش جاسم قول لي اخاف اناديها ولما تعرف انك الي طالبها
تزرعل مني .

جاسم: انتي معلج خليفها تجي وانتي لا تروحين بعيد خليفنا في الصاله ابيها في موضوع ضروري وحاولي انج ما تقطين الاذن . راحت نور واتصلت في في ونادتها وجات وقعدن مع بعض الا ودخله جاسم عليهن ولما بغت في تقوم قال لها جاسم: في قعدي ابيج في موضوع مهم وانتي نور روعي ولا تبعدين وايد.

في : ليه اشفيه وشتبي فيني.

جاسم: لا تخافين يا بنت خالي تراني ما اعض في : لا بس غريب انك طالبني الهم عسى ما شر امر. جاسم وكان قاعد يطالعها (هي من عمرها 18 وهي تلبس النقاب) واخر مره شافها بدون نقاب او لثمه كان عمرها 16 بس عارف شقد هي حلوه المعاني والشمائل وتملك من الحلا والحسن الي ما تملكه بنت غيرها.

جاسم: ما يامر عليج عدو (هذا الكلام قبل شهر من زواجهم) بس حبيت احطج في الصورة انتوا وش احوالك الماديه ؟؟ في : شذا السؤال هذا الكلام توجهه لابوي مهب لي وانا شعرفني .

جاسم: لا بس انا حبيت اتناقش معاج انتي لاني عارف انج بعد شهرين بتخرجين قسم ادارة محاسبه وكني سمعت انج تبين تتوظفين في شركتنا بقسم النساء وتشتغلين بشهاتج. في : وشدخل ها السوالف في وضعنا المادي .

جاسم: اسمعي في ها الكلام محد يدري عنه الا انا ورفيق لي والحين انتي وانا امنتج عليه وعارف ان مصلحة ابوج تهمج وحالته الصحيه بعد.

في: وشو حالته الصحيه شتقصد اشفيه رد لا تسكت!!.

جاسم: قبل كل شي عندي اخبار سيئه لج وسامحيني ما كان

قصدي بس انتي المعنيه والي يهمج ولا ما كان قلت لج .
فيّ: بتقول ولا شلون تراك حرقت اعصابي .

جاسم: وانت ليّن الحين ما تطيقيني

في: لا حول ولا قوة الا بالله اشفيك بتقول ولا اقوم اروح.؟!!

جاسم: انزين اسمعي ابوج دش مناقصه بمشروع بفلوسه
وعرفت ان ها المشروع فشل وابوج خسر كل فلوسه وما بقى له
في شركتنا المشترك معاشه الي يستلمه كل شهر وهذا الشي اثر
على قلبه.

فيّ : وشتقول ؟!

جاسم: ابوج تعبان من قلبه ومحد يدري غيره وانا والدكتور لان
يوم طاح ذاك اليوم انا الي شلته وديته للمستشفى ولما عرفت

حلفني ما اقول لاحد و بس

فيّ: وهو حالته خطيره ؟!

جاسم: لا بس طلب منه الدكتور الابتعاد عن الانفعال والعصبية

لانهم مهّب في مصلحته

فيّ: وهذا الكلام من متى.

جاسم: من شهرين تقريبا.

فيّ: وانت شمصلحتك تقولي الحين

جاسم: لان عندي عرض لج

فيّ: شنو العرض؟!

جاسم: اسمعيني عدل بعدين ردي.

فيّ وهي ميته قهر على ابوها والحال هالي وصل لها هي لاحظت

عليه في الفتره الاخيريه كثرة التفكير : اتفضل

جاسم: تتزوجيني وبشيل الهم المادي عن ابوج يعني بحط

الفلوس الي خسر ها في الشركه ولاكنه خسر ولا حظي تراه خسر

مبلغ كبير يعني هذا المبلغ الكبير بيكون مهرج مني.

فيّ: وشو شذا الكلام انت شفيك شقاعد تخربط انا لو كنت انت
اخر شخص مراح اتزوجك.

جاسم: لا يا بنت الخال بتزوجيني وانتي تضحكين تعرفين ليه لان
ابوج سلمج الله يدور الي يسلفه المبلغ عشان خالي ماجد وامي
مايدرون بحالته فانا عرضت عليه اني اعطيه المبلغ فهو رفض
ياخذه الا كسلف وانا عطيته المبلغ كامل من فلوسي الخاصه مهـب
فلوس امي ولا اختي وابوج وقع اوراق ان يدفع لي كل شهر مبلغ
معين وبعد يوم لازم يدفع لي واذا ما دفع بضطر اقدم الشيكات
للمحكمة.

فيّ: من صدقك تتكلم ولا.....!؟

جاسم: والله اني صادق اذا وافقتي على الزواج محد بداري عن
حالته الماديه وبنحاسب على صحته كلنا.

فيّ: فرضنا وافقت على عرضك انا بحسبة مخطوبه لفهد.

جاسم: انسي فهد لانه ما يستاهلج.

فيّ: اشلون ما يستاهلني هذا الشي انت ماتقرره انا الي اقرره.

جاسم: صدقيني فيّ فهد واحد لعاب واذا مهـب مصدقتني ترى
الدليل عندي.

فيّ: جاسم هذا الموضوع ما يتغشـمرون فيه وانا عارفه انك تكره
فهد فخله عنك ولا تتبلى عليه.

جاسم: انزين مستعده للي براويـج اياه.

فيّ: يعني شلي بـتراويني اياه.

جاسم: دقيقه بس وجايـج

راح لغرفته وجاء وفي يده ظرف وحطه على الطاولة وتمت فيّ
تناظر الظرف شوي وخذته وفتحته ويدها ترتجف خايفه من الي
بتشوفه وشافت شي عمرها ما تخيلت انها تشوفه ثلاث صور
لفهد في اوضاع مختلفه مع وحده معا لمها مهـب واضح هالي

واضح وجه فهد وهو يضحك ويديه تلبسها على رقبة البنت شي
معرفته والصوره الثانيه وهو يمسح خدها بيده الثالثه وهو
ضامها وهي ضامته بالحيل.

فيّ: مستحيل اصدق هذه الصور مفبركه فهد ميسوي كذا ...
جاسم من سمع كلمة مفبركه طاح قلبه في ريوله: أي مفبركه الله
يهديج وخذ الصور من يديها لانه خاف تاخذها وتحري عنها.
شوفي عدل وتمنقلي عدل المهم انا بعطيج اسبوع تفكرين ترى
والله يا فيّ اني احبج ولا فضايح في عايلتنا ولازم تحطين مصلحة
ابوج قدام عينج وصحته لازم تكون من اولوياتج بعدها فكري في
قلبج

فيّ: ممكن تخليني بروحي ولا تخاف بفكر في الي قلته كله وبرد
عليك

جاسم: فيّ انا مهب خايف الا على صحة خالي وترى ما سويت
الي سويت الا عشان ابغيج وشاريج
فيّ: اوكي جاسم روح وخلي الحين
طلع جاسم من بيتهم وهو في قمة اناسته انه دمر علاقة في وفهد
واخيرا بتكون له ياه احمدك يا رب من متى وانا اتمناها تكون
شريكة حياتي وقعد يخطط ميدري هو شخلف وراه.
خلف وراه قلب متحطم مكسور من حال الاب الصحيه والماليه ولا
خيانه فهد لها ولا احلامهم الي يا ما احلموا فيها.
وكلها خمسة ايام واتصلت عليه فيّ وعطته موافقتها وهو مهب
مصدق وكلم امه الي انصدمت من طلبه وقالت له: مستحيل فيّ
بتوافق وانت عارف ليش.

جاسم: خلاص يمه انا كلمت خالي وشاورها وهي وافقت ما بقى
علي انج تكلمين امها وتشوفين طلباتهم.

ام جاسم كانت منصدمه لانها اكثر وحده في ها العايله تعرف عن

فِي وَفَهْد لَانِهِمْ يَا مَا تَقَابَلُوا عِنْدَهَا وَيَاتَهَاوَشُوا قَدَامَهَا كَانَتْ تَعْرِف
شَقْد هُم الثَّانِينَ يَحْبُونَ بَعْضَهُمْ.

أَمَّا فَهْد فَكَانَتْ حَالَتُهُ أَصْعَبُ مِنَ الصَّعُوبَةِ ذَاتَهَا حَاوَلَ يَعْرِفُ شَلِي
يَصِيرُ وَحَاوَلَ أَنَّهُ يَكْلِمُ فِيَّ بَسَ فِيَّ كَانَتْ مَسْكِرُهُ عَلَى نَفْسِهَا الْبَابِ
وَلَا عَطَتْ أَحَدَ خَبَرٍ لَيْشَ هِيَ سَوْتٌ كَذَا.

وَأَمَّا جَاسِمٌ عَلَى فِيَّ وَكَانَ قَدَامَهَا ثَلَاثَ أَصَابِيعَ تَتَجَهَّزُ فِيهَا
لِلْعَرَسِ.

حَاوَلْتُ نُورَ وَرَغْدَ يَعْرِفُونَ شَلِي صَابَ صَدِيقَتَهُمْ وَخَلَاهَا كَذَا وَأَمَّا
ثَامِرٌ وَأَمَّا فَهْدُ وَالْجَدُّ وَمَحْدُ طَلَعَ مِنْ عِنْدِهَا بِخَبَرٍ غَيْرِ أَنَّهَا
اسْتَخَارَتْ وَفَكَّرَتْ عَدَلَ لَقْتُ أَنَّ جَاسِمًا مَا يَنْرَفُضُ.
وَفَهْدُ يَا فِيَّ!!

فِيَّ : اللَّهُ يَعْوُضُهُ بِأَلِيٍّ أَحْسَنَ مِنِّي.
وَوَخَلَّوْهَا بِهَمِّهَا إِلَى كِبَرِهَا عَشْرَ سِنِينَ عَلَى سَنَاسٍ شَتَّى هَلْ مِنْ
الْمُمْكِنِ أَنَّهَا تَرْتَاحُ لَوْ وَافَقَتْ عَلَى جَاسِمٍ أَوْ يَتَدَمَّرُ نَفْسُهَا بِقَرَارِهَا
إِلَى خَذَتِهِ
وَتَابِعُونِي فِي الْبَارَةِ الْجَايَةِ إِلَيَّ بِكُلِّهِ مَفَاجَأَتٍ.

البارت الثالث ٤٣٣*..._

وعندما يخوننا حبيب ... ننتهي

فإذا خانك احدهم وتيقنت من خيانتة فلا تضيع وقتك في
استفسارات غبيه ولا تنتظر منه اجابه فالخيانه بحد ذاتها اجابه

كان فهد قاعد في اللوبي ينتظر محمد صديقه كانوا متواعدين
انهم يروحون مول دبي وهو ينتظر

وطرت على باله فيّ والي سوته فيه

وقعد يتخيل هي شتسوي الحين اكيد قاعده مع جاسم تضحك له
ويشوفها ويلعب في شعرها ويلمس خدودها هل ضمها ولا باسها
لا لا مستحيل هي لي انا مهب لغيري

أي غيرك يبه ذا زوجها والحين متزوجين لهم عشرة ايام وانت
قاعد هنيه بحسرتك قام معصب من افكاره وقعد يدور في المول
شوي الا محمد جايه

محمد : هلا بو مايد صبحك الله بالخير شحالك الغالي

فهد: هذا هو حالي تعبان يا اخوك وما طب النوم عيني.

محمد: افا يا الغاوي عسى ما شر بعني في السوق ولا اشوفك
تعبان.

فهد: اه يا محمد شقول وشخلي جيتني في وقت صعب تسال عن
الحال حالي متردي يوم عافوني وخانوني احباب قلبي .

محمد: اقول تعال خلنا نيلس ونتقهوى ورمسنى يمكن ترتاح ولا
تنسى اني كنت وما زلت لك الصديق الوفي.

فهد: شقول ولا وين ابدى تذكر في بنت عمي الي صورتها في
حجرتي يوم كنا في امريكا.

محمد: اشهد اني اذكرها حد يقدر ينسى ذاك الملاك.

فهد وهو يذكر ذيك الملامح الملائكيه الطفولييه: ها الملاك وملكت

كل احساسى وصارت لى كل دنيتى بس اه من غدرها ما اصعبه .

محمد: اسمع خوى اباك تبدا من البدايه عشان اقدر افيدك الى
اعرفه بالى عن ملاكك انك من يومها صغيرونه انت تشيلها
وتحطها بحكم انك اكبر منها بـ عشر سنين وهى تسميك باباتى
وقبل لا تسافر عنها تدرس برا بغت تموت من فراقك ولا خلتك
تسافر لحد ما جبت لها تليفون جوال وخزنت لها رقمك كم كان
عمرها ذيج الايام.

فهد: 12 سنه وكانوا اهلها مغتاضين شلون أجيب لها تليفون
وهى صغيره تعرف سكان ردها لهم؟

قالت والله ما العب فيه ولا افتحه الا لما ابغى اكلم فهد وبسكده
وعد منى وشوفوه اذا لقيتوه مفتوح اخذوه واقتنعوا بكلامها
وعطيتها مواعيد المكالمات عشان تحاكينى لدرجه اختى غارت
وتبى مثلها بس ما نفذت لها كانت صدق مدلتى صغيرتى طفلى
وكل شى لى

محمد: هذا الى اعرفه وزود عليه انها اتحكم فى وقت نومك كانت
تقومك من قعدتنا وتقول سر نام عليك باجر جامعه وبعدين !!

فهد: انت عارف اني قعدت ادرس برا 6 سنين وكان فيه اجازات
في ها المده كبرت ولا خذت بالي من ها الشي

محمد: اكيد بتكبر وعلى تخرجك كان عمرها 18 سنه

فهد: لا صارت احداث خلتني اخلي في صديقتي وكاتمة اسراري
انت تعرف سالفتي مع سلمى ؟

محمد: ايه البنت البحرينية هالي كانت تدرس معنا ادارة اعمال
وكلنا نعرف انك تحبها وهي تحبك وكان بينكم اتفاق على الزواج
بعد التخرج بس هي ماخلصت دراستها وردت لبلادها بعد سنتين
من الدراسة وتزوجت وشفنا شصار لك كل ذا مهب جديد علينا .

فهد: محد ساعدني انساها الا في

محمد: اشلون ???

فهد: لما انزل اجازه كنت اخلي في تحاكيها لي وتعطيني التليفون
وعرفت انها انجبرت تتزوج شريك ابوها في الشغل عشان اشغال
ابوها وحاولت اني اجي اخطبها واقدم لها مهر محترم يشل ابوها

من ورطته بس هي قالت لي ما فيه فايده ابوي مصمم على ذبحي
حرمني دراستي الي احبها وحرمني منك اه يا فهد شسوي وقلبت
كياني وخليت هلي وسافرت لها حاولت اني انقذها من مصيرها

بس اثناء سفري لها ملكوها على شريك ابوها وانهرت وما حد
ساعدني غير فيونتي كان عمرها 14 سنه واهلها حجبوها لو
تشوفها كانت حلوه بس معتبرها مثل رغد وكانت تقسي على فتره
وتشغلني بهلي وبها لحد ما خلصت اجازتي ورديت للدراسه
وكنت تعبان لفرقي سلمى وزواجها بس تقبلت الواقع ومشت
حياتي مثل ما انت عارف تعرف

لما حببت فيّ بعدين عرفت ان حبي لسلمى حب واحد لوحده من
نفس الخليج وجمعتنا الغربه ولا تنسى ان سلمى هي الي بدت
بحبها لي وكانت جريئه شوي وعجبني الوضع وبعدين حببت
أخلاقها والتزامها وشفقت انت شلون كانت تعاملكم مثل اخوانها
وانا الي حبه واختارته على قولتها.

محمد: اوكي وبعدها خويه وشتسوي لكم ؟

فهد: قبل تخرجي بكم شهر ردت للديره وقعدت عندهم ثلاث
اسابيع وصار فيها موقف يمكن هو الي قربني من فيّ

محمد: وانت شدراك بمشاعرها ناحية جاسم.

فهد: هي دايمًا تصارحني انا وهي وعمتنا قوت ام جاسم كله مع بعض وسوالف ورمسه وحتى حبنا كنا ما ناخذ راحتنا الا عند عمتي.

محمد: وعمتك شلون تسكت عليكم وانتوا ايا كناري الحب تتبادلون الحب قدامها. هههههههه.

فهد: غر بل الله ابليسك منتبادل حب ولا شي كل السالفه انها تشوفنا نسولف عندها وعلى فكره في تحط لثمه على وجهها في وجودي ووجود جاسم ولد عمتنا اما اخواني التوم فهم اخوانها.

محمد: المهم شبلًا جاسم على في ؟ وشو الموقف الي قربك منها

.

فهد: هذا جاسم كان طالع معصب من بيتهم بسبة موقف امه وحبها لي وهو بعقله الصغير يفتكر ان امه تحبني اكثر منه وبعد مناقشات في وجودي طلع معصب وانا وعمتي قاعدين سمعنا صرخه برا طلعتنا شفت منظر الله لا يراويك اياه.

محمد: وشو؟؟

فهد: جاسم بعد ما ركب سيارته رجع بسيارته لوراء وهو ما طالع
وراه بسرعه فصدم فيّ الي كانت جايه لبیت عمتي وطاحت
وطلعت اركض شفت في طايحه والدم طالع من راسها ومغرق
لثمتها ووجهها

جاسم تم مثل المسبه ما تحرك من مكانه وعمتي راحت لها
وشلتها اما انا وخرت جاسم عن السياره وركبت وركبت عمتي
وفيّ وعلى المستشفى وانا مسرع ومنزل انبير السياره وحولت
وشليت في الي غرقني دمها وعلى طول للطوارئ ودخلوها غرفة
العمليات وانا وعمتي برا ولا نعرف عنها شي ومضت ساعتين الا
بوصول عمي وجاسم وباقي العايله وتعال شوف اختي رغد وبنت
عمتي نور اقلبوها محزنه وهات يا صياح

المرضه : لو سمحتوا هدوء وعاوزين متبرع بالدم من نفس
فصيلة المريضه.

فهد: نطيت الا انا عندها وقلت لها دمي نفس فصيلة دمها ودخلت
وتبرعت لها بكميه كبيره من دمي لانها خسرت ونزفت كثير.

رافضه تبي حليب امها.

لحد ما اقترحت عليهم امي انها ترضع فيّ مع اخواني التوم الي
كانت اعمارهم ذيك الساعه سنه وما زالوا يرضعون من صدر
امي وبعد عده محاولات من امي وجدتي تقبلت فيّ حليب امي
ورضعت فتره طويله وبكذا صارت في اخت لأخواني بس مهب لي
ولا لاختي رغد من يوم الحادث في وانا احس احساسي حاولت
اكذبه واتجاهله وبعدكم يوم سافرت وجيتكم وانا مخلي قطعه مني
في الدوحه.

محمد : يا ويلاه يا فهيدان طحت في الحب من يديد ولا حد سمى
عليك

فهد: والي اكدي اني حببت فيّ اني شفت سلمى بعد غيبه طويله
ولا حسيت ناحيتها باي مشاعر وقلت بتغزل فيها وبقول فيها
قصيده يا بلفيت امتحن مشاعري لقيت ان سلمى شكل ما قلت لك
مجرد انها البنت الخليجه الوحيديه وحلوه ومختارتي وكله تسبيل
عيون ومسجات حب واغاني

محمد: وين لقيت سلمى ؟

فهد شفتها وانا رايح ارد اختي من الجامعه ولما تاخرت اختي
نزلت اتمشي في ممرات الجامعه الا اشوفها وطبعا هي ماتتغشي
مجرد حجاب الا صوت عليها بصوت واطي والتفتت علي وقلت
لها كم بيت شعر.

محمد: مانت بهين قولي شقلت.

فهد: صدقتي يا محمد شكل ما قلت لك كنت اختبر مشاعري ناحية
في ولا ما كنت ابي اهيح

وقلت

شفتها يا محمد صدقه بعد ما غابت سنين

عند قسم المختبر وسط مشفى الجامعه

جيتها ثم قلت ممكن سؤال تسمحين

ناظرت فيني بدشه نظره متواظعه

قالت انتہ تحسبني من بنات صايعين

تحسبني في زماني عن طريقي ضايعه

قلت ما راح اطول كلبوها كلمتين

وابعدت عني شويه ثم جتني راجعه

قالت اسال واضح انك من رجال طيبين

بس هرجك يالسنافي كان وشهو دافعه ؟

قلت انا حبيت وحده يوم كنا صغيرين

ومن ست سنين راحت للمواصل قاطعه

عقبها ما ذقت نوم يهتنيه النايمين

ساهره في طول ليلي لين شمسي طالع

اذكر انه في حبه فوق ثغره من يمين

واذكر انه لا جرينا كن شعره تابعه

واذكر اته عاشق الورد والياسمين

وصار قلبي بالورد اللي عشقها زارعه

قاطعتني بقولها "سبحان ربي العالمين

كررتها مره ومرتين ورابعه"

قلت وشفيك وشبلاك يا بنيه ترجفين !؟

لش عينك يا بنيه من كلامي دامعه

قالت الموقف وقلبي والمحبه والحنين

كيف اشوفك بعد ما كنت قاعه

قلت انا بسالك ان كانك انتي تذكرين

عن موثيق ثمنها من حياتي دافعه

قالت ظروف الزمن ما تطيع العاشقين

بيعوني غصب حبك لو هو ماني بايعه

انا في دنياي حالي كنها حال السجين

حتى لو فكوا سراحه فيه شي مانعه

زوجوني غصب واحد وحرموني حاجتين

السعاده في زماني والحياء الرائعه

والحين انا ام لثلاثه ريم وياسمين

والولد اسمه على اسمك والمشاعر جائعه

فهد: وسلامتك.

محمد: لعنوا غيرك ليه شكيتها ذا الشعر كله لو انا مكانها كان رجعت لك ركض عقب ذا الكلام.

فهد: لا عقب السلام عليها شفت ولدها الي سمته علي اه يا محمد شقد كان وسيم ومن حبها للياسمين سمت بنتها ياسمين وتطمنت عليها وتوني بمشي عنها الا تسالني عن في خبرك انها كانت تكلمها بالتليفون عشان تسوي درب لي قلت لها بخير وصيتها

تدير بالها على حالها و عيالها و رحت عنها .

محمد: وبعدين جينا لبیت القصید شسالفتك مع بنت عمك عشان
اكون معك الي عرفته من بين السطور انك حبيتها بس في شي
صار فرقك عنها صح تحليلي ولا انا غلطان .

فهد: قم نروح نتمشى ترى مليت وبعدين بكمك احس براحه وانا
اتكلم معاك قم يله

وراحوا يتمشون وطلعوا من المول وراحوا لبحر الجميره الي
بدبي.

نرجع للدوحه

كان عبد العزيز عنده بطوله في السنغال فقرر يدخل ها البطوله
عشان يكتسب خبره اكثر قبل بطولة الشرق الاوسط الي بتصير
في الدوحه رتب اموره هو ومساعدته نايف الي هو صديق عمره
ومساعدته وساعده الايمن في كل سباقاتهم .

في بيت بشاير حبيبة جاسم

كانت بشاير تعبانة من صد وهجر جاسم لها كل شي توقعته الا انه
يتزوج ويخليها لا ومن فيّ الي مجندي ايب له اخبارها : اه يا
القهر انا قدمته لها على طبق من فضه.

كانت اسرة بشاير جيران بعيدين لعائلة ال حمد اهل جاسم وكانت
ام بشاير مره في الخمسين من العمر وتزور اهل في وصديقه
للعمة ام جاسم والجدّة و ام ماجد وتجيهم من فتره لفتره .

وابو بشاير انسان لاهي بحياته ومزاجه ومهمل بيته والحياه في
نظره انا بصرف عليكم وانتوا دبروا اعماركم مخليهم سيدهم
قيدهم وخصوصا البننتين بشاير واختها هديل وهذيل الى طلع له
بدنيته وبدل ما يربيهن ويحسن تربيتهن اهملهن

وتعالوا نشوف شصار لببت ابو بشاير.

بشاير: يمه وينج يمه وقاعده في في الصاله وتصارخ بالصوت
العالي تنادي امها الا اختها هديل جايتها من المطبخ : هيه انتي
تري هاذي امج مهب خدامتج تصرخين وتنادينها.

بشاير : وانتى يالناعمه يا حبيبة هيا شداق بزورج تردين علي؟؟

هديل جاء ذكر هيا احمر وجهها وغيرت الموضوع: لا بس شوية
احترام لامج.

بشاير: المهم امي وين.

هديل: مدري قمت مالقيتها.

بشاير: بالله عليكم هذه عايله الابو في صوب والام هايته عند
الجيران وانا بروحي واختي مصاحبه بنت ومتخذتها حبيب لها
صادقيني ترى انا اخت لج ولا انا ما انفع.

هديل: لا انتى اختى لا وحلوه وخبرج لما الوحده تصادق وحده
وتتخذها حبيب لها لازم يكون الطرف الثاني مهب حلو.

شوي ويدق الجرس وراحت الخدامه تفتح الا بوصول هيا الي
بتاخذ هديل وببروحوون للستي....

عبد العزيز بعد ما رتب امور الشركة مع ابوه وعمه في غياب
فهد سافر للسنگال

وفي السنغال

فاز عبد العزيز الي يخوض السباق بسيارته (سوبارو اس تي أي
(على اقرب منافسيه بواقع 79 ثانية بعد ما قطع 355 كيلو متر
في المرحلة الثانية بين (قرطبه الى لا يوخا) في الارجنتين
وحلوا المنافسين المراكز الاخيريه وكانت سيارة المنافس الثاني
فولكس فاجن اموراك) والنافس الثالث (بي ام دبليو اكس 3)
بعد ما نزل عبد العزيز ونايف من سيارتهم وبعد التهاني اتصل
نايف في صديقهم المشترك في الدوحة سلطان

نايف: الو سلطان هلا حبيت أبشرك بفوزنا والسباق كان صعب
واول مره يمر علي مثله وكان على 14 مرحله ويغطي 9000
كيلومتر.

سلطان: يمر على شنو ؟.

نايف : الارجنتين وتشيلي.

سلطان: يلا يستاهل عبد العزيز وانا الحين بدش الفيس بووك
خبرك البنات مقطعين بالرسايل يسئلون عنه؟.

نايف: طيب لاتقصر بالمنتدى لان المدير صديقي وطالبني طلب
اتكون التغطيه بالمنتدى ماله حصريا والصور حط عليهم رابط
المنتدى ونزلهم.

سلطان: ابشر اخلص من الفيس وانزل التغطيه.

نايف: يعطيك العافيه وبوصل سلامك لبو ماجد يله مع السلامه.

سلطان: يله تحملوا بروحكم فمان الله.

نرجع للدوحه وفي الستي مع هديل وهيا

كانت هديل بكشختها وقاطه الشيله على راسها بطريقه كاشفه
نص شعرها وحاطه فل ميك اب

اما هيا الي كانت منزله الشيله وكان شعرها قصير ويبين على
مظهرها انها مسترجله

هديل: فصول حبيبي ابي اشترى بديات يديده شرايك نقوم؟؟

(فصول هذا كان اسم هيا الي تحب الكل يناديها فيه)

هيا: انت قولي ابغى وانا اقول حاضر يلا حبيبي نروح نشترى

.....

وهن قايمات ... مر واحد وطالع هديل باعجاب وقف هيا قدام
هديل عشان الريال ما يطالعها

هيا: هدول تغطي.

هديل باستغراب: ليش حبيبي؟.

هيا: يايبه تغطي وخلص ويلا قدامي بنطلع.

هديل باستغراب اكثر: حبيبي والبديات ما اخذتهم.

هيا بعصبيه ومسكتها من يدها ودزتها قدامها: انا اقول خلاص ما
تفهمين انتي وصاحت هديل

في سيارة هيا

هيا الي كانت موقفتها قدام البحر وكانت حاطه اغنية اليسا
(بتمون)

هيا : اسفه هدول بس ما قدرت اصبر من شفت الريال يطالعج
حسيت بقهر.

هديل الي كانت ساكتة طول الطريق انفجرت من الصياح وقطت
نفسها بحضن هيا....

هيا حضنتها بحنان ومسحت على راسها وباستها...

هيا : اسفه يا عمري.

هديل : فصول انا لك انت بس ومستحيل افكر بغيرك.

هيا حضنتها بقوة وقالت: ادري ياروح فيصل انتي.....

كانت نور في زياره لصديقاتها الي في الجامعه معها وكانوا
عازمينها على شاي العصر.

وبعد ما تقهوا وتناولوا سعدوا لغرفة مريم الي هي صاحبة
العزيمه ومعهم حمده صديقة مريم الانتيم

وقعدت مريم على النت وداشه الموقع الي دايم تشتري منه حمده
: منوم (تدلع مريم) شوفي الفستان التايقر مع حزامه الاحمر
حلووووو.

مريم : خلاص لو عجب عطيني قياسج واطلبه لج.

حمده : خلاص تم.

نور: منوم منو هذا؟؟؟

"نور كانت داشه على فكر مال مريم تشوف اخر صور منزلتهم

"

حمده: يعني لابس ها اللبس وجنبه سياره شتتوقعون يطلع زبال
مثلا ؟

نور ما كانت مصدقه عيونها ان الي تشوفه عبد العزيز " ولد
خالها

مريم: هذا عزوز فديت عيونه رالي قطري " مريم وحمده ميعرفن
صلة عبد العزيز بنور

نور: كل هذا حب له ؟؟؟

مريم: هههههه ليتة يلف صوبنا بس وما اقول انه حب هو مجرد
اعجاب.

نور: اها !!! وكملت قرايتها وكانت تسمع تعليقات البنات على
صور عبد العزيز.

مريم: وترى فيه لقاء له مع جمهوره وان شاء الله بروح هناك.

نور..... !!! حمده عيل بخاويج انا وكاميرتي كانون وبسوي
تغطيه لمنتدائي

مريم: خلاص جهزي نفسج.

ونور كانت ساكتة ميتة قهر من الي تسمعه يا ترى ليش مقهوره
؟. وليه مقالت لزميلاتها صلة القرابه الي بينها وبين

عبد العزيز ؟ ان شاء الله بتعرفون الاجوبه على هذه الاسئله في
البارت الجاي

خليكم معاي و الجاي احلى

..._--*™£ البارت الرابع £™*_--*..._

حكمه

كان ابو في منسوح على ريل امه وهي تسولف عليه وتشعر عليه
وهو يجاوبها الا بدخلة العروس عليهم
في: السلام عليكم شذا الخيانه وين امي عندكم قاعده يا ام ماجد
يا احلي يدوه في الدوحه تفلين ولدج كم حصيله الي لقيتيه في
قمة ولدج.

ابو ثامر : هلا في ذمتي ومرحبا باحلى عروس شافتها الدوحه
بكبرها وقعدها على ريوله وقعد يمازحها ويضحك معها شوي الا
امها داخله بالقهوه والتمر لعمتها والمعمول والكيك لها ولعبدالله
ويوم شافت بنتها خذتها بالاحضان كنها غايبه عنهم سنه ماكنه
اسبوعين وتموا سوائف وضحك بعدها جاهم جاسم وخذ في
وطلعوا يتمشون عشان محد يسالهم ليش انهم مطلعوا من
تزوجوا الا مره خذها وطلعوا تعشوا وردوا.

ام ماجد: اقول عبيد.....؟

عبد الله: ابيه ياروح عبيد بعدين اصغر عيالج تقولين لي عبيد.
امه: ايه والله اصغر عيالي ولا عندك مانع.

عبد الله : فديت ها الخشم المسلول امريني يا شيخة النسوان.
الجده: اقول شخبار فهد ؟.

عبد الله : والله يقول ابوه انه راح الامارات كم يوم وبيرد.
الجده: الله يرده بالسلامه ويقوى قلبه.

ام ثامر : اقول يمه اصبلج قهوه ولا بسج.

الجده وهي تطالع مرة ولدها باعجاب: والله ما الوم عبيد يوم يوم
استخف عليج كله تطالع فيه كفه وحلاوة عيونج وشعرج في كفه

منيره: يوه يمه لا تخرجيني.

عبد الله اه يمه يوم اني رحت ذاك اليوم للوكره من 25 سنه ابي
اخوها في شغله ودقيت الباب وفتحت لي وكانت حاسر طار مخي
وصوابي وما بقي فيني عقل بلقت عيوني وفتحت ثمي وتميت
اطالعها بعدها ما شفت الا غبيرها وهي طاقه هي تروعت ولا
تفاجئت ولا شسالفه.

منيره: تعرف ليش فتحت لك وانا حاسر لان اخوي كان توه
متصل وقالني بطلي الباب بسرعه خذي الاغراض فتحت على
عماي ولا انا عمري ما سويتها وفتحت البيبان لحد غيرك.
عبد الله : الله كاتب اني اشوفج واتعذب بشوفتج.

الجده : لعنبو غيرك بس شفتها اليوم جيتني في نفس اليوم تعالى
اخطبي لي اخت رفيقي أي والله خذوه فغلوه اصبر كم يوم.
عبد الله: طالعها وقولي لي تستاهل الي يتعنى ولا لا ؟؟

الجده : انا اشهد انها صارت لي بنت وصديقه من دخلت بيتك
وهي منورته وان شاء الله دوم مهب يوم.

منيره : يمه والله اخرجتيني خلاص واحمرت خدودها.

وقعد عبد الله يضحك لها ولا شاف امه غافله عنهم يرسل لها
بوسه وممره يغمز لها عيوناه.

الجدد: اما سالفة ولد عمج سالفه .. حيرج نحاس لج سنتين
عشانج رفضتية.

منيره: ايه يمه عمر راح وانقضى ولولا حبي لولدج كان خذته
من زمان بس عبيد اعمانى وخلانى احط فى طريق ولد عمى
رفيقتى عشان ينعجب بها.

عبد الله : والله بغيت اذبحه فى لحظه من اللحظات مخلينا طريقة
ولا مرسال ولا كبير الا طرشناه له وهو عمك اصمخ .
الجدد: تلومه يا امك يبي بنت عمه المزيونه فى ذمتك لو انك
مكانه شبتسوي .

عبد الله : اذا بنت عمى ما تبينى ونفسها عايفتني والله لا رخصها
.

الجدد: انتى كان مالك عليج صح.؟
منيره: لا اول الامر ما كان مالك بعدها بسنه من ردى عليه بـ لا
استفز ابوى واخوانى واملك على غصب عنى .
عبد الله: وانتى وش كان شعورج وهو يضحك على وجهها
المحمر .

منيره: عبيد احسن لك اسكت .
عبد الله: هيه ترى ما اسمح لج تقولين عبيد محد يقولها لى الا
الغاليه هذا حق حصري لها .

الجدد: معليج منه كملى لى وشسويتى عشان تفكين عمرج منه .
عبد الله : يمه منج ناسيه الاحداث تراها توها صايره .
الجدد: الله يهداك من 25 سنه وترى كبرنا ونسينا .

منيره: ابد يمه كل ما جاء يبي يشوفنى ارفض اطلع له وارسل
المراسيل له مع اخته انى ما ابىه وحرام الى يسويه فينى وفي
نفسه بس هو كان معاند وخطرت فى بالى خطه وقلت ان مشت
زين وان فشلت راح اتحمل نتايجها انا بروحى .

الجدہ: وش خطتج.

منیرہ: كان لي صديقه مقربه وما زالت لروحي عرضت عليها
تتزوج ولد عمي.

الجدہ: وشلون وانتي وين بتروحين.

عبد الله: يعني وين بتروح صوبي طبعاً الظاهر الفيزوات ضاربه
عندج.

الجدہ: اقول وخر لا والله بالعصى على ظهرك كملي يا بنتي
صديقتج هاذي شلون وافقت على خطتج.

منیرہ: هي تعرفاني ما ابيه ولا اطيع ولد عمي من يومنا صغار
وقلت لها عن الفارس الاسمر الي غزا قلبي واحتله بدون استئذان
.

عبد الله : احم احم ترى الفارس انا يمه هههههه.....

الجدہ: وبعدين وشصار على البنت ورجلج.

عبد الله : يمه مهب رجلها انا وبس رجلها.

الجدہ: ذاك الزمان يا الملقوف.

منیرہ: قامت رفيقتي بعد الحاح تروح لبيتهم في وقت جلسته مع
هله مره ترتب غرفته ومره تساعد امه في المطبخ ومره يشوفها
عند الباب وهي طالعه وكثرة الدق يفك اللحم وترى اخته بنت
عمي مشتركه معنا في الخطه وكله تمدح فيها قدامه وبالمقابل
ياليتك خذتك ساره شيخه البنات ولا منیرہ مهی بك وراسها
يابس بتلعوزك والي زاد وغطى ام ولد عمي شاركت بدون سابق
تخطيط وقالت يا وليدي خل بنت عمك اتسهل وخذ الي يبيك
وشاريك.

الجدہ : وبعدين.....

منیرہ: ابد يمه كلها اربع شهور من تخطيطي للحظه وطلقتني وخذ
ساره وهذا هو سعيد ومستانس معها الله رزقهم العيال وشوف

عينج كم مره زارتني هي و عيالها.
الجده : اقول من يجيب ساره لزيارتج.
عبد الله : والله انج منتي بهينه سؤالج حلو وفي مكانه.
منيره: اول زواجها كان اخوها يجيبها بعدها صار لها اديول
خاص وتجيني معه.
عبد الله : وباقي القصة تعرفينه انتظرتها تخلص عده الطلاق
عقبها طيران خطبتها يكفي اني انحرمت منها سنتين.
الجده: الله يهنيكم يا عيالي والله اني اول ما خذتها خفت عليك قلت
شذا البنت الي قلبت كيان وليدي بروح اسكن وياهم وبراقبها
لتسوي لولدي شي .
وجيت وسكنت معكم وبدل ما تحصلين محب ومعجب واحد لقيتي
اثنين انا وولدي
قامت منيره وحببت ام ماجد على راسها وقعدت جنبها تهمز
ظهرها وتلوي عليها من زود المحبه.
عبد الله : لا تراني اغار من ذا التفرقه العنصريه يله دوري الحين
ومضى الوقت عليهم كله ضحكك وسوالف لين اذن المؤذن طلع
منهم عبد الله وتوجه للمسجد .
في احدى مدارس الدوحه..
كانت هديل مع صديقتها وكانت عندهم حصه رياضه
هديل: تدرين شيوم لو شافني فصول بها اللبس بيهوشني.
شيماء: ايه من حقها كل ها التفسخ لحصه الرياضه .
هديل : شسوي بشاير حطته لي بدون ما تشوف صدق غبيه.
منى : هديل هيا الي بثلث a بتيج.
هديل ماتت من الخوف: هاه وين ؟.
منى : برى ههههه تقول استروا علي تراني شارده من حصه
الانجليزي.

دنياك.

فهد: ابد يا محمد مهما شرحت وقلت لك عن علاقتي بها مراح
افي هالعلاقه حقها يا هي علاقته بدت بلمسه مهيب مقصوده
وانتهت بخيانته ماني بعارف ليش صارت لي انا بالذات ياخوك
بستخف.

محمد: شوي شوي علي ابداء من البدايه عشان نحط النقط ع
الحروف.

فهد: البدايه بعد ما رجعت للبلاد متخرج ومعني شهاتي افرحوا
هلي بي وسووالي حفله كبيره وما بقى احد ما جاء لبيتنا يهني
ويبارك في ذاك اليوم اول مره اشوفها بدون حجاب وبكامل
كشختها وطبعا الله العالم بدون قصد مني ولا منها
كان المغرب

ورحت لغرفتي ابدل وابي اتدخن ما لقيت عود في غرفتي رحت
لغرفة امي بسرعه افتح الباب الا طالعه في ويهني ياه يا محمد
شوصف وشخلي ما اقدر

"تذكر فهد شكلها وهي لابسه وشعرها الاسود الطويل جاي على
وجهها متناثر وكان فستانها احمر مخملي وكانت بتطيح على
وجهها فمسكها من خصرها وهو مصدوم من الملاك الي قدامه ما
قدر ينزل عينه ولا يدينه وهي عينها في عينه بدون ما ترمش ولا
تتنفس هي لحظات من الزمن وانتبهوا لانفسهم وفكها وصد
وخلاها تطلع من الغرفه وتم يطالع الفراغ وعيونه مبققه هو
يعرف انها حلوه بس الليله زايد حلاوتها يا رب وش ذا الحاله"
محمد: هيه اخويه تراني موجود رمسني بدال التيلم الي انت فيه

فهد: هاه لا بس تذكرت ريحتها وشكلها

محمد: ما الومك المهم وشسويت عقبها

فهد: لا أي هاه

محمد: منت بصاحي ركز معايه الله يخليك
فهد: ايه من عقب ذيك الليله خلاص دخلت ها البنبت هنيه " واطر
على قلبه

محمد: انزين وشلون مضت عليك ها الليله
فهد: ابد يا ربيعي فرح وضحك من الربع والاهل كل ذا في كفه
وطيفها الي ما فارقني في كفه كله مبتسم وأضحك وطاير من
الوناسه وانتهت الحفله وكل سري لبيته
ورجع لبيتهم وكانت امنيته انه يشوفها لو من بعيد.
فهد: يمه ادخل والا في حد.

ام فهد: تعال يمك مابه الا البنات وعمتك
دخلت وشفّت نور متغشيه وجنبها غلا عمري متلثمه
والكل بارك لي الا هي تعرف ليه ؟
محمد: لعنبوه وشوله ما باركت لك ؟
فهد: سالتها عمتي : فيّ شفيج ما لاركتي لفهد.
فيّ : لا بس مخليتوا لي مجال ابارك.
كان صوتها مبجوح كنها باكيه رفعت راسي وركزت عيوني في
عيونها ابي اعرف اشفيها وليش صوتها كذا !!
كذا مره سمعت صوتها حتى وهي مريضه عمري ما سمعت
صوتها مثل ها الليله.
وركزت عليها تقدمت مني وفي يدها هديه مغلفه وقدمتها لي
وهمست لي

فيّ: مبروك صبرت ونلت.

فهد: فيّ اشفيه صوتج؟

راحت يا محمد مردت علي قلت في خاطري والله مخليج لين
اعرف وقعدت اتغشّر فيها وفي نور ورغد وكلهن مشّت عليهم
حيلتي الا هي كانت تجاوبني بعيونها ولا بهزة راسها.

يوم تعبت منها ارسلت لها مسج على تليفونها
(فِي ارجوج لا تعورين قلبي اشفيج مراح ارتاح ردي علي بمسج
ما دام منيتي علي بصوتج)

وصلها وشافت المرسل ورفعت راسها لي وكنها مستغربه
تصرفي ما ردت علي وسكرت التليفون وانا اشوفها وحطته في
شنطتها

وسلمت عليهم وتمنت لهم ليله سعيده وطلعت شوي ولحقها بدون
محد يحس رحت من الباب الثاني.

فهد: فِي لحظه لو سمحتي ؟

فِي وقفت له وظهرها صوبه قرب منها وناداه
فِي التفتت : لبيه !؟

فهد تلخبط : لباج قلبي وعمرى كله فِي فيج شي الله يخليج
روعتيني عليج!!

فِي : ليه فهد تسالني انت حاس ان فيني شي ؟
فهد: ايه ومتأكد بعد.

فِي: ليه متأكد.؟

فهد: صوتج فيه رنه وبجه عمري ما سمعتها قبل ها المره .
رفعت عينها وتنهدت وتوها بتمشي وقفها : فِي ... فيونتي لا
تروحين قبل قولي لي.

فِي: مراح اقولك شي اذا منت مكتشف بروحك تصبح على خير.
فهد وهو مثل المسبه: تلقين الخير.

ومع كلماتها الاخير زادت البحه وهي رايعه طار الجواب وسكن
وسط ضلوعه

تحبك يا غبي..

لا مهب معقوله لا مستحيل وانا الغبي اقولها قولي لي
يا اخي عيونها احلي كتاب مفتوح قدامك ولا البحه ذي مخصوص

لي ،، ولي انا بروحي.

فهد لمحمد : وقعدت يا محمد انط في مكاني من فرحة الاكتشاف .

محمد: يا ترى طلع اكتشافك صح ولا كله خيال واو هام .

فهد: لا طلع صح تعرف شلون عرفت قلبها ارسل لقلبي رساله
من خلال عيونها وبحة صوتها الي ذبحتني في مقتل .

من بعد ها الليله

تعاملني تغير معها كله اشتاق لشوفها حتى ما اكلما بس احل
عيني بشوفتها ولا اسمع بحتها ولا حتى صوتها العادي
تعال نسيت اقولك نوع هديتها كانت هدية ذهب خالص ميداليه
لسيارتي مكتوب على جهه الله يخليك لعين ترجيك وعلى الجهه
الثانيه حاطه حرف ال f مرتين متشابكين هنا تاكدت مره ثانيه انها
تحبني من زمان واستحليت الحياه بها ولاجلها ولعيونها السودا
الي جننتني.

ومرت الايام كلها حب ونظرات بس عمري ما استغليت اني كل
يوم اشوفها استحملت العذاب الي يجيني منها وهي ما شاء الله
عليها لبغت تقهرني تقعد تضحك ومضارب مع اخواني وضم ولم
لامي وابوي واختي وانا الوحيد الي محروم منها حتى شوفه
وجهها الصبوح الجنان وشكل ما قلت لك كله على قلبي عسل اهم
شي انها لي وقلبها لي وكنا انا وهي نشوف بعض على راحتنا
عند عمتي وبوجود جاسم بعض الاوقات وكان يموت قهر ولا
عرفت الا متاخر ليه ؟؟

محمد: وتميتوا على ها الحال كم سنه ؟

فهد: ثلاث سنين وكنت ابي اخطبها رسمي بس هي رفضت قالت

خلني اخلص وفي السنه الاخيره املك علي

وسمعت كلامها وياليتني ما سمعت كلامها .

محمد: ليه بدون سابق انذار وبدون ذنب ولا جريره سمعت

بملكته مثلي مثل غيري من الناس.

محمد: لا غير بدل.

فهد: والله كنت جالس مع ابوي واخواني الا بدخلة عمي ويقول انه في المجلس البراني وعنده ضيوف من الخور الي هم عمام جاسم وهله من صوب ابوه وانهم جايبين يخطبون في لجاسم وتعال يا خوي انت وعيالك معي.

محمد: وانت شصار فيك!!

فهد: تخدرت حواسي وانشل تفكيري قمت ومسكت عمي وقلت له يا عمي في لي انا مهب لغيري.

ابو ثامر: فهد الله يهداك الناس جاين خطابه واحنا بنرد عليهم بعدين مهب الحين والكلام ذا نتفاهم عليه بعدين.

فهد وهو صوته كان عالي : لا بعدين ولا قبلين قل لهم ما عندنا بنات و ان ولد عمها يبيها.

العم: فهد تعرف لو انهم غرب كان عرفت اتصرف بدون ما توجهني لكن ذبلا جايبين يخطبون لولدنا منا وفينا بدل ما اهاوشهم بقولهم بشاور البنت وبرد عليكم.

فهد: وجاسم ليه ما كلمك وشاف ردك ورد بنتك بعدها جاب هله العم وابو فهد طلعا راحوا لضيوفهم وخلوا فهد يضرب اخماس في اسداس من القهر.

محمد: اخر شوفه لك مع في كان متى من هذا الحدث ؟ .

فهد من يومين وهذا الشي كان نادر لاني كنت اشوفها كل يوم مره ومرتين بس تعطلت بامتحاناتها وكانت بينا المسجات ما توقف.

محمد: اخر مسج منها كان عباره عن ايش ؟

فهد: اخر مسج مراح انساه حافظه عن ظهر قلب كانت تقول فيه

:

وهذا قرارها.

حاولت ارسل لها امي امها اخواني الي يمونون عليها بس
لا حياة لمن تنادي كانت صاكة على روحها ولا طلعت الا فترات
متباعده حتى اغراض عرسها ما شررتها الي شرولها امها وامي
تخيل عروس وذى حالتها شتفهم!!!!!!....

محمد: افهم ان في حلقه ضايعة وشي صاير وشي كبير بعد ولا
وحده تحبك كل الحب وتروح منك بدون متسوي لها شي شتسمي
ذا الحال.

فهد: تعبت يا محمد بغيت اركب سيارتي واروح ادعم غرفتها
عشان تموت ما ابي حد يتهنى فيها غيري.

محمد: الله يعينك يا خوي وشصار عليك يوم عرسها.

فهد: شرح له شسوى وقاله القصيد هالي قطها في وجه جاسم.
وانه اليوم الثاني جاء للامارات والحين قدله اسبوعين وهو هارب
من قدره واكيد في خلصت امتحانها الاخيره واكيد هم سافروا
الحين لشهر العسل.

محمد: ليه انت مانتصل في هلك وتعرف الاخبار ومنها اخبار
الحب.

فهد: الا اتصل بس حرمت عليهم يوصلون لي شي عنها.
محمد: في خلال الثلاث سنين هاذي محد خذ باله من ابوك والا
ابوها عشان يملكون بكم بدل ها الانتظار.

فهد: لا بس هم عارفين اني ابي بنت عمي حتى عمي عبد الله
دايم يقول لي : انت كنك عمك بينك وبين خطيبتك عشر سنين
واعجاب وخذيت شبيهة الغاليه

وكنا انا وعمي نضحك ان قدرنا حلو ماكنت ادري ان حياتي
بتنتكس 180 درجة.

محمد: ما اقول الا الله يعينك يا اخوي .. المهم الحين اذكر ربك

وخلك من هالكآبه وسلم امرك لربك .
فهد: والنعم بالله بس يا اخوي اشتقت لهلي وابي ارد للدوحه
لكني خايف من اني اشوفها ويصير شي غلط.
محمد: لمتى بتظل هارب واجهه واقعك ولا تستسلم لضعفك وكانوا
يدردشون ويتمشون

الا جاي فهد تليفون من اخوه .. عبد العزيز يقوله ان في جات
اليوم للشركه وخذت لها قسم كامل وداومت عندهم .
فهد : شتقول انت صاحي شذا الكلام ؟
عبد العزيز: جاك الخبر .

فهد: بس هي متخرجه ولا الشركه لعبه لها ولغيرها .
عبد العزيز: هي خلصت وبعد كم يوم بتستلم شهادتها وتداوم بها
فهد تم يصارخ : انا جاي اليوم لكم ان حصل حجز وسكر
التليفون

محمد: شصاير وشفيك معصب !.
فهد: الاخت في مداومه في الشركه .
محمد: وشل المشكله .
فهد: محمد شعندك كنك مهب قبيلي ولا تعرف الاصول هذا الشي
عيب في حقنا بنت من بناتنا تداوم في شركه كلها رجاجيل .
محمد: ليه ما في حريم غيرها .

فهد: الا فيه بس مهب قطريات وبعدين عايلتنا متشده ولها
سمعتها في البلاد وانا مستغرب شلون ابوي بالذات وافق انها
تداوم .

محمد: هدي شوي وحل الموضوع برويه ولا تستعجل وبعدها
تندم .

فهد: أي اندم والله لا أقلب الدنيا على روسهم كلهم يا انا يا هي .
محمد: كله عشانها تركتك .

فهد: ترى والله بسطرك الحين سطار يردلك وعيك اقولك عيب
والله عيب انت لو تشوف موقع شركتنا وكثرة الموظفين الي فيها
والله متخلي خدامتكم تداوم فيها.

راح فهد للفندق يلم اغراضه ومحمد راح حجزله ولقوا طياره
نص الليل وبعد ما توادعوا محمد وفهد ووصله للمطار مع وعد
محمد انه يزوره في اقرب فرصه.

يا ترى شبيصير بين فهد وفي وباقي الاسره.....
تابعوني احبتي دايمًا

|

...--*TM£ البارت الخامس £TM*--...

حكمه

الشخص الناجح هو:

في بيت بشاير وهديل الصباح
بشاير : هديل اشفيج معاد تروحين لمدرستج عسى ما شر
مريضه؟

هديل: لا بعد مطلعت هيا من المدرسه بسبة ذاك لموقف الي قلت
لج عليه طلعت انا بعد مبى المدرسه من بعدها
بشاير محد بنافعج الا شهادتج يله عن اذنج تاخرت عن جامعتي .
رن تليفون هديل بمسج فتحت هديل المسج ولقت :
ابكتب خيانتك وبدونها بدفتر اشعاري
واقول اكرهك – اكرهك باولها وتاليها

وقعدت هديل تبكي وتصيح لأن هيا " فيصل " خلتها وكانت
توقع ان هديل خانتها مع منى – ورن تليفونها بمسج ثاني :

نسيت يوم نك تعذبني

تجرح وعينك زعمك قويه

لا تجي تركض وتقول اسف

لا تحسب ما صار منك شوي

كانت هيا " فيصل " دايمًا تطرش لهديل مسجات خيانه وهديل

كانت منهاره وما ترضى تشوف حد ولا تقابل حد .

العصر في بيت ابو فهد

طبعًا وصل فهد الفجر وع طول راح لغرفته ونام وقام قريب

الظهر ولقى امه وابوه وسلم عليهم اما اخوانه فكانوا في

دواماتهم واخته في الجامعه .

فهد: يبه ابيك انت والعائله كلها بعد صلاة العصر عشان نشوف

سالفه شغلة بنت عمي .

ابو فهد: والله يا بوك ذا الشي حصل غصب عني ولا انت عارف

وجهة نظري من شغله الحريم المختلط .

فهد: المهم انا طالع الحين ولا زم نحط حد نهائي لها السالفه .

ترى يبه راح استعمل كرت ان اسهمنا 50% وارجوك لا

تعارضني طلبتك .

ابو فهد: اسمع يبه فهد سو الي تشوفه في الصالح العام ولا

تخيب ظني فيك واحترم مشاعر الكل هاه الكل وانا ابوك .

فهد: ابشر بس بلغهم وانا بلغهم ونا بكون هنا بعد الصلاة يله

اسمحوا لي

وركب سيارته وشغل اذعته المفضله الي له اسبوعين ما سمعها

صوت الخليج وتم يدور الي يصوت اصاله يزيد في جرح فهد :

لا تخاف من الزمان الزمن ماله امان

خف من الي كل امانك بيديه وتامنه
لو حبيبك ما وفي لك لو حبيبك فيك خان
ايش ترجى من زمانك النتيجة باينه
اه يا حبي الي خانني اه منج يا في حياتي شسوي في عمري
وشلون بشوفج بعد شوي وشلون بتعامل معاج الله بعيني
ويلهمني الراي الصواب.

واجتمعت العايله ما عدا ثلاثة اشخاص
فهد وفي وجاسم بعد ساعه جاء جاسم وبعد السلام على عمته
وباقى اسرته الحبيبه على قلبه وقعد يسولف مع الكل بعدها طلب
من عمته تتصل في ولدها ومرته وبعد هواش ومناجر مع جاسم
في التليفون راح لغرفة في وقال لها
جاسم: يله ولد عمج العزيز وصل ومسوي اجتماع بسبة شغلج
ويبيننا ضروري.
في : بس انا ماني برايحه لا هو رئيسي المباشر ولا شي ولا له
عندي شي.

جاسم استانس على ردها وعلى تعابير وجهها.
جاسم: بس قومي الكل يبيننا مهب هو بس يله انطرج تحت
شويات

وطلعت له متنقبه شلت الثمه بعد الزواج وغيرتها بالنقاب وراحوا
لبيت عمها الي من زمان مادخلته وسلمت على لكل
وقعدت بين اخوانها وقعدت تضاحكهم وتمازحهم ولا اهتمت
بالمذبوح الي قدامها حتى السلام استكثرت عليه وهو طبعا حط
نفسه ولا مهتم وبعد التقهوي وقف فهد عشان يخلي الكل ينتبه
له

فهد : احنا مجتمعين اليوم عشان شي عمري ما توقعت انه يصير
والتفت لفي وكمل ان وحده من بناتنا تشتغل فهذا الي خلاني

اجيبكم واقول لكم كلكم دون استثناء ان شغل في في شركتنا غلط
ولازم يتصلح.

في : لا مهب غلط وهذا حق من حقوقي اني اباري شغل ابوي
واداريه ودام زوجي وابوي موافقين انت مالك سلطه تتحكم وتلغى
قرار وظيفتي.

فهدوهو يناظرها : لا تنسين ان من ضمن سلطاتي توظيف
الموظفين وان نسبة ابوي في الشركة 50% ونسبة عمي 30%
ونسبة عمتي 20% فلذا انا لي بدل السلطه سلطتين على قرار
توظيفج وبعدين لازم شهاده وانتي مخالفه قوانين التوظيف ولا
عشان شركة ابوج اتجين وتشتغلين على كيفج.

جاسم : لووووووو سمحت فهد احترم الفاظك وفي مراح تطلع
من شغلها الا على جتتي.

فهد: اجل يومك قرب لانها من بكره بتنقطع رجله من الوحه
لهناك.

ابو ثامر: فهد اذكر الله وانا باغي بنتي معي وتحت عيني وزوجها
راضي فليش انت تسوى من الحبه قبه يا ولدي .

فهد: عمي اشفيك ناسي عاداتنا وتقاليدينا بنتك شهادتها توظفها
في احسن مركز هي تبويه مهب شركه كلها رجال ما فيها الي
حرمتين كبر يدتي واجنبيات بعد.

وتطور النقاش وكل ادلى بدلوه وساد الهرج لدرجه محد سمع
للثاني.

فهد: الي عندي قلته ما في دوتم لبنت من عايلتنا ولا ابي اسوي
شي ندم عليه كلنا.

في وهي كلها حزن لموقف فهد منها تقدمت شوي قدام وقالت ::
شبيصير يعني انا ما اتحداك بس مراح اتخلي عن وظيفتي.
فهد: وانا من بكره بعطي البوابه امر ما يدخلونج وبنشوف.

في: سو الي تبيه ولا صارت الشركة كلها كلها باسمك ذيك
الساعة عظمهم امر.....

فهد: اسمعي.

جاسم: اسمع انت ككك زودتها لا تحشم صغير ولا كبير يا اخي
استح على وجهك فهد فز على جاسم وجاسم قام مستعدله
الا بصرخه مروعه من ام جاسم سكنت الكل بسكم خلاص قلتوا
الي عندكم الحين بقول كلمه ولا بتحجرون على كلامي.
فهد: تفضلي انت تمرين على رقابنا.

العمه قوت: تعال فهد عن اذنكم شوي وراده ارجوكم لا تروحون
ابيكم وراحت مع فهد غرفة المكتب.

العمه : اشبلاك يا فهد ترى والله الدنيا بدونك ما تسوي وانت
متدري شصار فيني من يوم ما تزوجت في من ولدي وانت رحت
فهد انت مب ولد اخوي لا انت هنيه اشرت على قلبها انت الي
طلعتني من احزاني يوم وفاة ابو جاسم وانت وانت شعد وشخلي.
فهد: عمتي شلا زمة كلامج هذا.

العمه: اذكرك انك كبيرنا بعد ابوك عقب عمر طويل وانت الصدر
الحنون لكل ولي طلب عندك واترجاك لا تردني.

فهد: اطلبي روعي بس شغل مخلته عمته يكمل حطت يدها
على ثمة عشان ما يحلف ويكمل.

العمه: طلبتك لا تفرقنا طلبتك لا تشمت الحاسد فينا خل في في
شغلها وصدقني اذا هي ما طلعت في يوم انا مهب بنت ابوي.
فهد: شلي مخليج واثقه كذا انها مراح تستمر في شغلها.

العمه: انت ناسي انها تربية يدي مثل ما انا عارفه انك ابو الكل
وابو الحنيه والطيبه خذها كلمه مني في مخها شي وبعد متنفذه
هي بروحها بتطلع من الشغل.

فهد: يعني يرضيج تمشي كلامها على.

العمه: لا بعد ما نطلع من هنيه انت لا تقول شي انا الي بكامهم.
فهد: اه منج كا كنت اتمنى انج طلبتيني ها الطلب ولا اني انحط
قدام الكل ما لي كلمه من شوي متحدي والحين راضخ.
العمه: افا والله متحسف انك نفذت لي ها الطلب صدقتي يا فهد
بيجيك يوم وبتذكر كلامي في مهى مطوله في الشغل وقل عموه
ما قالت.

فهد: عموه اه عموه هادي حق حصري لفي محد يقولج عموه
غيرها.

العمه: فهد لا تكره في فيه شي محد يعرفه خلاها تسوي الي
سوته وفي يوم راح نعرف الي قلبها 180 درجه.
فهد: يعني انتي معي انها فيها شي وهذا الشي من ولدج جاسم.
العمه: اه يا خوفي يكون جاسم سبب عذاب في.
فهد: اكيد هو يا عمتي ولا انا ايش سويت لها عشان تخليني
وانتي بالذات شاهده على حبنا وعهودنا.
العمه: يصير خير وكل انسان ياخذ الي كاتبه له ربه.
قم الحين خلنا نروح لهم وخل كل شي علي.
وطلعوا من المكتب وكانت عيون الكل عليهم تكلمت العمه تشرح
الموقف عشان ما تصغر صورة فهد قدام الكل وتظل هيبتة
موجوده دوم.

في كانت تتمنى فهد يصر على موقفه عشان تكرهه اكثر بس يا
حسا فه الي شافته من التعب البادي عليه واصفرار وجه ونحول
جسمه خلاها تشفق عليه.

خالد: اقول يا جماعه خلونا نفرش شوي الليله ناوي عليكم نيه
مهب قشره ههههه.

اقول رغدوه هاتي العود بغني ليدوه اغنيه لها بروحها ولازم
ترقص عليها.

الجده: اقول اقعد مكانك احسن لك انا ما فيني حيل خل ابوك ولا امك.

عبدالعزيز يطالع نور بنظرات اعجاب من زمان ما شافها.
نور : اقول رغد اشفيه اخوج يناظرني ترى بعلم عليه.
رغد: اسكتي مع ها الوجه من زينج عاد احمدي ربح اذا طالعج البنات بتخبل عليه رفيقاتي معجبات ويتمنن نظره منه وتذكرت رفيقاتها مريم وحمده وهن يتفدنه وخاطرهن يشوفنه طالعه نور وشافته ما زال يطالعها وحاول يرسل لها شي يبي ينبها لشي بس هي مهب عارفه شبيبي منها.
راح لفي وقال لها ابيج تقولين لنور ان الاغنيه الي بيغنيها خالد الحين اهداء منه لها ممكن.

في: عزوز استح على وجهك ما تستحي.
عبد العزيز : لا ما استحي الي متى وانا استحي بعدين تراني بتقدم لها بعد كم يوم قولي لها تفكر عدل لاني ما ابي كلمة لا اول ما اتقدم بملك وبخليها سنه وقبل تخرجها بنعرس شرايج.
في تذكرت فهد وان هذا كان تخطيطهم وقالت في نفسها والله لا ساعدك يا اخوي ولا اخليك تمر بالي مريت به قامت راحت جلست جنب نور وقالت لها كل الكلام مره وحده البنت اختبصت حاولت تقوم امسكتها رغد وفي وقعدوها عشان محد ينتبه لهم

راح عبد العزيز وقال لخالد يغني اغنيه حلوه عاطفيه تعبر عن حب انسان لانسانه ويعترف لها عن حبه لها.
قال له خالد: اوكي راح اغني لك اغنيتين بدل الاغنيه بس ليش طلبت ها الطلب.

عبد العزيز: اقول انتبر احسن لك وغن لي اغنيه ارجوك توصي هاه ما ابيها اي شي.

الي تبون نبدا من الكباريه هاه حبايبي شتبون اغني لكم ابو فهد
وام فهد مطلبوا شي بس قاعدين يضحكون على خبال ولداهم .
وعبد الله ومرته بعد قالوا الي بتغنيه اكيد بيكون حلو لان صوتك
هو الحلو.

عبد العزيز: والله كل شي منك حلو بس ياليت تدندن باغنيه والله
احتاجك انا لاحلام.

خالد: اوكي وتراها اهداء منه للكل لانه بعد كم يوم بيشترك في
رالي قطر ((بطولة الشرق الاوسط للرايات))

وطالع اخوه ولقاه معصب منه هو قال لفي انها اهداء لنور بس
وهذا خرب السالفه واهداها للكل دق العود وغنى بصوته الحلو
والله احتاجك انا خلك بجنبي قريب

وان حصل شي بيننا عن حياتي لا تغيب انا من بعدك اتوه
وعالمي بعدك يضيع تختلط عندي الوجوه
العدو يصبح صديق تدري يا القلب الحنون انت بالنسبه لي
ايش

وانا من بعدك كيف اكون وليه احس وليه اعيش ياللي
شفت احلامي فيك

والتقيت باحلى حب ادعي ربي وارتيه ربي لا
تحرمني منه

وسلامتكم.

كان عبد العزيز يناظر نور وشفافيه تتحرك بكلمات الاغنيه ورغد
وفي ميئات عليه من الضحك.

الجد: اقول ابوي خلود غن لي أي اغنيه لذاك المطرب الحلو
الابيض انا كل ما سمعته يغني استطرب يا يمك.

خالد: أي مطرب ابيض وضحي اكثر.

رغد: تقصد عبد المجيد عبد الله.

خالد: منتي بهينه يا عجوزي الجميله ولا يهمج بس بقول مقطع
بعدها مقطع لمطربنا علي عبد الستار ومقطع علي عبد الستار
اهداء منى لاختي في وهي بتفهم شقصد به.
في مسكت قلبها لانها تعرف ان خلود ما يوز عن مقالبه – غنى
خالد لجدته.

وش اخبار قلبك عسى ما فارق افراحه ادري جرحتك وشلت
بخاطرك منى

خسران بعدك وقلبي ضاعت ارباحه غلطان ادري وابي منك
تسامحنيالجده: اقول ياليتك تسكت شذا الحزن ابي اغنيه نطاطيه
بس خلاص ما ابي.

خالد: في مقطع صغير للحبيبه في كان ودي اغني الاغنيه كامله
بس الجماهير طلباتها كثيره.

شعر مسلسل شعر هندي بالمسك والعود يدهنونه بالمسك والعود
يدهنونه

هاه وصلتج الرساله يا قلب خلود

جاسم فر خالد بالمخده : ممكن تنظم هي قلبي انا مهب قلبك
وكان يطالع فهد عشان يقهره واصلا فهد كان في وادي ثاني
تعرفون ليش لان اغنية عبد المجيد قطعت قلبه من داخل كانها
اهداء من في له وهذا الي فهمه لما شافها تطالعه وعيونها
غرقانه بس بعدت عيونها عنه وشافها في غفله منهم كلهم
مسحت عيونها

وفهد طلب من اخوه يغني له مقطع وقاله له عاد خالد ما قصر
قعد يتفنن في التلحين

وقالها ووصلت الرساله لصاحتها ومحد حس الي المعنين ذاتهم :
ليتني ما شفت في عينك دموع
منظر الدمعه على خدك هلاك

يا مضوي في دجى عمري شموع
الحزن ما خلق لعيون الملاكخالد وسلامتكم ويله بخليكم لانه وراي
باكر دوام تصبحون على خير.

وطلع وخلا وراه كم قلب محطم طبعا الجده راحت مع عبد الله
ومنييره وعيالهم جاسم وفي راحوا مع بعض والعمة خذت بنتها
ورحت محد بقى الا القلب المعذب فهد وعبد العزيز.

عبد العزيز : فهد ممكن طلب وافهمني زين.

فهد: اطلب واذا اقدر عليه ابشر به.

عبد العزيز: ابيك ما تزعل مني لاني ابي اخطب قبلك وابيك انت
الي تخطب لي.

فهد: ابشر يا بو ماجد ما طلبت شي وبعدين ليش ازعل عشانك
اصغر مني لا بالعكس انا خلاص معادني مفكر بالعرس وهذا
قراري النهائي واني اخطب لك من عيوني بس ما قلت لي منهي
الي تبيني اخطبها لك.

عبد العزيز: يعني حاط نفسك متعرف انا من ابي.

فهد: ههههههه والله اني عارف ولا فاتتني نظراتكم الليله.

عبد العزيز: هاه من تقصد؟؟

فهد: اقصد بنت عمك المزيونه.

عبد العزيز: اوه لا حول وشذا العلم مزيونه اقول وخر خلاص ما
عاد ابيك تخطب لي.

فهد: خلاص يبه متى تبينا نخطب لك.

عبد العزيز: يا ليت قبل ما اشترك في ها السباق الي بيكون في
قطرنا.

فهد: اوكي بكلم عمتي اتفاكر مع بنتها وولدها بعد ما يعطوني
الرد بناخذ ابوك وعمك وبنروح نطلبها رسمي من عمامها وهاذي
هي الاصول.

عبد العزيز: لازم عمامها الي في الخور والله اني ناسيهم وشذا
النشبه اخاف يرفضون.

فهد: لا تخاف ولا شي هاذولا هم جوا وخطبوا بنت عمك
وصارلهم نصيب عندنا وانشاء الله يكون لنا نصيب عندهم ولا
تخاف اذا نور تبيك ثق انها بتكون لك وسرح وخلا اخوه يطالعه
بعدها انسحب عبد العزيز وخلا اخوه في دوامه تفكيره .

فهد: اه منج يا في ليه وليه كل هذا حرام عليج ويايه اليوم بكل
قواه عين توقفين في وجهي واتحديني اه منج ما اقواج وشلي
خلاج واثقه اني بكون بصفج اه من بكره بتكونين قدامي في
الدوام وفي البيت وين اروح منج الله يصبرني على الجاي خلني
اقوم اروح اريح بس ها القلب شيرiche وهو شافها اليوم وشاف
الي محد من الي قاعدين شافه شاف دمعته – هي ليش بكت من
شوفتي ولا من ظلمها لي ولا ولا يا ربي ساعدني
وكن معي دوم مهب يوم.

نروح لجاسم وفي:

جاسم وهو جالس على طرف السرير في غرفة
جاسم : في لمتي ها الصد منج ترى والله اني قادر اخذ حقوقي
منج وانت عارفه بس ابيع برضاج.

في: وبعدين جاسم كم مره تناقشنا في هذا الموضوع نسيت اتفاننا
قبل الزواج اني اتزوجك وتقبل بكل شروطي واول شروطي انك ما
تلمسني ولك مطلق الحريه تسوي الي تبيه حتى لو اتزوج ما
عندي مانع.

جاسم: ها لدرجه عايفتني.

في: يوه وبعدين معاك لمتي بنسولف ونبعيد في ذا السالفه .
جاسم: بخليج الحين وبصبر لعل وعسى الله يهديج بس صدقيني
بيجي اليوم الي بفقد فيه اعصابي وذك الساعة استحملي الي

بيجيج.

بالنسبه لبكره بتروحين لدوامج في سيارتج ولا اوصلج.

في: لا بروح بسيارتي

(جاسم يمارس تجارته مع كذا واحد من ربعه برا شركة خواله

وله مكتب في الشركة يباشر فيه حلالهم من لفته لفته)

جاسم: خلاص انا عندي شغل الساعه عشر وبعد مخلص بمر

الشركة شوي وبعدها با خذج نتغدى برا.

في: مدري على حسب.

جاسم: لا حسب ولا غيره غداج معاي بكره بعد الدوام يله

تصبحين على خير.

في: تلقى الخير.

طلع من عندها جاسم راح لغرفته وقعد يفكر لمتى وانا احبها وهي

ولا داريه عني ومن قهره دق على بشاير الي من شافت رقمه ما

قدرت تقاوم وردت على طول.

بشاير: الو هلا بالقاطع.

جاسم: اخبارج بشوره.

بشاير: وهي فرحانه انه يدلعها بخير دامك بخير شخبار حبيب

وقلب بشور.

جاسم: وبعدين بشاير والله انج حبوبه وتنحبين بس انا قلبي حمار

ما يبي الا الي ما يبونه.

بشاير اقول سمعت بالي يقول:

الي يبيننا عيت النفس تبغيه

واللي نبيه عيا البخت يجيبه

حنا نبيه لا ما نحب الا طاريه

الله لا يقطع نصيبي ونصيبيه

من يوم شفته خاطري مولع فيه

قلت البخت يا (بشاير) من هو يجيبه
اقفى وصد وقال يا من انت هاويه
خبرك عتيق وقلت نفسي صعيبه
يا من له خاطر شقوق يراعيه يراعيه
اتبع هوانا وغيرنا وش تبي به
اللي يدارينا ترانا نداريه
واللي تنكر جعل ربي حسيبه
وسلامتك يا الغالي

جاسم: حرام عليج لا تحسبين علي والله مالي سلطه على قلبي
وانتي الف من يتمناج جمال وعلم واخلاق حسبي الله على قلبي
الخبلى الي علقج فيه وخلاج كذا.
بشاير: تعترف انك معذبني معاك ومعلقتي لا انت بردت يوفي ولا
خليته يرتاج

جاسم: بشاير تبيني اخليج.
بشاير: لا ياليت اقدر اني اطلبك ذا الطلب.
جاسم: بشاير انا لعبت مع حريم كثار وخذت منهم كل شي
تتصورينه دراستي في لبنان خمس سنين مخلت شي ما سويته
من موبقات وخبايث وتصوير بنات وابتزازهم كله انتقم من ها
البنات عشان الي سوته في فيني
بشاير: جاسم متى بتنتبه ان فيه بنات غير في وان فيه قلب
شاريك من بد الخلايق.

جاسم: والله اني ادري عشان كذا انا مسويت معاج الي اسويه مع
غيرج من البنات فيه شي رادني منج.

بشاير: يمكن الجيره ولا صداقتي مع اختك ومرتك.
جاسم: لا فيج طيبه خلتي كل ما ضاقت بي الوسيعة لجات لج –
اه ياليتني احبج واريج واريج عمري.

بشاير: بظل وراك يمكن في يوم تحبني يمكن قلبك القاسي يرق
لي.

جاسم: اه يا ليت.

بشاير: غريب امرك تعرف دواك ولا تقدر تاخذه عشان تعالج
روحك.

جاسم: شفتي حالتي شقد صعيبه وقعد يسولف معها لحد ما ارتاح
وقال كل الي ما يقدر يقوله لفي زوجته وحب عمره قاله لبشاير
وسكر منها وحط راسه ونام وهو شبه مبتسم.

اما في فهي حالتها اصعب من حالة جاسم هو ع الاقل عنده الي
يفضفض له اما هي من عندها الي تقوله كل شي راح منها اه يا
في ناقصج تفكرين في واحد وانتي متزوجه اوف وتمت قلب من
جهه لجهه ولا فيه فايده.

قامت وبطلت شباكها وقعدت تناجي نجوم الليل اشفيه فهد تعبان
ليش وصلنا لها الحاله.

اشفيه مسمر زياده

وضحكت يوم تذكرت يوم قالت له مره: تدري شأحلى شي فيك
فهد بلهفه وشهو.

في: سمارك واي حلو وايد.

فهد: ههههههه حرام عليج قولي عيوني العسلية ولا خشمي
المسلول ولا حواجبي المقرونه ولا شفائي واسناني اللؤلؤيه بس
سماري ولا قصدج سوادي هههههه
في: وش سواده بعد.

فهد: تذكرين ولد عمتنا جويسم كله يسميني الحليان يعني قريب
من سويدان.

في : معليك منهم سمارك سمار رشود فهد بغيض من رشود ذا

؟؟؟

في: رشود ما تعرفه هههههههه راشد الماجد ومخلوط شوي
بسمار اخبطوط العود عبادي الجوهر وبعض المرات اشوف سمار
مخاوي الليل خالد عبد الرحمن.

فهد: هيه انتي صدق خبلا قفتي على مطربين السعوديه كلها ومزجتى الوانهم وحطيتها لى.

في: هاه شرايك مهب حلو ذوقي ولانهم مطربيني المفضلين
دمجتهم لك.

**فهد: اقول اسمعيني عدل حبيبي انا بروحي ولا تحطين لي شريك
لا مطرب ولا غيره سامعتني ولا اعيد....**

تذكرت ها الكلام لما كانوا كالعادة في بيت عمتهم وكانوا يلعبون ورقه مع العمه

قامت تعوذت من ابليس وصلت لها ركعتين وراحت ترتاح بكرة
وراها يوم طويل من شوفة فهد وعذابها ما تبي تغضب ربها حتى
لو بنظره نامت في ونام فهد وهم يطلبون من ربهم العفو والعافيه
والمغفره وان يبعدهم عن الخطا وطريق الشيطان

انتظروني في البارت الجاي الي ان شاء الله راح يعجب شريحه
الشباب بحكم انه عن سباق الراليات
تابعوني ولا خلا ولا عدم

..._--*TM£ البارت السادس £TM*_--...
حكمه

في بيت ابو بشاير وهديل الصباح..
كانت ام بشاير قاعده تتقهوى مع زوجها تحاول انها تقعه معها

ومع بناتها الي تعبت منهن ومن طلعاتهن الكثيره
ابو بشاير : اسمعي انا مهيب فاضي لكم كل شوي مطلع لي
سالفه هذيل بناتج وتفاهمي معهن واذا لعوزنج بكثرة طلعاتهن
بحرمهن من السايق والجامعه وبخليهن مقابلاتج .
ام بشاير: وهذا انت بس يا شطح يا نطح يا تعطيهن الحريه يا
تحرمنه الدراسه.

ابو بشاير : خلاص هذا الي عندي وطلع وخلاها وهي المسكينه
ما تقدر على قواة بناتها وخصوصا هديل ومياعتها ولا رفيقاتها
الصايعات

دق الجرس وراحت الخدامه تفتح الباب الي هن صديقات هديل
شيماء و منى سلمن على ام بشاير جلسن معها .
ام بشاير امرت الخدامه تجيب للبنات عصير وقالت لها تروح
تنادي هديل وطلعت وخلتهن جات الخدامه قالت لمنى وشيماء ان
هديل تعبانه وما تقدر تنزل لهم
تضايقت شيماء وحست انها مخنوقه من حالة هديل واستاذنت
وراحت اما منى الي كانت افكارها خبيثه طلبت من الخدامه انها
توصلها لغرفة هديل وصلتها .

دخلت منى وشافت هديل تصيح بشكل يعور القلب خذت كوب
الماي الي على الطاولة وعطتها اياه ومسحت على شعرها اما
هديل الي كانت صدق محتاجه منى وبها الوقت بذات حضنتها

.....

ودخلت عليهم الي ما كان حد منهم متوقع دخولها افتحت الباب
شوي على اساس ان هديل نايمه وحببت تسوي مفاجئه لها
وللاسف لقت المفاجأة قدامها منى هديل مع بعض في مشهد
عمرها ما تخيلته هيا وبضحكات عاليه مخلوطه بحزن :
ادري والله يا حبيبي من وري عيني تخون

لا تظن انك مكذب لا تصدقها ظنونك
ومن يقول انا احبك وقلبي عايش لك يصون
انا مثلك يا حبيبي من وري عينك اخون

وطلعت وهنى انهارت اكثر هديل وكان حضن منى هو الشيء
الوحيد الى قدامها.....

في شركة العايله الساعه الحاديه 11 صباحا
الكل مداوم في مكتبه ابو فهد وابو ثامر وفهد كل في مكتبه اما
في فهي في مكتبها من الصبح وكان مكتبها في اخر الممر لمكتب
فهد وابوها وحط لها ابوها سكرتيره من سنها تساعدها اندق
الباب على فهد واذن له ودخل وكان طارق مدير الحسابات
طارق : كيف الحال استاذ فهد م زمان عنك تو ما نورت الشركه .
فهد: حياك الله تفضل طارق وعطني اخبارك واخبار الشركه في
غيابي.

طارق : ابد سلامتكم كل شي تمام وماشي حاله بس الموظفه
الجديده الي جايبينها ماكان لها داعي ولا انا ما بكفي
فهد وهو يضحك على غيره طارق : ههههه والله يا طارق هذا
ابوها الي موظفها ولا وبدون شهاده شرايك انت .
طارق : انا عرفت انها خريجه في اداره محاسبه ولا غلطان .
فهد: مش غلطان وانا حاولت اثنيهم عن ها القرار بس هم تكاتفوا
ضدي وصوتوا وطلعت انا الغلطان بعدين يا اخ طارق محد يقدر
يتعدى على منصبك وانت مديرها قدامي وهي من بعدك .
طارق : بنشوف والله خايف يي يوم وتستغنوا عن خدماتي .
فهد: افا يا طارق احنا تونا عارفينك انت من سنين معنا ما عاش
من يستغنى عنك خل عنك وقلبي شخبار اهلك .
طارق: نحمد الله عايشين بفضل الله وبفضلك .

فهد: تستاهل انت انسان مجد ومثابر وخلق كذا ولا تخلي الاطفال يهددون عرشك ههههه ضحك لما تخيل في تهدد طارق في وظيفته.

طارق: يله عن اذنك حبيت امر عليك واسلم واشوف اذا بدك شي

فهد: ابد سلامتك وخل بالك على شغلك.

بعد كم يوم من دوام في في شركة العايله وهي معتكفه في مكتبها ما تطلع كله تطلع على حسابات الشركة من اول ما داوموا لحد يومهم هذا لغاية في نفسها وهي ما توظفت الا عشان تبحث عن شي معين.

وكانت ما تصادف فهد في دخلتها وطلعتها.

اما موضوع عبد العزيز ونور فكلموا ام جاسم الي شاورت ولدها جاسم واخته ولقت عندهم القبول وشاوروا الأعمام لما عرفوا المتقدم رحبوا فيه وما بقى الى يحددون موعد الملكة وبشر فهد عبد العزيز.

عبد العزيز : اه يا ولد امي وابوي الله يبشرك بالشهاده عقب عمر طويل بس اسمعوا ابي الملكة بعد اسبوع لان بعد عشرة ايام البطولة ولا شرايكم.

ابو فهد: والله هذا الشي راجع لعمتك وبنتها

العمه: وعمته موافقه على تحقيق رغبة بطلنا.

عبد العزيز : مرحبا مرتين مره عمتي بالدم ومره انج عمتي ام مرتي.

ام جاسم: اسمعوا مرتي لين الحين يبه ما صار شي.

عبد العزيز: شرايج عمتي بالملكة يوم الجمعة ها حلو الوقت.

ام فهد: اصبر شوي اشيلاك طاير.

خالد: لا تلومونه مفارق احبابه.

خالد: الله لا يقول انا ماني مستفيت مثلك ومستعجل بدلع نفسي
لاخر لحظه في حياتي ولاحق على الهم.

خالد: لا يبه فديت خشمك بس عاذني صغير الحين انتوا استانسوا مع عزوز بعدين خطوا حركم في فهود اخر شي انا.

**فهد: خلاص يمه الحين قدامج عزيزان وطلعوا كل شي مخشوش
لى له ولا شرايك عزيز.**

صلاة المغرب يملكون بوجود عماد نور ويشوفها

نور: الله يتمم على خير تصدقون انى خايفه من يوم الجمعة.

يدخل المسابقه وانتي زوجته

نرجع لهديل وحبها الجديد منى

منی : یلا بنام ھدول عطینی۔

منی : اااه منج دایما تعذبینی.

منی: شلابسه؟؟

هديل: استحت.....

دخلت بشاير على اختها وشافت ضحكتها ومياعتها.

هديل: منى مع السلامه بكلمج باجر

وسكرت وطالعت اختها بنص عين : اقول خلي نصايحج لعمرج يا
اختي شوفي روحج حبيبتي ولا طلتي وكله مركونه ع الرف اول
ما يدق عاشق الغبرا تركضين بدون احساس.

بشاير: ع الاقل احب شخص مكمل لي وانا من وجهة نظري
واحساسى انه بيبه زمانه لي طال الوقت ولا قصر.

هديل : والله يا اختي حالتج صعبه الا اقول معاد شفتج اتروحين
لبيتهم من تزوج اوسم واحد في الدوحه على ملكه جمال قطر.
بشاير وهي منقهره من تشبيه اختها لجاسم وفي.

بشاير: لا ابشرج بنروع انا وانتى وامج بعدكم يوم عشان نحضر
ملكه نور وعبد العزيز.

هديل : لا حبيبتي روجى انتى وامج اما انا لا مانى بفاضيه.
بشاير: وشمشغلج غناتى ولا اقولج اخذى راي حبيبك منى واذا
اذنت لج تعالى معانا غيرى جو الوساخه الى انتى فيها.
هديل: بشوف اذا وقتى سمح يا بختكم بروح معكم.

بشاير: الله يعيينج على نفسج.

هديل : اقول بتشوفين جاسم هناك.

بشاير : على حسب يمكن.

هديل: اصحاب العقول فى راحه الا انتى ينطيق عليج المثل الى

يقول(شوف وحرقت يوف.....)

بجيه يوم الجمعة اجتمعت عايلة الحمد وهم مستانسين لانهم
بيربطون عيالهم اقدس رباط وعلى المغرب جاوا اهل جاسم
وقعدوا مع بنتهم وولدهم وبعد مشاورات ومداومات اخيره ما

بعدها رجعه تمت الملكة بين نور وعبدالعزيز..
وتعشوا الرجايل في مجلس ابو فهد بعدها تفرقوا الرجايل لكن
حفلة الحريم توها مبتديه بعد ما وقعت نور على الدفتر الي كان
جايبه جاسم لاخته الي كانوا البنات متجمعين عندها
(في ورغد وبشاير وهديل وكذا وحده من رفيقات نور ولا ننسى
المعجبات الثنتين حمده ومريم)

حمده : اقول نواري ليش يا الحماره ذاك اليوم يوم كنا نتناقش
عن ولد خالج ما قلتي انه يقرب لج ولا وحاطه العين عليه .
مريم: لا وازيدكم من الشعر بيت قاعده تشرح لباقي البنات
الموقف قعدنا انا وحمدوه نتغزل فيه ونتفدى فيه وهي ولا بين
عليها اما عليج حركات .
نور وهي محمره من كلام رفيقاتها : شتبونني اقول لكم يعنى .
خليتكم تاخذون راحتكم .
دق جاسم الباب ونادي نور تجيه عند الباب عشان توقع طلعت له
نور وفي عشان تساعدنا لانها كانت تتنافض من الخرعه .
جاسم: هيه نور وقعي عدل وترى بعدساعه بيحي يشوفج ويلبسج
الدبله هو المفروض قبل يشوفج بس قال لي الحمار كلمه لو انه
قايلها قبل الملكة كان كسرت حنوكه .
في: إشقال انا اخبر عبدالعزيز عاقل ولا عمره قال كلمه مهب في
مكانها .

جاسم وهو يطالع في الي طالعه فلقة قمر من حلاوتها
قال: لانك وسيم وانا اخبر اختك من عادها صغيره تشبهك فهذا
معناته انها بتكون لما تكبر احلى منك .
نور استحت دخلت وتو في بتروح وراها الا جاسم يقول لها : في
احد قالج قبلي انج احلى من الحلى ذاته
في طالعه ومشت وهي في قلبها حسره عليه وعلى عمرها وانها

انحرمت من فرحة عمرها وهو حرم نفسه انه يعيش مع وحده
تبادلته نفس المشاعر.

هديل وهي تنغز بشاير : اقول بشور اشوف حبيبج طول مع مرته
برا والله ما الومه كل ذا جمال.

بشاير: لو تلاحظين نور اجمل منها.

هديل : ما انكر جمال نور بس في فيها شي يسحر والي يطالعها
يقول في خاطره الله يحفظج لمحبح.

بشاير: اقول انظمي احسن لج وخلينا نشاركهم فرحهم.

هديل: هيه لازم نشاركهم مهب هم حبايبنا.

بعد ساعه نزلت نور للحريم بكامل شياكتها وكان الذي جي يلعلع
باغنيه خاصه لها الموقف الرائع.

وبعد ما رقصوا لها البنات والامهات حتي الجده وشاركت بالرقص
بعصاتها شوي واستاذنوا الرجال بيدشون دخل جاسم وعبدالعزيز
مهب مصدق روحه يطالع ها الجمال النائم الي جنبه.

جاسم: هي يا بنت رفعي راسج شوي عدل واذا ما تبينه قلوي لي

.

عبد العزيز : كان زمان وراح يا اخي تعرف ليه ما بغيتها
تشوفني قبل الملكة عشان ما تغير رايتها اما الحين معاد حد له
كلمه عليها.

جاسم: اقول ما خذ في نفسك مقلب يله خلك مع عروسك ومبروك
والله يسعدكم وطلع

وقبل ما يطلع رفع راسه شاف بشاير مرخيه اللثمه وتطالعه وهي
ميته عليه طالعه وضحك لها ورفع لها حاجب وتدرون من شاف
الموقف!!

في

ولا حسست باي شعور من الغيره وقالت يا ترى بتكرر قصة امي

وابوي يحب صديقة العايله وبيفكني هزت راسها وراحت لا خواها
ع الكوشه تبي تساعده هي ورغد في تلبيس نور الشبكة.

عبد العزيز: مساء الخير يانور عيني.

نور بصوت واطي : مساء النور.

عبد العزيز: انتي تبين تذبحيني صح.

نور وهي مدنعه ليه تقول ها الكلام.

عبد العزيز: حلاوتج وامنييتي الي تحققت على يدج وبعدين ترى

على خدج نقطه سودا ما شفتيها.

نور رفعت راسها له متخرعه : شنو.

عبد العزيز: اه يا قلبي ايه الحين خليني اشوف عيونج الي

جننتني وانا عمري 15 سنه وانتي 10 سنين.

نور: اه شذا الكلام حد يطالع بزر.

عبد العزيز : انا بزر قدامج شكليني على راحتج

جاتهم في وحبثهم وجابت الشبكة مع ام فهد ولبسوا عروسهم

وخلوه هو يلبسها الاسواره والدبله والاخو ما صدق وما قصر في

التلرق ومسكته ليدها

بعدها عطاها يده ودبله فضه عشان تلبسه وتم يناظرها وهي

مرخيه راسها من الخجل.

بعد ساعه طلعه غصب عنه عشان الحريم ياخذن راحتهن وقبل

ما يطلع طلب رقم تليفونها بس هي رفضت لانها ما تبي تشغل

نفسها عن دراستها.

عبد العزيز : اقول احسن لج عطيني اياه بالتني هي احسن.

نور: لا وما فيه مكالمات تشغلك عن شغلك وانا عن دراستي.

كل جمعه تعال واقعد معاي شوي.

عبد العزيز: اوه ومن الي فرض هذا القانون

نور: انا.

رد ت عليه نور بمسج صغير ومعبر:
غالي وارتا حلك وان غبت اشتاقلك
تستاهل الغلا كله والغلا يستاهلك

حبيبك دوم مهب
يوم ولا عندك مانع ؟؟؟؟؟؟؟
رد عليها
لا والله ويشرفني تكونين سيدة حياتي ونور عمري كله.
وتموا رسايل لحد ما قالت له
شقلنا يله نام وارتاح ترى ابي هديتي الي هي فوزك ممكن ابي
اكون لك حافز مهب اسهرك واتعبك معاي
وعدها انها انها تكون كذلك.
ومرت ايام الخطيبين حلوه مسجات وارسال اغاني وبعض مرات
مكالمات قصيره عشان انشغال عبد العزيز بالبطولة الي تنطره
بعد يومين.
اما عن جاسم وفي حياتهم كما هي هو وده يحطها في عيونه مثل
ما هي ساكنه قلبه بس هي لاهيه في شغلها ووقتها الباقي
موزعته بين اهلها ومساعدة نور في دراستها.
ولا فهد من شغله لمجلسهم الي كله جمعة شيايب وشباب
وخالد من شغله للتسكع مع ربعه في سيلين ولا الركض في
الاسواق ورا البنات الحلوات.
جاء يوم السباق المقام على ارض دوحة حمد :
((بطولة الشرق الاوسط للراليات))
وفي يوم رياضي مثير ومثالي وحماسي التنافس الشريف والقوي

بين الابطال في دروب صحرائنا الذهبية.....
وكان السباق مستمر وكانت تصادف عبد العزيز عرقلات
في السير وعقب ست مراحل متعبه نجح عبد العزيز بالمركز
الاول بالجولة الثانية.

قطع عبد العزيز المراحل الخاصة للسباق في زمن قدره
2019041 ساعه وخاص ها المغامرة بسيارة سوبر اس تي أي
وتوج ناصر العطيه ابطالنا للراي.

وكان نايف وواحد من الصحافه وبعض المصورين ينتظرونه
وراح عبد العزيز حضن نايف وكان مستانس وايد واستلمه
الصحفي بالاسئله.

الصحفي : الف مبروك عبد العزيز يا بطلنا.

عبد العزيز وهو فرحان : الله يبارك فيك.

الصحفي شتحب تقول بها المناسبه.

عبد العزيز وهو يده على كتف نايف : والله الكلام مهيب سايعني
من الفرحة واحب اشكر اخوي وحببي نايف على كل جهوده
المبذوله وادري اني تعبته معاي وايد ... واحب اهدي فوزي
بشكل خاص لناس عزيزين على قلبي وهم يستاهلون اني اهديهم
اياهم واهديه بشكل عام لكل مشجعي سباقات الراي.

ومستوى الراي كان رائع جدا وبعد ما ابي اظلم التنظيم
والمنافسه اكدت ان انا والشباب عندنا الكثير عشان نقدمه
فالجولات والبطولات اليايه.

الصحفي : تستاهل يا بطلنا والحمد لله قدرنا ناخذ من وقتك لو
دقايق.

عبد العزيز: ولو احنى لكم واحب اضيف شي.

الصحفي: تفضل

عبد العزيز : احب اشكر باسمي واسم اصدقائي المشاركين الى

كافة الجهات الي شاركت في تنظيم ها الحدث وفي مقدمتها وزارة
الداخلية ومستشفى حمد والسموحه لو نسيت حد .

الصحفي : مسموح يا البطل بس تسمح لنا بصورة جماعية.

عبد العزيز : اكيد تفضل.

"وحضن الصحفي عبد العزيز وخذوا احلى الصور"

بعدها رجع عبد العزيز للبيت وهو فرحان بفوزه الي ا هداه لنور

واکید هي بتفهم الناس الخاصين الي قالها.

استقبلته امه وابوه وجدته وعمه ومررت عمه وعيال عمه

المعجبين الصغار ثامر وعلي بالاحضان والتباريك قعد يتلفت يدور

غالین قلبہ

نظ له خويلد كالعاده: اقول اذا مضى شي دور عليه زين.

عبد العزيز: اقول انت متى بتفارق عن سما حياتي.

خالد: يا حياتي مقدر افارقك من يوم ما ولدننا امي وانا مصيري

مرتبط بمصيرك.

عبد العزيز: الله لا يقوله روح بعد عني خاني اتنفس والله ضقت

منك اوف.

بعد ما ارتاح معاهم راح لبیت عمته

عشان یسلم علی عمتہ ویشوف نور : دخل یاأهل البيت این انتم۔

طلعت له في وهي متشقة من الفرحه وضمته وباركت له وقعدت

تقهویه و تسولف معاه بعد نصف ساعه سالها وین قلبی.

فى : وسط صدرك.

عبد العزيز: اوه فيوه وين نور.

فى : هههه اى والله وين قلبى هههههههههههههههه

عبد العزيز : اقول بتحكين ولا شلون.

فى: انزىن بقولك راحت مع عموه والحين بيوصلون عندها موعد

اسنان الاخت البارحه مرقدت من الالم من اسنانها.

عبد العزيز: اسم الله عليها ليتة فيني ولا هب فيها.
في: وخررر عنهم شوي ودخلت عمته وسلمت عليه وباركت له

ونور متغشيه ما تبي عبد العزيز يشوف شكلها التعبان
وقالت له من وري الغشوه : هلا عبد العزيز والاف مبروك ع
الفوز.

عبد العزيز : بتظلين متغشيه عني وايد .تعالى اقدي وطميني
عليج.

نور : معلية عبد العزيز والله تعبانه بروح ارتاح وكنت منيه
نفسي في ها اليوم اقعد وياك بس مثل ما انت شايف مقدر حتى
على الحكي – قرب عبد العزيز منها ومسك يدها وحبها ولا اهتم
لوجود عمته وفي

في : هي انتوا احنا هنيه ولا ما تشوفون.

عبد العزيز وهو مطمئن

عبد العزيز : حبيبتي روعي ارتاحي وبكلمج في الليل واذا تعبانه
وما تقدرين تكلمين ردي على بمسج وتوها بتروح حبها من فوق
الغشوه على راسها.

العمه: اقول يمه عبد العزيز خل بنتي تروح بتم ماسكها من يدها
فكها العرس بعد سنه ههههه.

في : عموه ولد اخوج اخترت مره وحده.

عبد العزيز وهو يطالع نور : ما دام معاي القمر مالي ومال
النجوم.

في: كنك اخترت وعاداك خالد وصرت تقط خيط وخيط.

عبد العزيز : يله قلبي روعي وشكل ما قلت لج.

نور : اوكي وسامحني حبيبي كنت متمنيه اقعد وياك بس الجايات
اكتر من الريحات

وراحت عنه

وهو واقف مثل المسبه

عبد العزيز : هي شقالت ولا انا من كثر تعبي ما سمعت عدل .
في: لا يا اخوي سمعت قالت لك بدون ما تقصد وهي تنعم صوتها
كح كح (سامحني حبيبي)

العمه : حسبي الله على ابليسج يا فيوه الحين هذا حس نور بنتي
عبد العزيز وهو يطالع المكان الي راحت منه نور ووده يلحقها
ويقعد معها يا ناس من يوم ملك عليها ما قعد معها الا مره وحده
بس هانت ها اليومين فاضي لج يا نور بطلع عيونج فديتهم وراح
قعد مع عمته واخته .

تابعوني احبتي وقرائي الكرام والجاي احلى من الي راح ..

..._ _*TM £ البارت السابع £ TM*_ _..._

حكمه

..

انتهت امتحانات الثانويه العامه وطلعت النتائج وكل يبي يعرف

نتيجة تعبها راحت هديل وافتحت النت ولقت انها ناجحه بس بدون
نسبه تدخها الجامعه وهاذي نتيجة استهتارج يا هديل.

وحطت رقم جلوس منى xxxx وكانت راسبه وعندها ماده وحده
بس نسبتها كانت 75% واتصلت فيها:

هديل بصوت حزين: هلا حمود.

منى: يا عيونه.

هديل: انا نجحت بدون نسبه تدخلني الجامعه وانت راسب با
لانقلش بس تقدر تشد حيلك وادش الجامعه.

منى: صصصج والله الله يبشرج بالخير يلا جهزي انا بمرج الحين

(رغم اللي تسويه مني الا انها ذكيه وشاطره)

هدیل: آی واللہ یبٰی لنا طلعه واللہ ضایق خلقی.

منى: يا عمري انتي والله اني أنسيج "حليب امج"

ہدیل استحت : کح کح

منى: يا لبيه فديت الى يستحون يلا جهزي والبسي الى اخر مره.

[illegible]

منی: هههههه یلا بای.

هدیل: بای.

رجعت هديل تحط رقم جلوسها وتشوف درجاتها وهي تكلم شيماء الى صارت علاقتهن سطحيه.

هدیل: أي اقولج ناجحه.

شيماء: مبروك طيب ومنى....

هديل: وهي تحط رقم 13 وراء رقمها الله يبارك فيج وخذتهم السوالف.**

شيماء: ههههههههههه الله يذكرها بالخير.

هدیل: هههه ای والله و صررررررررر رخت هدیل

شيماء : الو..... الو..... هـدول

هدیل سكرت من شیماء وتفتح عیونها بلاب توب وشافت الاسم
اکثر من مره وتأكدت ان نفس الاسم " هیا – فصول "

وطرشت مسج " مبروك النجاح والنسبه الحلوه "

وكانت تصيح صياح يعور القلب وكانت هيا الي شافت اسمها
بنسبه 89% ما كانت متوقعه ها النسبه ولا كانت متوقعه انها
راح تتجح

رن التليفون

وفزت من سريرها على امل تكون المتصله هيا

منى : يلا حبيبتي انا برا

هديل: اوكي.....

طلع فهد من الشركة وركب سيارته الا يشوف في راكبه سيارتها
وفي وضع السواق تعجب من متى وهي تسوق ومتى خذت ليسن
اتصل على عبد العزيز

فهد : اقول في تسوق سياره

عبد العزيز : ايه من حوالي شهر دشت الامتحان ونجحت ومن
اول مره.

فهد: ومن سمح لها تسوق اكيد العله جاسم مدري هذا شبلاه بنت
عمتك مشيته وراها ولا يسوي كل ذا عشان يقهرني!!.

عبد العزيز : اقول عليك منهم وشدخلك؟؟ يله تعال ننطرك على
الغدا ويوعانين يله حرك.

فهد: يله جاي

تبع في من بعيد يشوف طريققتها في السواقه وكانت سوقتها
ملتزمه وسيده وكان راديو فهد مفتوح كالعاده على اذاعته صوت
الخليج

وسمع محمد المنهالي:

عجائب كيف ما توله عجائب

وانا الي في غرامك صرت ذايب

علامك تاخذك دنياك عني

بعد ما كنت انا وانتة حبايب

حبيبي ليش قلبك صار جافي

وطبعك يا بعد من كان وافي

يا غالي لا تزيد الهم كافي

فراقك زاد في قلبي لهايب

نسيتك يشهد والله ما نسيتك

لقيتك وين م ارحل لقيتك

عطيتك عمري وروحي عطيتك

يا اغلى م محبين وقراب

مهما غبت يا روعي علينا

عسى الله عقب ها افرقا يعينا

ودادك باقيين لا شك فينا

حبك حاطرن و غايب

فهد: انا اشهد اني احبج وبحبج لآخر عمري الله يهنيج يا في

وصل بيتهم في ربع ساعه وخلالها وقت عشان ماتشوفه وتحس
انه يراقبها دخل على هله وسلم وصعد بدل ونزل تغدى معهم

في بيت عبد الله ابو ثامر

عبد الله : اقول يمه شرايج نبي نطلع للبر فيج شده ولا بتقولين ما
اقدر على البر.

ام ماجد : ايه والله يا وليدي خلها لين يدفي الجو شوي .

منيره: اقل يمه شرايج في بيت الشعر الي في حوشنا نفرشه لج

ونخليج كنج في البر مع الدوه والحليب بالزنجبيل والقهوه المهيله
والي تبينه نسويه لج.

عبد الله : والله النشبه ذا المره كله طايحه لامي ومهمتني
بريحاتي منور ترى والله اسويها واعرس عليج.

ام ماجد: تهبي والله تعرس على سيخة البنات.

عبد الله: افا يا ام ماجد تهبي مره وحده ولا ومسميتها شيخه
البنات عيل في وشتكون خلاص منور راح عليها لقب شيخه
البنات كلها سنه وتصيرين جده - أي والله

الجد: انت شفيك اتحركش في منورتي كل ما شفتها قاعده معي
يا اخي خل الغيره عنك وش ذا الطبع ما شينه.

عبد الله: قال ايش قال منورتي ياليل ما اطولك .. اقول منورتي

ابغي كابتشينو.

منيره: من عيون منورتك

وقامت رحت للمطبخ تسوي له الكابتشينو

دقيقه الا عبد الله داخل عليها المطبخ ومسكر عيونها من وراها
وحاط حنكه على كتفها ويقول بصوت واطي انا من
.....؟؟؟؟؟؟؟؟؟؟

منيره : عبد الله وخر لتجي امك ولا حدا العيال.

عبد الله: عيالج في المجلس البراني وامي راحت لغرفتها تقيل
شوي اشفيج معاد تحبين قربي!!.

منيره ردت عليه بالفعل مهب بالقول التفتت عليه وجا وجهها
صوب وجهه وحبته بين عيونه

منيره : انا الود ودي متفارقني دقيقه وحطت راسها على صدره
والاخو راح فيها.

تصدقين منيره من خذتج لين يومج ذا عمر حبي وشوقي لج ما
خف يوم انتي ساحرتني ولا!!.....

منيره: عبيد؟؟؟؟

مخلاها تكمل حط يده على ثمها بعدها حب محل صبعه وحط
جبهته على جبهتها

(يا حلو مغازل الشيايب لها طعم ونكهه غير هههههههه)

اما احدث خطيبين فكانوا جالسين في مجلس ام جاسم وسوالف
من بعيد.

عبد العزيز: نور قربي منى ليش قاعده بعيد عني.

نور: خلك عاقل يمكن امي تجينا ولا جاسم.

عبد العزيز ما خلاها تكمل جا وقعد على نفس الكنبه ومسك يدها
عشان ما تشرد عنه

عبدالعزيز : نور بعدين معاج تراج حلالي والله لو اخذج ابيتنا
الحين محد يقدر يردني حتى البوسه حارمتني منها عيل شفايدة
ملكتنا كان خطبتج وقعدنا نتراسل احسن!!.

نور وهي تحرقص من الخجل : اقول عزيز وخر شوي .

عبد العزيز وهو يضمها بيده من كتفها لصدره : اه محلا ريحة
شعرج وكل ما فيج نور لا تعذبيني قربي مني ولا تحرميني من
قربج

ودخل يده في شعرها الحريري الذهبي وجابه لوجهه وشمه
نور دزته وخرت عنه لآخر الكنبه وانفاسها مقطوعه من حركاته .

قام عبد العزيز يا بلقيت بيادب نور عن بعدها عنه الاجاسم داخل
عليهم.

جاسم: هلا بالعاشق الولهان شخبارك ولد الخال شعلومك؟؟.

عبد العزيز وهو محتر منه وجيته اللي مهب وقتها : هلا وغلا
بخال عيالي.

جاسم: الله يانك مستعيل عرس قبل بعدها جب العيال وخلي خال.

عبد العزيز : هذا انت اعرست ولا خليتني خال جاسم تغير وجهه
وتعلمم وطلع من عندهم.

عبد العزيز اشفيه اخوج عساني مغلطت عليه.

نور: مدري شتحب تشرب بروح اجيب لك.

عبد العزيز: خلي عنج السوالف مابي شي ابيج تقعين قبالي
بس.

نور: هلا يااااااهلا بمره اخوي تفضلي جيتي في وقتج.

في : لعنيج والله انج كذابه الود ودج اني مجيتكم بس يله
بعديهاالج .. شخبارك اخوي الغالي.

عبد العزيز: كملت من شوي ريلج والحين انتي والله انكم
بتموتوني ناقص عمر.

نور: اسم الله عليك في العدو ولا هب فيك.

عبد العزيز مات من كلاماتها التلقائية الحين عرف شلون يقردها
لبغى الكلمات الحلوه تطلع

عبد العزيز في خاطره : هين يا نوير.

في: هي بو ماجد حرمتك تسالك شتبي تشرب وانت مسبل بعيونك
هي لا تحول خويه.

عبد العزيز : اقول مبي اشرب بطلع وطلع وهو معصب

لحقته نور ونادته : عزززوزي وقف ابيك

التفت لها ومثل عليها انه زعلان

عبد العزيز: نعم شتتين امري.

نور: الله يخليك لا تزعل ترى والله ماحب اشوفك زعلان مني.

عبد العزيز: ليه اهمج يعني ??

نور جات تروح معجبها الكلام الا وعبد العزيز ماسكها من يدها

عبد العزيز : تعالي يا فاتنتي شبعيتي يا قلب عزوزج تدللي ??.

نور: تحبي ??

عبد العزيز: شذا السؤال تبين الجواب عملي ولا.

نور: شنو يعني!!

عبد العزيز: يعني العملي يكون كذا وخط شفايفه على خدها
الايمان وباسهااااا

نور: لا ااا لا شنو ذا صدق ما تستحي.

عبد العزيز: ليه استحي من عمري وبعدين انا ابي حقي ولا بس
كله انا الي ابوس عطيني الله يعطيج الي تتمنيه ويعطيج طولة
العمر.

نور: روح انا مهب مثلك وخر وهربت منه

وهو مستانس من تصرفاتها الطفولية وقال : نور احبج واموت
عليج نور طالعتة وهي ميتة ضحك على حركاته الي تجنن .

في بيت هديل واختها بشاير

منى تكلم هديل: قالت لي انج عجبتيها وانا مت من القهر كان
اعطيها كف ما عاد الا اليها بعد .

هديل وهي فرحانه والكل قام يتهاوش على شأنها : ما عليك منهم
حبيبي

وياها مسج افتحتة وهي تكلم منى وكان المسج من هيا وتقول
فيه

الله يبارك فيج من؟؟

"لما تعمقت علاقة منى وهديل اصررت تغير رقمها وكل شي
يذكرها بهيا بس الشي الوحيد الى احتفظت فيه رقمها"

ردت عليها وكتبت:

هديل...

وتعذرت من منى وسكرت التليفون وسرحت بافكارها.

وياها مسج من هيا :

الحمد لله ان الله وفقني ونجحت والحمد لله ان الله هداني وكل يوم
ادعي الله انه يغفرلي ويسامحني والله يهديج

هديل انصدمت.....!!!!!!! وقعدت تبكي وقت طويل لين اتصلت
منى وهدت اعصابها ومسحت رقم هيا من جوالها وقررت انها
تنسى الماضي وتعيش مستقبلها مع منى.

في جناح جاسم وفي

جاسم وهو منبطح على سرير في وهو يطالعها وهي تمشط
شعرها الاسود الطويل وهي سرحانه ولا كنه موجود .

جاسم: في تعالى قعدى جنبى سولفى معاي .

فى انتبهت له وعقدت حواجبها شتبي ذا بعد الحين : شتبي
جاسم؟؟

جاسم : ابيج تصويرين مره تعرف حدود الله وتخاف وتحترم
مشاعر زوجها الى كل ليله يجيها يطلبها الى الله محله له وهي
ترده.

فى: وبعدين معاك جاسم الله يهديك كم مره اقولك ما اقدر وانت
عارف السبب

جاسم قام وقرب منها ومسكها وحاول يقربها منه وهي تقاومه
متبي قربه.

جاسم: خلاص في تعبت منج مافيه الا القوه هي الي تنفع معاج

شلها بقوه وقطها على السرير وتوه بيحي جنبها ارفسته برجلها
وهربت للحمام وسكرت على روحها وقعدت يبكي.

جاسم بعد ما عورته الرفسه قد يناظر باب الحمام وهو مستغرب
تصرفها :: اه اشقد عايفتني وانا كل البنات يموتن على قربي اه
لمتي صبري راح لباب الحمام ودق عليها وسمعها تبكي انقطع
قلبه عليها مهما يكون هذه حبه الاول ودق عليها ما ردت عليه

في انا طالع والله ما اتعرض لج بس بقولج كلمه قد قريتها في
يوم

(لما صبري زاد عن حده ومل قلت ابعده يمكن القى للبعد
حل)

ووخذني راحتج وطلع.

اما في فهي تمت في الحمام لانها صدق تروعت من طريقته معها
.. ولا طلعت الا وجه الفجر

وسيده قفلت بابها وتوضت وصلت ونامت لها شوي لان وراها
دوام.

لما اصبح الصبح جا في مسج من جاسم يقول فيه

يا ترى خلي بخير او زمانه اتعبه ؟ يا ترى يضحك سعيد او فؤاده
عذبه ؟ نفسي يا خلي اجيك

واحمل همومك بعيد واصبح لجرحك طبيب واصير لك
..... خل ورفيق صدقني احلامي كثيره !!

صباح الخير في ع الساعه 12 الظهر بمرج ابيج في موضوع
مهم.

في : اه يا حسرتي على عمري شسويت في حياتي عشان ابتلش
فيك؟؟؟؟

وقامت وبدلت وراحت لشغلها.

في صالة ام بشاير وهديل

كانوا هدول وبشور جالسات في الصاله وكانت هديل تدز
بلوتوث اغاني لاختها بشاير.

بشاير: اقول هدزل شخبار الحب مالج ههه منوي ؟

هديل وهي تاخذ نفس عميق: فديت ها الاسم وطاريه ويا حي قطر
دام حمود فيها هههههه فديته حمودي بخير .

بشاير وهي تمثل الجديه : هي انتي بتصيرين حرم (حمد) خلاص
خلي خرابيطج.

هديل بصدمه : يخسي ومن هذا ؟؟

بشاير: ولد خالـج العزيز تقدم لج اليوم.....

هديل : وشمعنى انا انتي العوده ليه ما تقدم لج ؟

بشاير : خاطره فيبيج ههههه

هديل: يعل ماله خاطر قامت من قهرها حذفت الجوال وراحت
تدور امها يمه يمه!!

في شركة الحمد

جاء جاسم في موعده وراج على طول مكتب في ودخل عليها

وسلم وقعد في ما رفعت راسها تطالع لها اوراق ولا اهتمت فيه.

جاسم: في انا جاي وابيج تفضين لي روح شوي لان الي بقوله
لج خطير ولازم تركزين عليه وخلي الي في يدج واسمعيني.

في: اسمع جاسم اذا جاي تناقشني فيحياتنا ولا الي صار البارحه
اصرف نظر.

جاسم: لا يا في الي بقوله لج شي غير وانا اسف البارحه طلعت
عن طوري وانت رايتهج بيضا مسويته الا الي اتفقنا عليه وانا
الي اخليت بأ تفقنا.

المهم اسمعي مكتبج هذا حد يقدر يسمعنا ولا اخذ راحتني في
الحكي ولا نطلع برا مابي حد يسمع الي بقوله لج.

في خذت بالها من جدية جاسم في الموضوع.

في: لا لما اولع الضوء الاحمر محد يقدر يدخل علينا اشفيك تراك
روعتني فيه شي صاير لعائلتنا.

جاسم: لا الي بقوله لج ابيج تحتفظين به لحد ما اموت مبني حد
يدري عنه ولما تسمعين اني خلاص سوي الي بقوله لج الحين.

في: بعد عمر طويل ليش تفاول على روحك .؟؟

جاسم: بتحزنين في لو صار فيني شي .؟؟

في: جاسم ليش تقول ها الحكي.؟؟

جاسم: اه يا بنت خالي عذبتج معاي بس والله مهيب قصدي في من
وانا صغير وانت في خيالي وصممت انج لي ولا ني مخلي حد يا
خذج مني وسويت الي ما يخطر على بالج فاسمعي وارجوك
افهمي وجهة نظري وحاولي تسامحيني.

في: شسامحك عليه انت ايشسويت ؟.

جاسم: او عديني متزعلين ولا تحقدين علي.

في وهي تقوم وتجي تقعد جنبه لاول مره في حياتها وتعطيه كل
اهتمامها : تفضل قول وثق انه محد بعارف الا تبهم يعرفونه
وانت عارفني ومجربني قبل موضوع ابوي وصور فهد محد درا
عنها قول.

جاسم: بعدما اخذ نفس انا يوم كنت ادرس برا لبنان بالاحرى
تعرفت على شله فاسده خربتني وخذت فلوسي ولعبوا فيها
وهددوني يعني فيه اشيء ما تتخيلينها سويتها عشان بس ارجع

للبلاد وانا عندي اكثر من الي رحت به ودراستي تعثرت فشريت
لي شهادة مزوره وقلت لكم اني تخرجت وكله في كفه ومعرفتي
بشبكة دعاره في كفه.

في: شتقول جاسم انت في وعيك ارجوك ركز.

جاسم: لا والجاي هو الي خايف عليج منه.

في: فيه اكثر من التزوير والربا ومعرفتك ببنات الليل والدعاره
!!

جاسم: اسمعي انا ابي ابري ذمتي وابيج تسامحيني لاني لاني
يمكن اسافر عشان كذا حظيت كل حياتي بين يديج وانتي تصرفي
بما يمليه عليج ضميرج.

في: والله اني قلبي طاح انت شتبي تقول.

جاسم قرب منها وهي ما خافت منه في ها اللحظات كان شكله
يكسر خاطر وحالته تصعب على الكافر مسك يدها وخلاها بين
يديه وقال

جاسم : تري ابوج ما فيه الا العافيه ومثل ما قلت لج صرت خبره
في التزوير والكذب المهم خلّيت واحد من الربع الله ياخذهم يزور
ورقه عشان لو طلبتيها اراويج اياها بس الحمد لله انتي صدقتي
ع طول

والشي الثاني الفلوس الي ابوج ماخذه من الشركة واشتغل فيها
هي صح بس حطيت في درب خالي واحد نصاب محترف خلا
ابوج يدفع الي وراه والي دونه ويوقعه شيكات الي قلت لج عنها
عشان تلجنين لي وما يكون قدامج الا انا.

في: يا الله يا لطيف الطف بي ليش يا جاسم ليه حرام عليك ما
سويت لك شي ليه يا ولد عمتي والله لو انك كافر وتحب شخص
ما سويت فيه الي سويته فيني وبعد كمل علي الله يخليك اذا فيه
شي ثاني قوله مبي اعرف بعدين خل الصدمات كلها الحين على
راسي.

جاسم: ليه تقولين كذا انتي حاسه انه فيه شي ثاني خاشه عنج.

في: نعم حاسه والجاي بيكون العن من الي راح.

جاسم: فيه ظرف مراح تفتحينه الا بعد سفرتي بيوم وارجوك
حلفتج بربج و بحبج لا بوج انج تسامحيني كل العالم مهمتني
لاخر لحظه احبج وما بي الا مسامحتج.

في: اه يا جاسم صعب اسامحك الي سويته فيني شي كايد بس
اوعدك اني انسى بس ما قلت لي شلون بتسافر وليش وانا وش
وضعي وشقول لهم لا اسالوني.

جاسم : بالنسبه لو ضعج بتعرفينه من الرساله ولو سالوج عن
سفرتي هم بيعرفون اول اسبوع من سفرتي ليش انا سافرت.

في: وما تبى تقولي انا الي كل شي اعرفه قولي.

جاسم: انا مطلوب للانتر بول اللبناني وتوني عارف من شوي
عشان كذا انا جهزت لج الرساله وفيها الي ان شاء الله بيريج
مني طول العمر.

في: جاسم: خلك هنيه وبنحل امورك مع بعض حاول جاسم لا تلتته
امك وتحزن اختك

وحب يدينها وراسها.

في : انا خلاص مسامحتك من الحين بس لا تروح.

حاسم: اه ياليت اقدر انفذ الي تقولينه اول مره تطلبين مني شي
يا غناة وحياة جاسم

ضمها وهي ما مانعت تمت مستكينه بين يديه وهاديه كانها حاسه
انه لآخر مره بيشوفها ويمسكها كذا.

جاسم: بقولج شي ترى حطيت لج شريحة تليفون جديده محد
يعرفها ابيج يوم الجمعة الجايه تفتحنيها ع الساعة خمس العصر
بكلمج وبقولج اخر التطورات وشكل ما قلت لج مبي حد يعرف
عن ها الشريحة لان لو حد عرف بها راح يتبعون المكالمه
وبنصاد وانا معج في المكالمه.

في: والله اني خايفه يعني لازم تشرد من بلادك وهلك.

جاسم: بلادي لو تميت لين بكره ها الحزه هم الي ببسلموني لهم
وهذه اشيا متعارف عليها بين الدول المهم انا الحين بروح معج
للبيت وابيج تساعديني الم اغراضي وبسلم على امي كني مسافر
كم يوم وبرد.

في: حاول تحل ازمتك وديا واذا السالفه سالفه فلوس نقدر نحلها
كلنا امك عمامك والكل مراح يتخلون عنك.

جاسم: اصيله والله اني خسرتج كحب وخسرتج كاخت يله انا
بسبقتج ع البيت والحقيني لان طيارتي الساعه اربع يله باي

وطلع وخلاها شكل المخدره بس قامت استاذنت وطلعت لحقته
وهي عند باب سيارتها الا فهد جاي من مشوار وشافها مستعجله
ولا حب يسالها ولا يكلمها في الشارع

ووصلت لبيتها وراحت لغرفة جاسم الي اول مره تدخلها : جاسم
حيا الله من جانا تعالى هذا الظرف بكره العصر فكيه وبعد اسبوع
بكلمج مثل ما قلت لج

وقعدت تطالعه وكلها حزن حاسه ان الايام الجايه بتكون كلها
خوف ومفاجات الله يستر منها

وساعدته في لم اغراضه ونزل وتغدى مع امه واخته وكان
يطالعههم وكنه يبي يحفر اشكالهم في خياله

جاسم في خاطره : اه يا امي شقد تعبتج معاي وراح تتعبين من
الي بتعرفينه وانت يا اختي من بيزفج لريلج وانت يا في يا ترى
لو ما رجعت بتاخدين فهد- اه - واه.

ام جاسم: جاسم يمه شفيك كنك تعبان ومن قعدت ما كلت شي .؟؟

جاسم: لا بس عندي شغل بسافر اخلصه وكم يوم وانا راجع .

امه: الله يردك بالسلامه وفي بتروح معك .

جاسم وهو يطالع في: لا يمه بخليها عندج لحد ما ارجع وها الله
ها الله في عماركم خليككم مع بعض .

ام جاسم: ليه يمه توصي كلها كم يوم وراجع ولا شسالفه انا لي
يومين قلبي ناغزني ولا ادري ليش؟؟

جاسم: لا يمه يمكن مكثره من بسبوسة في الي كلها سكر في
سكر وانتي راعية سكر فقام قلبج قالج ارحميني هههههه

وبعد مخلصوا غدا سلم وطلع وطلعت معاه في وقعدت تطالعه
وعيونها غرقانه دموع وهو مقدر يستحمل دمعت عينه وراح لها
وضمها وقعد يشاهق ويتعبر وهي اكثر.

جاسم: في خلاص الله يخليج ساعديني لا تصعبين مهمتي

وخرت عنه ومسحت دموعها

بعد ها ركب سيارته وراح بعد ما ارسل بوسه في الهواء

وكان فيه اثنين شاهدين على ها اللحظات الوداعيه كان فهد توه

راد من شغله وشاف كل شي وكان محترق لاول مره يشوف في
في حضن حد غيره لا وكانت منسجمه ومتبي تفكه

نزل وخبط باب سيارته بكل قوته ومن قوة الخبطه التفتت في
وشافته وكانت حاطه على وجهها شال ووقفوا هم الثنين يطالعون
بعض من بعيد وكل واحد يفسر الي في قلبه على كيفه

اما الطرف الثاني الي شاف ومات وتحرقص اكثر

فهي بشاير.....

كانت ماره من جنب بيتهم وشافت المشهد الي قطع قلبها ومن
حرتها دقت عليه وهو من شاف رقمها سكره في وجهها عشان
ما كان في حاله تسمح له ان يودعها وهو خلالها رساله باسمها
في ظرف وهو متأكد ان في راح تسلمه لها الظرف الله يعينج يا
في على الجاي لج مني ومن ايامج الجايه .

يا ترى وش فيه الظرف من مفاجات لفي!!.....

وهل صدق ان في راح تكون قد المسؤوليه وتخبي المستور ولا
من هول المخبي راح تنهار وتعترف بكل شي .؟

البارت الجاي كله اكشن واشاره اتمنى تكونون معاي وتفيدوني
بارائكم.....

ودمتم سالمين.

..._--*™£ البارت الثامن £™*_--_...

حكمه

في بيت هديل المغرب

هديل : يمه وينج صدق الي قالته بشاير ان فيه ناس مقدمين لي
؟.

ام هديل: صج يمه وهو ولد ما ينعاب ولد اخوي توه مخلص
ومتخرج.

هديل بعصبيه: مابيه ويا ويله لو تجراً ووصل للبيت احسن لج
وله انه ما يجي والله لافضحكم في الفريج وطلعت وهي تصيح .

في الليل

كان عبد العزيز منبطح ويكلم نور ويضحك ويتناقش معها يبي
يعزمها على غدا ولا عشا وهي رافضه

عبد العزيز: بالله عليج انتي متى قلت لج شي ووافقتي عليه.

نور: مهب الفكره بس اول شي امي يمكن متوافق.

عبد العزيز: خلي عمتي علي وشوفي.

نور: على شرط يكون غدا ولا نتاخر.

عبد العزيز: ايوه كذا يا قلب عزيز اقول امواواه.

نور : اشفيك انت كله كذا.

عبد العزيز: ايه واذا مهب عاجبج قولي لي.

نور: لا عاجبني بس خله كلام.

عزيز: انزين بطرش لج مسج حلو الحين وبكره اول ما تفحين

تليفونج بتلقين تحيه صباحيه وموافقة امج

وعلى ها الاساس بمرج الجامعه وبنروح نتغدى .

نور: اوكي .. يله تصبح على خير يا حبة عيني.

عبد العزيز: ايش؟؟ ايش ياويل قلبي حبة عينج والله بتجلطيني.

نور: اسم الله عليك — يله عاد سكر يا حبي.

عبد العزيز: اقول سكري ترى منتي بداريه الا انا واقف تحت
دریشتج

سكروا من بعض وجاها المسج الي ذوبها خصوصا انه من حبها
ومذكور فيه اسمها :

طريت لي يا نور عيني ودنياي اشتقت بالحيل لحظة طريتك

.... انتہ ہنای ومہجتي وغایۃ منای لا لا تظن انی بلحظۃ
نسیٲک طیفک سکن فی خافق الروح بقصای متع جنابک
دام ہالصدر بیٲک

احبج

اعشقج

اموت علیج

تصبحین علی خیر یا قلب عزیز.

نرجع لہدیل ومنی

اتصلت ہدیل علی منی: اہی اہی الووہ.

منى: يا لبي لبي ها الصوت وراعيته فديت ام يابتج.

هديل وبشهاقات عورت قلب منى: يبون يزوجوني.

منى بصدمة: نعم ؟؟؟

هديل وهي تصيح : حمودي ابيك ما اقدر اقعد في البيت دقيقه
وحده احس اني بموت من الخنقه..

منى: خلاص جهزي ملابسج حق يومين عشان تباتين عندي..

هديل تصيح.....

منى : حبيبتي لا تعورين قلبي اكثر من كذا والله لو على قطع
رقبتي ما حد يلمس شعره منج دامنني حي وراسي يشم الهواء يا
هديل انج ما تاخذينه.

هديل وبفخر: فديتك.

بعد يوم من سفر جاسم

في ودينها ترتجف ومسكره على روحها باب غرفتها وحاطه
جدامها الظرف وكل ما قالت بتفتحه تحس بخوف واختناق بس
بعد تردد فتحت الظرف

ولقت كذا ورقه بدت بورقه مكتوب عليها رقم 1 فتحتها ولقت فيها
تعليمات انها تنفذ الي مكتوب والشرح بيشرحه بعد ما يتصل فيها
يوم الجمعة الجايه الساعه خمس

والظرف الي مكتوب عليه بشاير يسلم ليد بشاير اليوم قبل بكره
وبقولج ليش في يومها

والورقه الثالثه كانت ورقه طلاقها واهتزت الورقه وطاحت من
يدها

في : ليش ومن طلب منه هذا الشي اه يا جاسم من عرفتك وانت
ملعوزني ومشكلني شقول لهلي وليش تطلقت بس مراح اقول لحد
لين يتصل فيني ويشرح بس شسالفه رسالته لبشاير يله كم يوم
وبعرف اه يا ويلي عطاني حريتي بس ليش انا مهب فرحانه ليه
!!!

واخذت الاوراق وخبثهم وطلبت من نور تتصل في بشاير وتعزمها
ونور مستغربه طلب في بس نفذت الي تبينه وبعد نص ساعه
جاتهم بشاير وهي كلها فضول تبي تعرف نور شتبي منها
وغمزت في لنور تطلع تجيب عصير وطلعت وهي تقول معليه يا
فيوه بتعلميني بعدين

جات في وسلمت على بشاير وبعد السلامات ..

في : بشاير انا عندي امانه لج ولا ابي اعرف ليش وشحقه
بمجرد ما اعطيح الي عندي انسي ها الموضوع واذا شفتيني

بعدين رجاء لا تناقشيني فيه.

بشاير : شسالفتهج في ماني فاهمه شي ؟

في طلعت ظرف وحطته في شنة بشاير مباشرة قبل لا تجي نور

في : هذا من جاسم اقرية بروح وشكل ما قلت لج انسي اني
عطيتج اياه بيدي طبعا انتي عارفه ليش!!.

بشاير وهي متفشله: مدري شقولج.

في : لا تقولين شي يله اخليج مع نور بروح لهلي شوي ولا
تقولين لنور شي.

وطلعت وبشاير بتموت من تصرف في البارد ومن فضولها جاسم
شكاتب لها وليه مطرشه مه زوجته شذا التصرف الغريب.

نرجع لهديل ومنى

فتحت منى باب الشقه الي حجزها ابوها لها بحكم انها تدرس في
معهد لمدة سنتين بدل الجامعه وبالويك اند تروح لاهلها ..

منى وهي ماسكه هديل: تعالي يا قلبي وخذت الشنطه من يد هديل
وحطتها على الارض وحضنتها وقعدت تبوس فيها و..... و

.....

منى: بنتم هني يومين لين ما تهدين يا عمري

هديل: دامنني معاك ما راح احاتي شي.

منى: يا روعي انتي بس هاللى خلىنا نتفق

اسحبت هديل من يدها وقعدتها في حضنها .. وقامت هديل وحطت
يدها وراء رقبة منى

هديل: وشو الاتفاق؟.

منى وهي تحك شعرها : انتي تطبخين وانا اكل هههههه.

هديل وهي تبوس بين حواجب منى : ابشر حبيبي...

منى وهي توخر شوي عن هديل وحطت يدها على حواجب هديل
: شنوا هذا؟

هديل: شنو؟؟

منى: ما بي ها الزعل مره ثانيه على ها الفيس تفهمين ولا .. لا!

هديل بدلع وقامت من حضن منى: واذا ما بي افهم يعني شبيصير
؟؟؟؟.

منى وهي تمسك هديل من خصرها وتلفها صوبها وتسندها

في وكان باين على في التعب : لا بس كنت نايمه والحين هذا انا
عندج.

العمه: في يمه فيج شي ولا خلاص كبر راسج علي بعد ما
تزوجتي وما تبين تحطين راسج على صدري وتقولين لي كل الي
يضايقج مثل اول.

في وكانت بتنهار من محاتاتها لجاسم : لا والله عموه لا كبر
راسي ولا شي بس انا تعبانه صج بس ما اقدر اقول لحد شي
لاني مامنه.

العمه : اه يا جاسم والله وعرفت تختار الي تحط سرك عنده اه يا
بنتي اذا ولدي فيه شي قولي لا تخليني احاتي

في : لا عموه ما فيه الا العافيه بس فيني شي وببي يوم وبقولج
بس الحين خليني واول ما احس اني ابي افضفض انتي اول وحده
ببي اقول لها.

العمه : على راحتج غناتي انتي عارفه بمعزتج وغلاتج ولا

تتسين قبل وما تزوجين ولدي كنا ربع وما زلنا ولا تستحين
وتحطين حواجز بينا.

في : اوكي عموه.....

نروح للشواذ هدول ومنى

هديل: ترتب الغرفه وهي متمله لان منى طلعت للمعهد وما باقي
على وصولها شي فقررت تفتح النت وتطلع وطلع لها طبخه
وتطبخها لغدا اليوم .. وبعد ما جهزت كل شي راحت تتسبح

.....

منى توها واصله وكانت تعبانه مثل كل مره: هدول .. هدول

.....

منى: هدوول

هديل بعد ما سمعت : اوه حمود جاء وانا ما خلصت

هديل وهي تطلع نص جسمها : هلا حبيبي.

منى:

هديل : حمود انا اتسبح حموود !!

(وهي تلف الفوطه على جسمها) وطلعت الا منى تحضنها من
وراء)

منى: يا حبي لج فديت المره الي طبخت لزوجها.

هديل وهي متخرعه: حمود خر عتني صار لي ساعه وانا اناديك
وما ترد علي.

منى: لو جاوبتج كان مطلعتي جذي (ومدت يدها تبي تسحب
الفوطه)

هديل : لا لا لا حمود يلا روح شوي وبطلع لك.

منى: هدوول تعالي تغدي معاي يلا.

هديل: وانا كذا لا لا .روح بس البس وايك.

منى: حلا لا لا تج.

هديل بدلع: حمموووووووووود

منى الي ذابت من الصوت والشكل : آاه طيب يلا الله يصبرني.

كانت في منسدحه في غرفتها وع الساعه ثنتين الفجر

جاها مسج من جاسم انه بيتصل بعد شوي وعرف بنفسه وكلها
دقايق ورن التليفون وشالته وهي ترتجف.

في: هلا جاسم وينك طولت علي انا من الساعة خمس وانا
انتظرك.

جاسم وصوته تعبان: اعذريني تغير الجو اتعبنى انتي اشلونج
وشخبار امي.؟؟

في: كلنا بخير بس قللي انت ليش طلقنتي ايش سويت احمل لقب
مطلقه.!!

جاسم: يعني يعجبج زوجة مزور وهارب.

في: لا بس شاورني حطني بالصوره.

جاسم: الله يخليج لا تعورين قلبي يعني انا ما بي امشكلج كثر ما
مشكلتج وودي اسوي لج شي عدل مره وحده في حياتي.

في: طمني عليك شمسوي وانت وين ومتى بترد.

جاسم: اهدي شوي علي انا بخير وانتقل من مكان لثاني وما اقدر
اقولج وين اما عن الرده انسيها وان رديت مراح تتشرفين لا انتي
ولا باقي هلي بردتي.

في: اه يا جاسم ياليتك ما سويت الي سويته تاكل فلوس الناس
وتزور في شهادات وفي الاخير مطلوب للانتربول عبالك السالفه
بتمر كذا لا والله مبي اتخيل النهايه.

جاسم: نهايتي قشرا الي يخون الامانه ويلعب باعراض الناس
ويزور شبيكون نهايته بس الندم الحين ما بيفيدني المهم عطيتي
بشاير الظرف.

في: ايه واذا ممكن اعرف انت من وين تعرف بشاير.

جاسم : اه يا في لا تعذبيني زود ذا الموضوع طويل وبتكرهيني
عمرج كله لو عرفتني انا ليش عرفتها.

في: ولو عطيتك الامان وعد اني مزعل ولا اكرهك شتقول.

جاسم : صعب في انتي متدرين شسويت معها فيج.

في: معليه قولي الله يخليك انا حاسه ان فيه شي يخصني وايد ولا معرفتك ببشاير ولا غيرها ما تهمني وكم مره قلت لك خذ راحتك وسو الي تبيه حتى لو تتزوج ولا تتعرف.

جاسم: اوكي وذنيج على جنبج وانتي الي طلبتي بس ببشاير ما لها خص انا استخدمتها لمصلحتي وشرح لها شلون صور ببشاير بدون متدري وان الصور الي هي شافتها لفهد مع وحده هاذي ببشاير معه.

في: ليه ليه وكانت تصارخ لدرجه ان جاسم ابعد التليفون عن اذنه : حرام عليك شنو انت شيطان ولا يهودي ميكفيك الي سويته في العالم جيت بدمارك لا سرتك وتمت تصارخ وتبكي.

جاسم: اسمعي في انا قلت لج بتتصدمين بس قلتي معليه يستحمل خليني اقولج لان بعدها المكالمه تخلصي من الشريحه كسريها بعد كم يوم بيجونكم محققين ولا شي انكري معرفتج باي شي عشان مبيهم يجرحونج وكل يوم والثاني يسالونج وانا نظفت غرفتي حتى لو جوا وراح يلقون شي وصورتي مع ببشاير تخلصت منها وحتى صور فهد بعد حرقتهم وعلاقتي ببشاير كانت سطحيه ولا عمري فكرت فيها ولا في غيرها صج رحت مع بنات ولعبت ونمت بعد بس حب لا لا محد ملك قلبي الاسود غيرج.

في : اسكت خلاص مابي اسمع منك شي ما جاني كفاني اهئ اهئ

.

جاسم: لا لازم تسمعين حطي بالج من امي واطلبي من عبدالعزيز
يسكن معها لما يتزوج نور امانه امنتج اياها بسالغ عنها يوم
الدين خلي عبد العزيز ينفذ ها الطلب لامي لان البيت بيخلا عليها
انتي وبتردين لبيت ابوج وانا الله العالم مالي الا نهايتين يا السجن
المؤبد يا الاعدام ونور لما تتزوج بتتبع زوجها فا طلبي منه ذا
الطلب اذا تحبين امي لا تخلونها كل حياتها فرقا وموت ابوي
ومات عنها وهي صغيره وشقت بتربיתי انا واختي فالنهايه
أكافئها اه لو الزمان يرد والله لا عوض امي ولا اتعرض لج .

في وصوتها منتهي : الحين اقول لهم انك طلقنتي ولا شلون .

جاسم ايه وكل ما استعجلتي يكون احسن عشان وقت التحقيق ما
يدققون معاج وايد وسامحيني وحليني الله يرضى عليج امي
بتسامحني لانها ام بس انتي ما ابيج تكرهيني وسامحيني وصاح
في التليفون وسكر التليفون وهو يبكي بكاء يقطع القلب امه
واخته وحب عمره الي ضاع ويبكي على السمعه الي بيخلفها
لاصقه في هله الله يستر من الجاي .

يوم السبت العصر

طلبت في من عايلتها انهم يتجمعون كلهم دون استثناء تبي تقول
لهم شي ضروري

البارحه ما نامت طول الليل تفكر شبتقول لهم ولكن ما طال
تفكيرها

جاها مسج اخر من جاسم يقول فيه

(في جمعهم في اقرب فرصه وقولي لهم اني طلقتج لمصلحتج
وقولي لهم عن مشاكلي وحاولي تخففين من مساوي

عشان مشاعر امي واختي ولا الرجال الباقيين بيعرفون كل شي
من خلال التحقيقات ارجوك سامحيني للمره الاخيره اطلبها منج
ولا تنسين طلبي الي طلبته منج بالنسبه لسكن عبد العزيز مع
امي وها الله ها الله في حالج وديري بالج على امي اما نور فما
عليها خوف دامها في عصمة عزيز ودمتي ويحفظك ربح
ويسعدج).

وبعد صلاة العشاء

جات العايله كلها لببيت ام جاسم والكل يتسأل في شتبي لكنهم
خلونا نشوف بنيتنا شتبي.

العمه كانت حاسه ان فيهشي وحاولت تعرف قبل الكل مثل ما
وعدتها في انها اول ما تحب تتكلم راح تكلمها بس في مهي في
حاله انها تفكر في حد معين قالت بقول لهم وبخلص من
المسؤوليه والامانه الي انحطت في رقبتي.

بعد وصول الكل بربع ساعه

جاتهم في وسلمت عليهم وقعدت جنب يدها وكانت في يدها كذا
ورقه.

الجدہ: ہلا بفیونہ اشلونج یمہ؟؟

فی وصوتہا متغیر من کثر الصیاح : بخیر یعلج بخیر

وتمت ساکتہ قام ابوہا قعد جنبہا وقال لہا : خیر یا بنتی طالبتنا
کلنا عسی ما شر یا بوج؟؟.

فی رفعت راسہا وطالعتہم واحد واحد کانت عیونہم معلقہ فیہا
وتوہا بتتکلم التفتت لفہد شافتہ مدنع یلعب فی جوالہ یا رب
ساعدنی ظلمناک یا فہد

تکلمت حاولت اول الامر تبسط الموضوع لكنها قالت لهم عن
مشاکل جاسم المالیه وانه مطلوب وعشان کذا هو شرد علشان ما
یسبب لهم مشاکل .؟

التفت علیہا فہد وقبل ما یقول شی قطت قنبلتہا الثانیہ: وابی
اقول لکم انه طلقني قبل لا یسافر...

وسمعت هممه

بس هي سكتتهم باشاره من يدها .. انا ما كنت ادري انه مطلقني
الا البارحه اتصل فيني وشرح لي كل شي وطلب طلبين واحد
يخص عبد العزيز والثاني لفهد وكل واحد بقوله الطلب الي يخصه
كل على حده وبروحه.

وامني امانه وحطها في رقبتني اني اخذ بالي من عموه وهنيه
صوتها خانها وانبح بس هي كملت لانها عارفه لو ما كملت الحين
مراح تقدر بعدين : وطلب ان عرس نور وعبد العزيز يتم بعد
العيد وبا لتحديد سابع العيد يوم عيد ميلاد اخته نور ووكلني قدام
الله اني اوصيكم انكم تسامحونه وبالذات انتي عموه ويا فهد ..

وتوها بتكمل الا فهد: اشلون اشرحي زياده شلون كل ذا يصير
واحنا ما ندري ??

في وهي تطالعه .. انا مثلكم بعد تليفون البارحه الي قعد معاي

ساعتين وطلب كذا طلب وهذا انا قلت لكم اللهم فاشهد وبالنسبه
لعبد العزيز بقولك طلبه بعدين اما فهد فبقوله بوجود عموه بس
والحين اسمحوا لي

توها بتروح مسكها ابوها وقعدها في حضنه ومسح على شعرها
لحد ما نهارت وصاحت صياح عمرها ما صاحته قبل

اما ام جاسم فكانت حالتها احسن منهم لانها كانت شاكه في ولدها
من كثرة سفراته ولما يجيهم في الاجازات ما كان يرتاح وكله
تجيه تليفونات وكذا مره سمعته يهدد ويتوعد ... وقفت ام جاسم
وخذت في المنهاره في حضنها وطبطبت عليها وحببت راسها
وقالت لها

ام جاسم : انا اشهد انك يا خوي ويا منيره عرفتوا تربون اما انا
فما عرفت اربي ولدي بنتك يا اخوي عن مية رجال عفيه عليج
وجعل عيني ما تبكيج وبالنسبه لطلاق من ولدي هذا احلي خبر
سمعته في القعهده ها الليله كلنا يا في عارفين ان زواج من
ولدي فيه سر وسر كبير وانا متاكده انج مقلتيه..

في: هذا السر بقوله لج انتي وفهد بس هو طلب مني ذا الشي انا

الحين مقدر اقول بكره بجيج بعد صلاة المغرب وانت فهد كون
حاضر عشان ابري ذمتي.

العمه شنو يعني بتجيني بكره منتي بعاشه معاي.

عبد الله: اه يا قوت وين تبينها تقعد عندج وهي خلاص تطلقت
من ولدج.

قوت: عبد الله طلبتك بس كم يوم خلها عندي ابيها في حضني.

في: عموه انتي ما تطلبين انت تامرین امر وطالعت ابوها تبیه
ياكد كلامها.

عبد الله: خلاص لما تجتمعون انتوا الثنتين قلبي ما يقدر يردكم.

الجدہ: اقول عبید قلبك كم وحده محلته غيري وغير منورتي
وقوت وفيونه.

عبد الله رفع راسه وطالع نور لأول مره من دش وهي تبكي
بصمت ولا حد دري عنها.

قال : فيه وحده جديده دخلت هنيه واشر على قلبه

قامت ام ثامر تخزه بنظرات ناريه.

عبد الله وهو يضحك ويفتح يديه لنور عشان يحضنها ويحسسها
انها مهيب وحيده ونور المسكينه ما صدقت خبر قامت تركض
وسيده لصدر عمها وكانت تبكي بصوت واطي على فرقا اخوها
الي متهنت فيه

وقام خالها يمسح على شعرها ويضحك لها : حبيبتي نور انتي
من زمان متعوده على عدم وجوده يعني اعتبريه مسافر وبعدين
تعالى هنيه كلها شهر وبتزوجين.

نور: من يقول شهر انا مبى اخلي امي ولا اعرس من الحين
عادني صغيره واحنا متفقين الزواج بعد تخرجي.

قام ابو فهد وجا وخذ نور وقعدها جنبه اسمعي من بعد اذنج يا
قوت بنعجل بالزواج وعلى طلب اخوها احنا ما جبنا شي من
عندنا ويكون عبد العزيز رجلكم.

في: عبد العزيز جاسم طلب مني طلب وحلفني بحبك لي انك
تعيش مع عموه عشان ما تكون بروحها شرايك عبد العزيز: وهذا
هو طلب جاسم الي طلبه مني لك ؟

قوت: مدري ليش احس اني ماني بشايفه ولدي ليه كل ها
الوصايا .؟؟

ام ماجد: اذكري ربك يا بنتي كلنا معاج واذا تبيني ابي واقعد
عندج ما عندي مانع.

عبد العزيز: لا يدوه خليج عند ولدج انا بنفذ الي قاله جاسم
واصلا يكون لي الشرف اني اعيش عند اقلي عمه ونخلي العرس
عقب العيد واذا تحاتين درستج يا نور انا بساعدج واوعدج
قدامهم اني اكون لج حافظ ولا اخرج عن درستج.

ام فهد: صدق يا بنتي يا نور وحتى لما ربي يكتب لكم الخلفه
الصالحه من بتلقين احسن من امج يحط باله على عيالج لما

تكونين في جامعج كانوا كلهم يسولفون ولا دروا عن فهد وش
صار له من سمع ان في تطلقت.

هيه فهد وينك رد يا اخوي كل ذا تفكير شتفكر فيه .؟؟

فهد انتبه على صراخ خالد : اوه وانت يا علة بيتنا متى بتفارق
عشان ارتاح من وجهك.

عبد العزيز : ليه ان شاء الله بس ما اكون عله وانزاحت من
دربك.

فهد: حشى والله ياليت كل الشباب مثلك بس.

خالد: الله انا قذا وغلط بس ثق يا فهد اني بقعد لك دوم مهب يوم
وبعدين تراك شيبب الحق روحك ترى قطارك فات وصفر.

فهد وهو يطالع في الي حاطه راسها على كتف يدها وتسولف
لها بصوت واطي اه يا ترى ممكن يكون لي امل معاج اوف

استخفيت توها مطلقه امس وانا اليوم افكر فيها يا ذا الليل .

قام فهد وتوه بيستانن التفت على عمته : بكره بيبي بعد المغرب
ونشوف ش مطلوب جاسم مني.

وبدون ما يلتفت على في : يله تصبحون على خير..

وراحوا الكل وظلت في ونور والعمه يتناجين ويتفكرن في
مصائبهن وفراق جاسم عنهن.

في جو ثاني بعيد عن ارض قطر في المغرب بالذات

كان الانتر بول القطري يبحث عن جاسم وكان معهم صورته من
ضمن المطلوبين القبض عليهم بتهمة جرائم تزوير جنائيه وفي
احدى الدول الافريقيه (المغرب) كانت محطة جاسم ولا خطر
على باله انه راح ينمسك ولكن كان التنسيق مع البلدان واعضاء
الانتر بول اسرع وكانت الشبكة مكونه من 188 عضوا وكانت

الدوحة سريعه في تحركها في هذي القضية كان عامل جوهري ومميز وتم القبض على جاسم وكانوا مراقبين تحركاته من طلع من الدوحة ولما تم القبض عليه سلموه للانتر بول اللبناني وسوف تتم محاكمته في لبنان بمشاركة الدوحة.

بعد يومين من القبض على جاسم تم ابلاغ هله بما جرى له وحضروا عمامه ولما عرفوا قصته سافروا له وحاولوا انهم يساعدونه بكل ما استطاعوا بس هذه اعراف بلد ولا تجوز فيها الحلول الوسط والوديه.

اما حالة امه رديه والكل جاها وازرها

وصار تحقيق في القضية ..مع الكل وابحثوا في موارد اهله المقربين الماليه ولقوها عاديه ولا فيها شي يدع مجالا للشك وهنا عرفت في ان جاسم فكر في مصلحتها لما طلقها وكلهم اثنوا على موقفه النبيل وتمنوا له السلامه من الي فيه

قبل هذا الحدث بيومين

اما عن موعد فهد مع عمته وفي عشان يعرف شل المطلوب منه
فراح وقعد مع عمته وجات في

وهي خجلانه من الي بتقوله له وبعد سكوت قالت لامه الحقيقه
المجرده عن مرض ابوها وشلون حط واحد من ربعه نصاب في
درب ابوي وشرحت انها ما كان في يدها شي الا الزواج من
جاسم.

فهد: وانا ما فكرتي فيني وين رحت من حساباتج.

في: اه يا فهد لو تدري شسوي عشان اقتنع انك خاين ولا حافظت
على حبي.

فهد: شلون ؟ !

وقالت له عن الصور المفبركه وكنها واقعيه بس ما قالت لهم انها
بشاير وجاسم.

فهد: ليه ليه وانتى شلون صدقتى فينى خليه هو وغيره كيفهم
انتى ليه تصدقين ؟

فى : ما كان قدامى الا اصدق والله لو تشوفهم انت بتصدق اكثر
منى اقولك بلغ فى التزوير القمه.

العمه: اه ذبحتينى يا فى.

فى: لا عموه سامحينى والله مهب قصدي بس كان قدامى ثلاث
حقايق خيانه فهد واحتياج ابوي للفلوس عشان يسد فلوس
الشركه ومرض ابوي (القلب) وخوفي عليه من أي تاثير خلانى
ما اميز.

فهد: وعلى طول وافقتى تدرين لو جيتينى وشرحتى لى كان
بوقف معاج وبنحل امورنا كلنا بس استعجلتى وحكمتى على
تعرفين ليه حكمتى على بسرعه لانج محبتينى ولا عمرج عرفتى
الحب.

في: لا تقول اني ما حبيتك حرام عليك انت ما كنت مكاني ولا
تنسى اني مره مهذب رجال تصرفت بعاطفتي.

فهد: واضح.

العمه: خلاص يا عيال ترى والله معاد استحمل والله تعبتي الي
صار صار ومنقدر نرجع الماضي ولدي وبيتم طول عمره
محبوس في دوله غير دولته على الاقل لو كان هنيه كان قدرنا
نزوره.

على العموم يا عيالي خلاص خلونا نشوف حياتنا حاولنا نطلعه
من الي فيه مقدرنا بس يا فهد حاول تطلع لي كرت زياره طالبتك
يا الغالي اذا تقدر ابي اشوفه.

فهد : ان شاء الله عمتي ولا يهجم والحين اركضوا لي بروح.

في: على فكره فهد انا خلاص ماني بداومه في الشركه.

فهد وهو يطالع عمته ويقول لها بعيونه صدق ظنج : ليه؟؟

في: انا كنت شاكة ان حد تلاعب في فلوس ابوي وطلع صدق
وجاسم عطاني الادله على ابوي ما سوى شي غلط .. خلاص
اصلا ما كان من طموحي اني اداوم في شركتنا وانت عارف
والحمد لله اني ما توظفت رسمي وبكذا تكون ارتحت من شوفتي
كل يوم وشكرا على وقوفك معاي

وقامت راحت وهي شبه منهاره من نظرة فهد لها

يا ترى شتظنون بيصير مع فهد وفي وخصوصا انها صارت حره

انتظر ردودكم علي ،، تابعوني

..._--*™£ البارت التاسع £™*_--_...

في شقة منى

هديل الي كانت حاطه راسها في حضن منى وتلعب بشعرها

هديل: اففففف هذا التليفون مهب راضي يسكت.

منى: سكريه يا عمري.

هديل: طيب <..... وسكرته >>

منى: هلج ليش جدي مزعجين انا كلمت بشاير وقلت لها انج
بتامين عندي لى باجر ولىش هالتليفونات؟؟

هديل: وهي تحضن منى .. خلهم عنك حبيبي اهم شي اني معاك.

منى: باجر بروح بيت هلي وبقعد عندهم وانتي لازم تردين بيت هلع.

هديل مسويه نفسها زعلانه: مووبي اروح.

منى الي تحب هديل لما تزعل وهي تقرب تبوسها : يا حبيبتي لازم اروح لهلي وانتي بعد واليوم لازم يكون اسبشل صح ؟!

هديل ومسويه نفسها مو فاهمه : موودري ؟

منى وهي تقرب صوب رقبتها وتبوسها وبصوت واطي : من الي يدري.

هديل الي ذاااابت : هاه أي انا ادري صح صح كلامك .

في بيت العمه ام جاسم

العمه وهي تكلم في وعبد العزيز ونور : شوفوا يا عيال لازم بعد
ما ارجع من زيارة جاسم

(طلع لها فهد تصريح زياره قصيره وبطلوع الروح لان الي
عليهم قضايا مثل قضية جاسم مهب مسموح لهم الزياره الحين)

نرتب اموركم " تقصد زواج عبد العزيز ونور "

نور وهي تطالع عبد العزيز : لازم يعني العرس يكون بعد العيد
خلوه بعد سنه اكون تهيات شوي.

عبد العزيز وهو يعرض على شفايفه : اقول خليفها بعد اربع سنين
يكون احسن.

في : اوه معرسنا عصب لا .. لا ولا يهكم انا بجهزها لك في
خلال اسبوعين ولا يهكم كله ولا زعلك.

العمه : الله يخليج يا حبيبتي والله انج بنتي صدق من يوم سالفه
جاسم وانتي قاعده عندي ولا تروحين لبيت هلع

في: هلي كل يوم عندهم وبعدين هم مشغولين ببعضهم—

نور : شنو مشغولين يعني شنو.

في: يعني يدوه وابوي وامي عايشين حب ومغازل في بعضهم
واخواني في دراستهم ولا العايبهم ولا طلعات مع ابوي وربعمهم
فانا العزول الي بتكون بينهم فقلت اقعد عند ناس تحبني
وتحتاجني وتبيني.

العمه: اقول في تعالي ابيج شوي .. عزوز خلك عاقل لا تلعوز
بنتي ولا ما فيه عرس بعد العيد.

طلعت العمه مع في الي غمرت لعبدالعزيز انه ياخذ راحته.

نور: عزيز تشرب شي تامر على شي.

عبد العزيز: وانت من تشوفيني كله تبين تشربيني مابي واياه امر

على انج تجيين تقعين جنبي.

نور حطت نفسها ما سمعته وتمت مكانها.

عبد العزيز قام وقعد على نفس الكنبه ومسك يدينها وقعد يلعب
بالدبله وكل شوي وباس اصابعها وهي مولعه منه ومن تصرفاته

نور: اقول عزيز معاد ابيك تجيني في الجامعه.

عزيز: ليه ان شاء الله.

نور: ذاك اليوم الي عزممتني فيه ع الغدا وجيتني تاخذني اليوم
الثاني البنات لعوزوني كل شوي يسالوني عنك وانا ودي اخنقهم
من القهر.

عبد العزيز: ليه عادي خليه يعبرون عن مشاعرهم.

نور: ليه انت متعود على اعجاب البنات بك وتعطينهن ويه؟

عزيز: شرايح انتي تخبريني جري ء ومستحي يعني.

نور: والله من واقع تجربتي معاك فانت جري ء.

عبد العزيز وهو يقرب منها وبصوت واطي: لانج حبيبتي
وزوجتي وحلالي قد خبرتيني قبل ما املك عليج تطاولت عليج
بكلمه.

نور: بكلمه لا بس بنظره.

عبد العزيز: حرام عليج بعد بتحرمين علي شوفتج اوكي لعوزيني
على كيفج كلها اقل من شهر بتكونين كلج لي وبشوف شببتسوين

نور وهي ترتجف وحس عبد العزيز برجفتها قام خضنها يبي
يحسسها بحنانه: الله عليج لا تخافين يا قلبي مني والله انج في
عيوني.

نور: الله لا يخليني منك اقول خاطري اذوقك كيكة مسويتها
مخصوص لك تعال معاي المطبخ اذا خايف تقعد في الصاله
بروحك.

عبد العزيز: ما طلبتي شي يله قومي

وراحت المطبخ وقصت له تبي تسمع رايه وقعد ياكل قطعه وراء

قطعه ولا قال لها رايه .

نور: عزوز اشوف الكيكه خلصت ولا عطيتني رايك .

عزيز: رأيي قدامج كلتها يعني حلوه وخذ اصابع نور وحبها
وشاف على صبعها كريمه ومصه وخلا صبعها في ثمه .

نور: واي عزوز فك صبعي حرام عليك عورت صبعي

وهي تبني تشرد منه معاد تقدر تستحمل بس هو ولا عبرها

وشافت على طرف شفایفه قطعه صغيره من الكيك ومرت يدها
وخذتها وكلتها .. هنيه عزيز دفاعاته انهارت شلها من خصرها

وقعد يدور بها وهي تصرخ عليه ينزلها والخدامه تصفق لهم
مستانسه على حركاتهم.

نروح نشوف احوال باقي ابطالنا

ابو وام فهد عايشين عادي وفرحين بقرب زفاف ولدهم وخالد
عاده على عادته من شغله الي كله انضباط والتزام وبعد الدوام
تمشي مع ربه ومغازل بس مغازلهم على خفيف عمرهم ما ادوا
احد ولا فضحوه.

فهد: من شغله لبيتهم وتفكيره الدائم بفي وليس هي شكت فيه
ومن ذاك اليوم الي واجهتهم فيه في معاد شافها كله يتحاشاها
ميبى يعذب نفسه بشوقتها واذا اشتاق لعمته طلبها تجيه في
المجلس.

عائلة عبد الله كما هي من زين الي ازين والجده مستانسه على
عرس احفادها مفصله لها جلابيتين غاليات وحده للعيد والثانيه
للعرس ومبرزه هديه المعاريس من الحين.

رغد مهب سايعتها الفرحة ومن قدها اخوها الغالي بطل الرالي
بياخذ صديقتها وحبيبته وبصير عندهم فرح في بيتهم.

في يوم كان عبد العزيز ما خذ نور واخته رغد وراحين يتقضون
لهم كم غرض للعيد ومنها يكملون تجهيز نور قبل ما يداركهم
الوقت

وداهم عزيز فيلا جيو وخلاهم على راحتهم وهوراح ستار بوكس

وخذله كابتشينو وقعد يتقهاوا الا بدخلة نايف عليه وهات يا
سلامات وقعدوا يتقهاون وقبل وصول رغد ونور لعبد العزيز الا

كذا بنت شافوا

عبدالعزيز ومساعدته نايف وعرفوه وراحوا له وهات يا كلمات
وتصوير بجوالاتهم وكل ذا تحت عيون نور الي ميته قهر تقدمت
رغد منهم طبعا مثلثمه هي و نور وجات صوب اخوها تبي تحذره
بس هو ما شاء الله عليه حركاته مضبوطة ولا غلط بشي بس
البنات فيه وحده صايعة تتلرق في عزيز

البنت: اخوي ممكن اصور معاك.

عبد العزيز: سوري مقدر اصور مع بنات.

البنت : ليه خايف ناكلك ههههههه.

نايف وهو يناظر رغد ميدري ليش اجذبتة اكثر من الي جنبها (نور) لو سمحتوا بنات صورتوه بجوالاتكم توقيع وقع لكم شتبون اكثر؟؟

البنات وشفيتها لو صور معنا هذا مشهور ومن حقنا عليه لما نطلب منه التصوير ما يرفض.

نايف: اوكي بس فيه تقاليد ومجتمع ما يرحم واخونا عبد العزيز مرتبط وميبي تظهر عليه اشاعات هو بغنى عنها.

البنات : شنو مرتبط ومتى صار ها الشي واذا انزين شفيتها زوجته في البيت ومعجباته برا.

عبد العزيز: اختي ترى كبرتوا الموضوع خلاص انتهى يله مع السلامه.

البنت الجريئه: اقول عزوزي ممكن توقع على يدي .

وهنيه تقدمت منهم رغد وهي تضرب الارض برجلها بقووه "
وهذي حركة رغد ماتقدر تسيطر على انفعلاتها "

وقالت لها : استحي على ويهج واقلبيه ترى الي تسواج وتسوى
هلج قاعده تنطرج تخلصين عشان تكلم زوجها تبي تاخذ رايه في
شراء غرض يخص عرسهم الي انتي وشلتج معزومه عليه بعد
العيد.

نايف شاق الحلق على جرة ها البنت الي غرف من طريقة حكيها
انها اخت عبد العزيز ولا قريبته والثانيه زوجة عبد العزيز .

البنت: وانتى من تكونين سكرتيرته مثلا ؟؟

هنيه تقدمت نور: لا يا قلبي تاج راسج اخته وانا زوجته
وسكرتيرته واذا بغيتي شي منه لازم تمرين علي عشان احدد لج
موعد.

عبد العزيز شاف الموضوع طول وتشعب والناس ابتدوا ينتبهون
لهم: خلاص بنات فرصه سعيدة وكل عام وانتوا بخير مع ان العيد
بعد اسبوع

وراحوا البنات الي تضحك والي اتحنطم والي فرحانه انها صورت
بطل الرالي المشهور الوسيم.

اما عبد العزيز فأستأذن من نايف وعزمه يتقهورى عندهم بكرة
العصر يبي يشاوره عن موضوع مهم وافق نايف وهو يطالع رغد
من تحت لتحت وهي شافته وعجبتها طريقه حكيه مع البنات.

طلع عبد العزيز هو ونور ورغد وراحوا لسيارتهم وركبوا وقعدوا

يضحكون على قلة ادب البنات.

نور: لعنوا ما بقى الا يضمنك ويحطن خدهن على خدك.

عبد العزيز وهو يمسك يدها .. هي راكبه معاه قدام : محد
بضامني ويحط خده على خدي غيرج يا نور عيني ونور حياتي.

رغد: هيه انتوا استحوا على وجوهكم ترى بتخربوني.

عبد العزيز وهو يطالعها في المنظره: اقول حظي نفسج نايمه ولا
اسمعي اغنيه من جوالج وخليني مع حرمي والله اني متوله عليها

رغد: لعنوا غيرك البارحه متعشي عندهم واليوم من العصر لين
الحين معاك شنو ما تشبع انت.

عبد العزيز: لا والله يا رغدوه ما شبت منها ولا اظنتي بشبع
اقول نور مره سمعت الشاعر حمد البريدي (بو عبدالله) في
قصيده (بعد غيبه) يقول فيها:

مریت شار عکم صادفنی اخیک

والی قطع کبدی حالاتک حالاته

بغیت الخبط من دعاياه وادعیک

واسمک وقف بین اللسان ولهاته

بغیت اجیب العید واقول یرضیک

في الي وصاتي له وضع وصاته.

رغد: صح لسانك.

عبد العزيز: ومن قال .. هاه نور شرايح في ها الابيات الي قلتها لج.

نور: الي يسمعك يقول انك قايلها فيني.

عبد العزيز: يا مجنونه أي عاشق ينسب أي قصيده حلوه له
عشان يقولها لحبيبته على لسانه ومناسبه قولي كم ها البيت
الشعر انج تشبهين اخوج جاسم وكل ما اشتقت لشوفتج وانا
محروم منج قعدت اناظر جاسم واغبطه على شوفته لج.

وصلوا البيت

وكل راح في سنعه سافرت ام جاسم مع عبد العزيز في زيارة
سريعه وخاصه لجاسم وتمت عنده وتقطع قلبها على حالة ولدها
بس مخلته الا بعد ما وعدته انها في المره الثانيه تكون معها نور
ووصته على الصلاه ولا ييأس من رحمة ربه وهو وصاهم على
اعمارهم ووصى عبد العزيز على امه واخته.

عبد العزيز: لا توصى حريص يا اخوي والله انهن في عيوني وكل
عام وانت بخير وان شاء الله يفرج همك.

جاسم: همي يا ولد خالي هم كبير خلنا من ذا شلون في ؟

عزيز: بخير ومطرشه كثير السلام لك.

جاسم: سلمها ربي من كل شر وفهد شخباره ان شاء الله سامحني

.

عبد العزيز: والله فهد ذا الايام محد يشوفه كله مشغول في
الشركة وهو ترى الي راکض وجاب التصريح لنا.

جاسم: جابه لحبيبته عمته اما انا فعرف مراح يسامحني فالي
سويته فيه وفي في .. المهم شكل ما قلت لك ترفقوا في امي
واختي - ويله في حفظ الله.

في يوم العيد

الكل كان فرحان في هذا اليوم يوم عظيم والكل يهني ويبارك فيه
ونذبت الذبايح ووزعوها على الفقراء وبعد صلاة العيد تجمعوا
كلهم في بيت بو فهد كالعاده والكل بارك وهنى.

جات نور وسلمت وقعدت جنب عمها ماجد اما عبد العزيز الي
يعطيها اشاره عشان تروح للمطبخ ما فيه مجال الاخت مطنشته
وقاعده مع خالها قام طرش لها مسج :

في خافقي شوق وغرام

وفي نظرة عيوني كلام

تقولك كل عام وانت بخير

والعيد من غيرك ظلام

وكتب لها قومي احسن لج روي للمطبخ ابيج شوي يله

ويوم قرت نور المسج ضحكت عليه

وما طالعته ردت عليه بمسج:

انا ما ابي عيديه.. انا عيديتي وجودك جنبي.....

يا اللي ما مثلك احد.....

ما اقدر اقوم الكل موجود وبينتبهون لغيابنا وخلق ثقيل هههه

ورد عبد العزيز

معليه اذا ما اخرجتج بس صبري على.

ورد نور

تحمل ترى والله از عل منك.

عبد العزيز طنشها وقعد سوائف مع اخته شوي الاخالد جاي وهو
كاشخ وقعد يضحك ويتغش في الكل محد سلم منه.

في وهي منزويه جنب عمتها عارفه ان عمتها حزينه لفرقي
ولدها جاسم.

فهد: اقول يدتي فديت ها الكشخه كنج عروس تصدقين طالعه
احلى من البنات.

الجده: اقول اسكت مخبرك مجامل.

فهد: لا والله صادق.

الجده: اقول يا عيال وزعتوا اللحم على فقراء الفريج.

ابو فهد: ايه يمه لا تحاتين

منيره وهي تكلم بنتها : في يمه قومي صبي قهوة وانتي نور
وزعي الحلو.

قامن البنات يسون الي امرتهن به العمه.

في صبت القهوة ودارت بها ولما وصلت فهد اهتز الفنجان في
يدها وهي تطاله الفنجان وجات عينه في عينها.

فهد: عيدج مبارك شلونج .؟؟

في: عساك من عواده .. وخذت نفس وصدت عنه

فهد في خاطره : خاطري اصفقها على وجهها وبعدين اضمها
حيل اه من حبج يا في خاطري اتخلص منه ولا ولا ... ولا
ايش يا فهد شرب قهوته وخذ الحلو من يد نور وضحك
في وجهها

فهد: هلا بالعروس تصدقين نور محلوه بزياده وغمز لعبد العزيز

نور راحت عنه مستحيه وكملت توزيع الحلا ورغد جابت الدخون
وبعد السوالف اتفقوا ان السهره تكون في بيت عبد الله وحجزوا
خالد عشان يونسهم ويغني لهم.

خالد في خاطره اووف راحت علي الحفله الي في سوق واقف :
هاه متى بتخلص حفلتكم.

ابو فهد: ليه تسال عسى ما شر وليه مستعجل.

خالد: لا بس ربي حاجزين تذاكر في سوق واقف ع الساعه
(11.)

ام فهد: لا يمديك تطلع من عندنا وتروح اتونس مع ربك.

ابو فهد: محد مخرب ها الولد غيرج.

رغد: شفت بيه المفروض تدلعي انا لاني اخر العنقود بس لا
حياه لمن تنادي.

تفرقوا بعد الغدا كلن راح يستريح شوي.

فهد وهو يتقلب في سريريه يبي يريح شوي قام وخذ تليفونه
وبحث عن رقم في الي هو ما خذه لها من هي صغيره وعلى باله
انها تخلصت منه بعث للرقم مسج يبي يشوفه موجود

(انا لا هي معي كتابي لقيتك كلك اوراقي)

اشوي وتم التسليم .. استغرب !!!!! قام واتصل ورن بس محد
رد.

فهد معقول الرقم عاده عندها راح اتصل في عبد العزيز ورد عليه
وهو شبه نايم : هاه فهود والله تعبان شتبي.

فهد سوري بس بسالك سؤال بعدين رد نام على راحتك رقم في
هو نفسه الي انا جايبه لها يوم انها صغيره.

عبد العزيز: ايه شلي بيغيره يعني وانت تتصل لها عليه لين قبل
زواجها بشوي.

فهد: لا بس قلت يمكن غيرته.

عزيز: لا ما غيرته ويله خلني انام شوي تراني مصدع ومواصل
من امس.

فهد : مدري شنهايتي وياج وخط على وجهه الوساده عشان
يمسح صورتها من قداقه وبعد معاناه نام له شوي .

وتجمعت الاسرة اسرة الحمد في بيت عبد الله بعد صلاه العشاء

وتعشوا واسمروا ونعش الجو لهم خالد ودق ع العود اغانيهم
المفضله اول طلب كان طلب يدته الحبيبه

وطلبت اغنية هلابش لمطربها الابيض الحلو .. خالد وهو رافع
حاجب : اقول يدوه لا يكون مشتحنه فيه ولا تكلمينه من ورانا ولا
انتي شدراج بها الاغنيه توها نازله ولقطتها لعنبوه وشذا؟؟

الجده وهي رافعه العصي في وجهه : اقول غن احسن لك

خالد : من عيوني لا تحملي تخبطيني بعصاتج .. ياليل يا عين
شوي ودق الاغنيه واطربهم بها وقامت الجدّه تتمايل عند كل
شين؟؟ وتفدى الابيض المزيون وهم ميتين ضحك:

هلا بش حي من عاكس اتجاه الريح وجابش.....

هلا بش قد ما سوى الوله فيني بغيابش.....

علا مش يا بعد كلي عليه....

وما مش غير انا وانتني هنيه) الجده ترد عليه ياليت انا وهو(

تداري نظرتش ليه مستحيه.....

انا اش لي بعيدهم والعيد شوفش.....

الى جاد الهوى وسمحت ظروفش) الجدة: نخليها تسمع(

تخافي ليش ايش اسباب خوفش (الجدة: والله ما اخاف بس
خبرك كبرنا ومعاد نقدر نجيكم)

وها لحظة لنا والغيب لله.....

اخذيها ترى الباقي على الله (الجدة: والنعم بالله وعيدكم مبارك
).....

صفقوا لها الكل وضحكوا على تعليقاتها المضحكة بعد طلب عبد
العزیز اغنيه لماجد المهندس وارسلها مع بوسه لنور الي قاعده
تطالعه من اول ما دخل صاير يهبل مع كشخته غنى خالد لماجد
واجاد مع النغزات لاختوه وخطيبته وهو مره يضحك ومره يرفع
حواجبه لرغد ونور بمعنى معروفه السالفه:

انسى كل الناس خليني احضنك غمض عيونك
وانسى في حضني نفسك انسى عمرك وانسى عمري
..... امتزج بيا وصير عطري ليش وانا وياك احس بالوقت
يجري هاذي اول مره احس كلي عشق اه عطني فرصه
اتنفسك أخاف اختنق وياك انا تأكدت اني قبلك ما عشت
وعلى كل لحظه بدونك يا حبيبي تندمت .

وطلب فهد أغنيه لعبد المجيد " مرتاح " واهدائها لجده وهو
يطالع في

فهد وهو يكلم جده : لأنني عارف حجب لها المطرب طلبت هالاغنيه
ياريت ترقصين عليها فديت سيقانج الي عمري ماشفتها وكله
متسروله بالسراويل المدقوقة الي كلها زري ههههههه مدري
شلون ترقدين بها

الجده : لعنبو ويهك اجل تبيني ارقد مفسخه

واضحكوا عليها وغنى لهم خالد ..

مرتاح ولا يتصنع قلبك الراحه

شايل في خاطر كولا البال متهني

مجروح ولا شفى قلبك من جراحه

زعلان للحين والا راضيعني
شخبار قلبك عسى ما فارق افراحه
ادري جرحتك وشلت بخاطرك مني
خسران بعدك وقلبي ضاعت ارباحه
غلطان ادري وابي منك تسامحني
تدري عيوني بغيابك ما هيمرتاحه
تبكي على فراق طيفك وانت ذابحني
ياللي ذبحني غلا شكرا عليرماحه
اللي طعني بها وما يوم ريحني
جيتك من الشوق والاشواق ذباحه
اسالعيونك عسى للحين تذكرني
راضي بجرحك وانا ما اتصنع الراحه
تكفى عشاني ابي ترجعوتسمعني

و غنى خالد الاغنيه وهو يطالع في ويغمز لها ، ، ان الاغنيه من
فهد لها

واسمحوا لي يا شباب يا حلوين بروح لربعي الوقت ازف وطلع
وهو يضحك لهم.

استمرت نظرات فهد لفي وهي متدري شيببي منها ليش متصل
فيها وشقصده بالمسح اساله ولا اخليه لين هو يبدأ . ؟

اما عبد العزيز طلع مع نور يتمشون ويتعشون برا وهادي اخر
مره يطلعون مع بعض ومن عقب ذا الليل معاد به شوفه لان
عرسهم بعد ست ايام.

(في حفل سوق واقف)

تواعدت هديل ومنى يتقابلون في ها الحفل ويسهرون لين الصبح
مع بعض...

وكالعاده هديل بكامل كشختها ومنى بشكل المسترجله او مثل ما
يطلق عليها (البويه) وكانوا قاعدين على الكراسي ويستمعون
الاغاني وطربانين.

هديل: حبيبي انا بروح اعدل الغلوس وبرجع.

منى وهي تقوم : بروح معاج حبيبتي.

مرت وحده شدت انتباه منى وقعدت على الكرسي لا شعوري ..

هديل وهي تاخذ جوالها وشنطتها : يلا حبيبي .

منى: حبيبتي راسي يعورني شوي روعي ولا تطولين .

هديل: ان شاء الله وراحت ومرت على شلة شباب ومن ضمنهم
خالد قعدوا يصفرون وكل يقط كلمه وهديل ولا مهتمه لان جنس
الرجال ما يجذبها محد جاذبها غير منى .

تعرض لها واحد وقعد يتحرش فيها ويوم شاف ما فيه فايده قرب
منها ومد يده بالرقم يبي يحطه في يدها بس هي هزئته وهو ولا

على باله .. ويوم شافت الموقف زاد عن حده استنجدت بخالد ...

هديل : تكفى كف بلاه عني

التفت خالد عليها وابتسم وهو يسالها انتي تعرفيني!!.

هديل: لاااا بس قول حق هذا يبعد عني.

خالد التفت على رفيقه ناصر : اقول روح وبجيب لك علومها
ناصر راح وهو منقهر منها.

خالد: اقول شلون تعرفيني??

هديل: انا اعرف هلك كلهم وبعدين انا بنت جيرانكم وقالت له بكل
جراعه اسم ابوها .. خالد انصدم معقول ذا البنت تعرف هله
وشلون خواته يقعدون مع ها الاشكال .؟؟؟

خالد: انتي بشاير.؟

هديل: لا ذيك اختي صديقة اختك وبنت عمك انا اختها هديل يله
عن اذنك بروح ومشكور وخل رفيجك يبعد عني ترى الليل طويل
ومهب لاشفني ماره ولا زاره يتعرض لي.

خالد: اقول احتشمي ومحد بيتعرض طريقج.

هديل وهي تطالعه بنظرات ناريه : اقول مهب عشان ابعدت
صديقك عني تعتقد انك على حق لا عمري روح بعيد عني ترى
معاي ناس ياكلون الحصى وبيراونك شغلك عدل لو تعرضت لي.

خالد: صدق ما تستحين وتعترفين ان لج ناس يدافعون عنج انا
الي اعرفه عنج انتي واختج وحيدات ابوكم ولا اخو

ولاحد يدافع عنج.

هديل : لازم يكون اخو يعني.

خالد: أي اظهري على حقيقتج اقول اذلفي عن وجهي احسن لج
لاطين عيشتج في ذا العيد.

هديل: عدال بس

وراحت عنه وهو مستغرب البنت عليها جمال ونعومه وصوت
غير شكل ومتعدله ومظهره اكثر من الي خاشته شلون اهلها ها
دينها كذا بس لقد ابوها سكير وعربيد وامي لاهيه في زياراتها
سبيكون حال البنت تنهد وراح لربعه الي استلموه من اول ما

وصل.

ناصر : هاه يا ربك جبت لي رقمها ياخي عليها جمال ما قد شفته
من قبل.

خالد: خلها تولي عنك هادي وحده الكل شاف جمالها ولا تحطها
في بالك تراها رايحه فيها.

ناصر: ليه انا بتزوجها احنا من متى نفكر في بنات الاسواق
كزواج.

خالد: بس بقوللك معلومه وحطها في بالك ترى اهلها يعرفون
هلي وعشان كذا انا محب الزين المكشوف الي الكل يتمنقل فيه.

واحد من الشله: يا خويلد لعب وخذ ما نتخذ وقطها مثلها مثل

غيرها.

خالد: لا يا خوي حاسب ترى احنا كلنا عندنا خوات ومهب زين
نسوي كذا يعني احنا نلعب ونستانس ايه لكن منخرب سمعة البنت

.

رجعت هديل وقعدت مع منى الي كان شكلها متغير وكله تلتفت
تطالع لها شي (الصيده الجديده) سألتها هديل :اشفيج .

منى: لا ابد بس مصدعه

وقام الكل يتمشى في انحاء السوق

وعلى وجه الفجر راحت هديل ومنى وكذا وحده لمكان مكشوف

يتريقون قبل لا يروحون لبيوتهم.

مر خالد وشاف هديل حاطه راسها على كتف منى بدلع
ويتهامسون استغرب الوضع ذا المنظر منظر عشاق مهب بنت
وبنت بس ما دقق مر عليهن وغمز لهديل بمعنى انا هنيه.

وهي اشرت على منى : وانا مع هذا- هذا سبعي وهذا الي بيحميني
منكم كلكم.

خالد عقد حواجبه وكنه فهم بس متاخر.!!؟

راحوا ربع خالد وهو مراح يبي يشوف شبيصير على هديل والي
فكر فيه صح ولا لا.

قعد في مكان بعيد ويراقب وبعد ساعه صدقت ظنونه شاف منى
تبوس هديل في شفايفها وتهنيها بالعيد بطريقه تلوع الكبد وها
الطريقه لازم تكون بين ولد وبنت مهب بنتين!!!.

جاهم خالد ووز منى عن هديل ومسك هديل وعطاها كف خلاها
تفتر عدل وما شافت الي عطاها ها الكف.

منى: هيه انت من تكون عشان تضرب حبيبتي ووزني عنها.

خالد: انظمي طمجي الله والله لو ما تروحين بيتكم لا دوسج
بسيارتي.

هديل : وخر عني مهب من حقك تمد يدك علي ولا تبعدني عن
حبيبي.

خالد: اتفوه على وجهج انتثري لا ايجيج كف ثاني ويله قدامي
بوصلج بيتكم وانتي يا الهامله الثانيه بيتكم احسن لج ولها.

هديل: وهي تصيح لا مبي ارجع معاك هلي شبيقولون لي.

خالد: هلج هههههه اقول امشي ومد يده وسحبها لحد سيارته
وركبها من قدام وقفل السياره وركب وشخط بها

وهي تصيح وتصوت بصوت كلها صياح: منى وينج حبيبي
خليتني مع ها الوحش.

خالد: مراح تنفعج بعد ها اليوم والي شفته منها قبل لا تروحين
لها.

هديل ما ركزت على كلامه .. وقبل لا يوصلون فريجهم قال لها:
اسمعي هديل اصطلبي لا افضحج ترى امج ما تساهل تسوين فيها
كذا واختج كذا مره شفتها مع خواتي وما نقدنا عليها لا بلبس ولا
سمعنا عنها شي.

هديل: اشمعنى ما جبت طاري ابوي.

خالد: لانج عارفه ابوج وسمعتة فلعبتي لعبتج الخايسه حرام الي
تسوينه في روحج الحين بنزلج وان شفتج مع ها المنى بتشوفين
الي ميسرج.

هديل: انت مهب وصى علي بسوي الي ابيه ولا لك خص فيني
وما راح انسى فعلتك الليله .. ونزلت وسكرت باب سيارته بقو ما
عندها.

خالد تم واقف يطالعها وهي تمشي مشية غزال مشيه كلها اغراء
كلها انوثه وضرب الدر يكسون من قهره على تصرف ها البننت

وامثالها من البنات وقعد يسأل نفسه

خالد : انا ليه سويت كذا وهي شتخصني فيه عشان اتصرف معها
كذا وتم يتسأل لحد ما مل وراح بيتهم وهو كله حيره ؟!

وانتوا قرائي محترين مثل خالد ولا عادي!!!!

..._--*TM£ البارت العاشر £TM*_--_...

حكمه

انه دون حب كغابة احترق شجرها الانسان دون ايمان وحش في
قطيع لايررحم

ردت هديل بيتهم ونامت ع طول من قهرها على خالد وتصرفه
وكنه له حق عليها ولا منى وتصرفها الا المبالي وعدم دفاعها
عنها قدام خالد ..

قامت الظهر اليوم الثاني ومدت يدها ع جوالها ،، مالقت من منى
مسج واستغربت .. واتصلت فيها وحصلت عندها انتظار وراحت
اتسبح.

عند منى

منى: هههههههه أي يالحب ودي اشوفج ليش انا قلت شي غلط لا
سمح الله.؟

الطرف الثاني: اففف انتي حار بحار على طول قلت لي يا الحب .

منى الي ما كانت عارفه هي ليش تخون هديل : عندوه انا احب
اكون صريحه معاج انا في حياتي هديتي بس البنت شبعنت منها
واحب اغير وخصوصا بالفترة الاخيره هدول تمر بظروف وكله
متشائمه وانا وحده ما اتحمل المشاكل والبنت النكديه " تذكرت
تصرف خالد لما دزها"

العنود: بها السرعه مليتي منها عيل انا جم بقعد وياج.

منى بخبث: انتي وشطارتج ههههه.

العنود بدلع : يه.

منى الي بخاطرها تضبط العنود: العنود انا بعطيح يومين تفكرين
اذا تبيني اتصلي ما تبيني لا عاد تتصلين وتعلقيني فيج على
الفاضي لاني ما احب كذا.

العنود الي خافت من فكرة ان منى تبعد عنها: لا لا .. لا يومين ولا
شي انا ممم انا ابيك <<قالتها وهي مستحيه

منى: يعني ما تغيرين رايج؟؟

العنود وبكل ثقته: طبعا لابس بس بغيت اقولك شي.

منى: امري.

العنود: تخلي هديل وهذا اقل شي ممكن اطلبه واتوقع انه من
حقى وانت لازم تراعي مشاعري مثل ما انا اراعي مشاعرك.

منى بعد صمت وتفكير طويل: ان شاء الله.

وانتهت المكالمة

وسكرت وشافت اكثر من اتصال من هديل ومسجات تسالها
وينها؟؟ حطت الجوال سايلنت وانسدحت وهي تفكر لين تعبت
ونامت.

عند بشاير

نسينا بشاير ها الفتره وهذا احنا رجعنا لها

بشاير بعد ما عطتها في الظرف الي فيه رسالة جاسم وقرت
مضمون الرساله حقدت على في اكثر مما هي حاقده لان جاسم
شرح لها في الرساله انه اسف على كل الي سواه فيها وانه
يتنمى لها السعاده ووصاها انها تهتم بنفسها ولا تعترض لفي
وتحافظ على صداقتها مع نور ورغد وانه بيسافر سفر طويل وما

راح يرد للدوحه الي اذا الله كتب له عمر طويل .

بشاير احترت حست ان جاسم ما ترك الدوحه وسافر الا لان في
لعوزت جاسم وكرهته في حياته وهججته وبكذا هي خسرت
ولانها تحب جاسم حب اعمي ومريض نوت نية قشرا لفي وراح
تنفذها مهما طال الزمان ولا قصر .

بشاير راحت لغرفة اختها لقتها حزينه

ولما سالتها قالت لها ان منى ما ترد عليها مدري شفيها .

بشاير وهي سارحه تدور لها فكره تنتقم بهل من في : منى لعينه
ومثل ما خذتج من هيا راح تقطج مع اول فرصه لها مع بنت
احلى واصغر منج .

هديل: جب جب يا المحتره يا المنقهره ليش تكرهيني ليه تبين

تعقديني مثلج منى ما راح تخليني لانها تحبني.

بشاير: واضح ومن القهر والفضاوه الي هي فيها قالت هديل
لبشاير سالفه خالد معها.

بشاير: وهي تضحك ههههه والله زمن انا الي ابي اكون في ذاك
البيت ويجيج خالد برجلينه وانتي كل همج حب البنات ركزي عدل
هذا (خالد بن ماجد الحمد.... الـ) ما ينعاف يا بختج لو تقدم لج
والله ان امج تحبج وداعيه لج.

هديل: هيه انتي شذا الحكي أي دعوه انتي وين وانا وين وبعدين
من قالج انه بيخطبني الرجال ضايق من وجهي وعطاني كف
وانتي وخري بس قال زواج من ولد الحمد مابي زواج.

بشاير : هو يحصل لج ولد الحمد انتي وحده صايعه ضايعه
وسمعتج اذا متلاحقتي عليها مراح احد يلتفت لج

هدیل: مبی حد ابي منی.

بشایر: منتي بصاحيه وصدقيني نهايتج بتكون على يد منی.

هدیل: احلي نهايه.

بشایر : اقول اذلفي انا بروح بعد شوي لبیت رغد ونور بنشوف
شیلبن لبس في العرس ترى العرس بعد ثلاث ايام.

هدیل: وخیر یا طیر یعنی من عرسه.

بشایر: اقول اقلبي وجهج واذلفي راحت هدیل وارسلت مسج
لمنی..

اسف(حبيبي) على الازعاج لكني ... محتاج (قلبك) واضنه شي
يعنيني

مشتاق لآخر عمر بالحب تاخذني.....

ابيک من ماودک توديني.....

تکفی طلبتک دخيلک لا تواخذني....

خذني على قد (عقلي) ولا لا لا لا تخليني

<<هدولتک >>

منى بعد ما قرت المسج: اخ يا هديل ليش مشاعري من ناحيتج
احسها ماتت !! انا اسف صج ما كان ودي يصير كذا بس تجري
الرياح بما لا تشتهي السفن.

ورن التليفون باسم (دلوعتي) وابتسمت منى بخبث : هلا . هلا
بنوفتي " وحده ثالثه الله يهدي الجمييع ان شاء الله

منى كانت تحب هديل بمعنى الكلمه وتبنيها بكل ما فيها من
احساس وشعور بس مجرد ما خانتها مع العنود وهي تخونها مع
اكثر من وحده وصاروا حبايبها كثار واما عن هديل صارت
تهملها شوي شوي شوي

وقبل عرس نور بيوم

وصل خبر لهديل ان منى سوت حادث مع حبيبته الجديده العنود
.. وماتت منى موته شنيعه اما العنود فهي في العناية المركزه
تحت رقابة اهلها الي عرفوا بقصتها مع منى

اما هديل فكانت مهيب مصدقه ان منى كانت تخونها مع اكثر من
وحده وشافت هيا ثالث يوم العيد في رويال بلازا عند مطعم بيزو

هيا كانت متحجبه وعرفت هديل لان كانت تمشي كاشفه الوجه
ومتكشخه كالعاده.

هيا: هلا هديل شلونج شخبارج وبعد محادثه قصيره وكم نصيحه
من هيا لهديل راحت عنها وهديل منبهره من شكل هيا المحتشم
والتزامها الي مخليها غير شكل وتذكرت شكلها الصايع والحين
وتمت تفكر في منى والي سوته فيها اشغلتها عن دراستها بعدين
هملتها وراحت يله الله يرحمها الميت مايجوز عليه غير الرحمه.

يوم عرس نور وعبد العزيز

كان اليوم من بدايته جميل وصحو

واول ما قامت العمه لقت وجه فهد المبتسم قدامها وجايب لها
بشار هان بعد ساعتين بتكلم جاسم وهو بيكلم اخته يهنيها بالعيد
وبعيد ميلادها وبعرسها الى كله اجتمع بها اليوم.

ام جاسم: انت اشلون طلعت لي تصريح مكالمه بها السهوله.

فهد: لا يا الغاليه لي كم يوم اركض من مكان لمكان لين وافقوا

قامت العمه وحضنته وصاحت : اه يا قلب عمتك يا حبني لك متى
بفرح لك!!!

وعند ها الكلمه دخلت في عليهم وسمعت رد فهد

فهد: انا خلاص عمتي فرح عمري راح مني.

العمه : فهد فديتك خلني اقربكم من بعض واصل الي دمره ولدي
خلني احس اني قدمت لك لو جزء بسيط من جمالك.

فهد: أي جمالك تبيني اقوم الحين واشلج وادور بج لين يفتر
راسج.

العمه: لا صج انا ناويه اخطب لك في وزوجك اياها.

فهد: لا يا عمه في شكت فيني واذبحتني بدون سكين يوم انها
صدقت فيني ولا لجات لي يوم انها احتاجت المساعده.

العمه: بس يا فهد

فهد: لا بس ولا شي في حلوه وصغيره وكل يتمناها اما انا فتقي
اني كرهت جنس الحريم معاد ابيه لي و وتوه بيكمل الا
يشوف في واقفه والظاهر انها سمعت كل كلامه وهذا ظاهر من
ارتجاف حنكها وتعقد حواجبها.

في: عموه الله يخليج تراني ماني برخيصه انعرض وانرفض لا
تكلمين عني الله يخليج.

العمه: في اذكري الله وتعالى ابي اقولج شي

في : ماني بجايه بروح اشوف نور شناقصها.

العمه: وبالمره خلياها تستعد بعد شوي بيكلها جاسم.

في وهي تصعد الدرج: ان شاء الله عموه يله عن اذنج.

العمه وهي تطالع فهد: اه يا فهد الظاهر سمعت كلامنا

فهد وهو يطالع المكان الي راحت له: اه يا عمتي ها البنت شحطي معها ولا مره صدق الحظ معي قولي لي شسوي .

العمه: فهد هو سؤال واحد ما فيه غيره عادك تحبها .

فهد وهو يتنهد : وانا متى ماحبيتها من يوم عمرها سنه وانا قلبي ملك يدينها ما تركتها الا خمس سنين دراسه بعدها رجعت لها لقيتها انثى بمعنى الكلمه

(العمه تعرف قصة فهد مع سلمى)

العمه: فهد خلاص خل كل شي علي.

فهد: شلون عمتي انا ضايع انا خايف ماني عارف شبي منها.

العمه: يعني لو تتزوج مره ثانيه بترتاح.

فهد وهو مذبوح : اه يا عمتي ليش تذبحيني انا اقولج احبها بس فيه شي رادني منها ماني عارف وشهو

العمه : اخر كلامي طال الزمن ولا قصر تبنيها زوجه وراعيه
لبيتك ولا . لا ؟.

فهد وهو يتخيل في وهي زوجته ولا شطح به الخيال وام اعياله :
ايه عمتي ابنيها بس مهب الحين ابنيها ترتاح من الي شافته مع
ولدج.

العمه: خلاص غناتي بيصير الي تبنيه بس خلك معاي.

نزلت نور تركض يوم عرفت انها بتكلم اخوها سلمت على فهد
بعد لحظات اتصلوا على جاسم كلم امه وصاحت معاه بعدها كلم
نور وقعدت تسولف وتضحك وتشرح له شقد هي فرحانه انه
كلمها نزلت في وشافتهم وراحت بتطلع الا نور تناديها تقول لها
ان جاسم يبي يكلمها-

التفتت شافت فهد يطالعها وعيونه تامرها ترفض المكالمه بس
هي عناد فيه جات وخذت التليفون وكلمته بصوت كله رقه
ونعومه.

في: هلا وغلا جاسم طمني عليك شخبارك وشعلومك؟ لا
تحاتي كلنا بخير واختك وامك في عيوني وضحكت ،، عيونك الي
دومها حلوه .. جاسم انتبه لنفسك ترا ننطرك والله يسهلها عليك
.. ايه عموه عندي خلاص تسلم ويوصل وها الله ها الله في روحك

وعطت عمته التليفون وطالعت فهد شافته شاب .. عطته نظره
لو انها رصاصه كان ذبحته

واستأذنت نور انها بتروح تجيب اغراضها بعدها بيروحن للفندق
عشان يرتبون امور الزفاف ويا كثرها.

بعد ما خلصوا نور وامها المكالمه خذ تليفونه وطلع وهو ياكل
حصى على في : هي تبي تجلطني ولا يبيني مد يدي عليها
وافضح روعي قدام الكل بس هين يا فيوه والله لا رويج مدري
شلون بس بريج من جد وجديد وراسج هذا اه من راسج محد
معذبني غيره.

وفي المساء في قاعة (الدانه للاحتفالات)

اقيم الفرح العامر وكان فرح بمعنى الكلمه من تنظيم وتقديم
واستقبال اما زفة العروس فكانت تاخذ العقل بدايه من جمال
العروس الفستان لدرجة ان الطاقه قعدت تقول :: حارس حارس

(حارس حارس كذا مره والكلمه تنقال للعروس الجميله جدا وان
يحرسها الله من العين)

بعدها احلى وردتين في عايلتها رغد وفي وثم جوها بشاير
واختها هديل وكل زميلات نور

ولما جات زفة المعرس دخلوا كل الاسره ابو فهد واخوه عبد الله
وفهد وخالد وثامر وعلي وطبعا على راسهم معرسهم المتخبل
على عروسه

تمت الطقاهه تدق (دار تميمي حمد)

واستعرض خالد واخوه فهد بالسيوف بعدها قام ابو المعرس
واخوه ورزفوا ..وقوموا أهمهم وقطوا عليها الفلوس والورد بعدها
صوروا مع المعاريس وطلعوا

**اما المعرس الي من دخل وهو ما غير اتجاه نظرة كله يطالع ها
النور الي ابهره جمالها ورقتها ونعومتها والمصوره تطلب منهم
طلبات كثيره وooooooooooooوضعيات مختلفه وهو متشقق من
الوناسه.**

وفى اخر الليل

صعدت العروس والعريس لجناحهم عشان يصورون صور خاصه
جدا بعدها يغيرون ومباشره للمطار وعلى الساعه ثلاث الفجر
ودعت العروس امها واهلها كلهم وراحت مع زوجها لشهر
عسلهم فى جزر المالديف.

راحت العمه لبيتها مع فهد وفي : عموه ... عموتي ... تراني
 اكلمج والعمه سارحه في دنيتها الخاليه .

العمه: هلا يمه بغيتي شي.

في:ايه اقول انا تعبانه وابي اناام عندج وبالذات في غرفتج شرايج
ولا متبيني ???

كان فهد قاط الاذن ويتمنى انها زوجته وانه هو الي ينعرض عليه
ذا العرض بعدها ضحك على روحه ومع ابتسامته هادي رفع
راسه وشافها تناظره في المرايه وتعلقت عيونه في عيونها فتره
بعدها انتبه لنفسه وهو يناظرها وهي معلها لا لثمه ولا غشوه
الظاهر ناسيه روحها.

وصلهم البيت ونزل يساعد عمته في تنزيل اغراضها وعرضت
عليه العمه يقعد معهم شوي لانه مابقى على صلاة الصبح الا
شوي.

فهد: بس اخاف اضيق على ناس.

في: لا خذ راحتك ولد عمي انا بدخل اسوي لنا كابتشينو بعدها
بغير وبجي اقعد معكم.

العمه: هلا بغلاي يعني بتقعدين عندي الليلة.

في: كل ليلة لحد ما يون المعاريس بعدين بفضي لهم البيت

(البيت رتبوه بحيث ان جناح في وجاسم مع غرفة نور كلهم
انفتحوا على بعضهم وصار جناح كبير لعبد العزيز ونور اما
غرفة العمه فهي تحت)

وفيه سرير كبير يكفي العمه

وفي دخلت في وهي متلثمه لثام خفيف وعبايه ناعمه خفيفه
وشعرها واضح من تحت العبايه وراحت سيده لغرفة عمتها

وحطت اغراضها بعدها مرت على الصاله وفهد ما زال واقف
يطالعها ويطالع شكلها.

في: اشفيك تطالعني كذا.

فهد: وهو يأشر على لبسها انتي طلعتي من صالة الفرحة كذا.

في: ايه شنهو في شكلي غلط.

فهد: شلي صح في شكلك انتي شايفه عبايتج شلون شفافه ولا
شعرج شلون يبين من وراها.

في: انت من عشان تعلمني الصح والغلط ابعد عن حياتي وترى
تقدموا لي ناس الليله وكنت افكر اردهم لاني مبي اعرس ابي
ادرس دراسات عليا بس الظاهر عشان ابعد عن تدخلاتك
وتجريحك لي بوافق

وتوها بتروح للمطبخ وماره من صوبه مسكها من يدها ووقفها :
هذا بعدج تبعدين عن هالبيت ومحد مربيج من جديد غيري .

في : وهي تنفض يده عن يدها وتضحك ذيك الضحكه الرنانه :
هذا بعدك ومراح اسمح لك بعد ها اليوم انك حتى تكلمني ويله
روح بيتكم لاننا تعبانين والظاهر عمتي نامت وانا بتبعها
و.....

وما حسست الا بكف حار على خدها افترت وطاحت على اقرب كنبه
جنبها

طالعتة مهيب مصدقه: انت تمد يدك علي لا امي ولا ابوي ولا حتى
جاسم وهو في اشد حالات غضبه علي ما مد يده تقوم انت
تسويها وليه وعشان وشو .؟؟؟

فهد: عشان تحترميني وتردين على كلامي بردود محترمه.

في: اوكي خلاص فهد انا معاد اقدر استحملك اكثر من كذا وقعدت
تصيح وحنوكها ترجف و- ولو سمحت اطلع من حياتي اذا تتكرم

.

فهد: هذا اذا تكرمت بس انا حطيتج هنيه واشر على راسه.

في قامت وشيلتها طايحه وفستانها الاسود وكان قصير من قدام
وطويل من وراء وكانت عليها عبائتها بس مع الصفقه انحسرت
عنها ويوم شافها فهد كذا وهي تبكي وما هي ملتمة على روحها
قرب منها يبي يساعدها.

في: لا وخر لا تضربني؟؟

فهد فتح حلقه من صدمة نظرتها له هي خايفه منه اه يا في جاء

اليوم الي تخافين فيه مني.

بس هو قرب منها وقومها وكانت عيونها مليانه دموع وصوتها
جاته البحه الي هو يحبها فيها

في :فهد مبي مبي وخر خلاص وكانت تدزّه وفي لحظه طاحت
على صدره وتمت تشهق من كثرة الصياح

فهد من صدمة تصرفها انها كانت في حضنه ضمها وضمها ويده
ماسكتها من ظهرها وكل ما بغى يبعد وجهها عن صدره يبي
يشوفها كانت رافضه تشل وجهها عن صدره وهي تقول

في: ليه حرام عليك تسوي فيني كذا اهي اهي.

فهد: في طالعيني ..

وهي كلش مهى بقادره هي كلها دقيقه ونامت على صدره وتم
ضامها ويشم شعرها

بعدها شلها وراح لحجرة عمته ومحصلها في الغرفه وسمع
صوت ماء الظاهر عمته تتسبح حطها على السرير ويبي يقوم
بس هي كانت ماسكه رقبته

وكان وجه قريب من وجهها الحبيب قرب منها وباسها على
شعرها ونزل على جبهتها وفكك يدها ولحفها وطلع وهو ميدري
شيسوي هل يفرح ولا يحزن هو كان متضايق من انه مد يده
عليها راح لبيتهم تسبح وتجهز للصلاه وخلا الاحداث الي مرت
عليه تمر لانه لو فكر فيها وايد راح يتعب.

اما بشاير واختها هديل

فبعد ما سهروا في العرس لحد الفجر اقترحت عليهم رغد يباتون

عندها عشانها وحيدة من بعد نور استأذنوا امهم وراحوا ينامون
عند رغد وعطتهم بيجامات وقعدن يسولفن لحد مجاهن النوم
وبعد ما نامن رغد وبشاير حاولت هديل تنام بس من كثرة تقلب
بشور ورغود مقدرت تنام قالت في خاطرها بروح ارقد في حجرة
المعرس لعل وعسى اخذ راحتي.

هديل:: اقول رغد هيه رغد ابيج شوي اسمعي

رغد: ههه ابي انام هديل نامي بس حجرة عبدالعزيز أي وحده.

رغد وهي تفتح عيونها بالغضب : ليه.

هديل: ابي انام وانتن مخليتي انام أي وحده – رغد الثانيه الي
..... الي الثانيه.

هديل: الي ايش حسبي الله على ابليسج

قامت وهي كلش تعبانه وفيها النوم وكانت بيجامة رغد قدها
بالضبط وطالعه عليها فله (حلوه) وكان شعرها منثور على
وجهها وتوها ماسحه المكياج عنه وكان عطرها يسبقها وكان
شكلها مسكت

راحت وفتحت باب الغرفه الثانيه وعيونها شبه مسكره وراحت
للسرير وقطت روحها وظهرها كان على الجبهه الثانيه وتوها
بتمغط وتاخذ راحتها الا وتحس بجسم جنبها وما التفتت.

قالت: اقول رغود وجع خليني ارقد ولا والله لا احذفج بالي في
يدي بس مافيه رد والجسم لاصق فيها.

هني اقشعر شعر جسمها

والتفتت صوب الي جنبها شافت واحد يطالعها وتوها بتصرخ حط

خالد يده على ثمها : هيه اوص ولا كلمه تبين تفضحيننا بعدين
انتي من؟.

هديل: انا انا انت من؟؟؟؟

خالد: لا والله جايه بيتنا وفي غرفتي وتساليني من انتي الي من
؟؟؟ توه بيسالها زياده تنبه انه يعرف ها الصوت بس شلي جابها
لغرفته.

هديل: خالد ممكن تشل يدك عن شفافي مراح اصرخ بس هدني
وخر الله يخليك وخر كانت خايفه في حجرة شاب وفي سريره
وصدره كان عاري حست بذا الشي من قربه منها.

خالد انتبه على الي قاعد يصير.

خالد: قومي روعي شلي جابج لغرفتي وتوه شال اللحاف وشاف

دخل فهد وقال: خالد هيه خويلد قوم.

خالد: زين ومسوي نفسه نايم وكان فهد ماد يده يبي يفتح الليت.

خالد: لالا تحمل تراني معلي هدوم

فهد : وهو يضحك حسبي الله عليك وليه راقد عاري ترى الي
معرس البارحه اخوك مهب انت اقول يله الحقني للصلاه بعدها رد
ارقد على كيفك طلع وهو يضحك على حركات اخوه.

خالد من ظهر اخوه خاف ابوه يجيه قام وقفل الباب وراح سيده
ولبس فنييلته وكانت هديل خايفه حدها وحاطه يدها على ثمها
وكان صدرها يرتفع وينزل من الخوف.

قرب منها خالد وعطاها اشاره تلحقه

وفتح الباب ما شاف حد وقال لها روعي لذيك الغرفة غرفة
عبدالعزيز وققلي عليج الباب ونامي

وكانت في ها الحظه تمشي وتعثر من غشاوة الدموع الي مغشيه
عيونها وقدھا بتطيح مسكھا خالد وشافھا من قريب وكانت ملاك
بوجھا النظيف الابيض بدون اصباغ ولبسھا كان عادي مع انه
لبس نومبس عادي وستير .. (ايه اكيد ستير لانه لبس اختي
رغد)

خالد: اقول هديل تحملي تطلعين الا لما تتاكدين من عدم وجودي
ولا وجود فهد ولا ابوي يله وفتح لها الباب ويومها عند بابہ
التفتت له

هديل: شكرا اخوي ما تقصر وراحت لغرفة رغد ما راحت لغرفة
عبدالعزيز كانت خايف الي صار لها مهب شي عادي

دخلت على روس اصابعها واندست بينهن وحاولت تنام بس
هيهات وين تنام بعد الي شافته وحست به.

اما خالد

فهو راح توضى وصلى ورجع لغرفته وحاول ينام تذكر الي صار
له واستغرب من ها الصدف الي تجمععه بهديل الا لازم يشوفها
وكل ظرف العن من الثاني.

اه انا مهقيت انساها كم يوم من عقب ذاك اليوم تقوم تطلع لي لا
وفي غرفتي يا ناس شسوي اففف شذا لحاله وقعد يتقلب حاله من
حال هديل الي جفاها النوم وفهد هو الاخر

فهد وهو يكلم نفسه في لو خطبتج بتوافقين ولا بتلعوزيني اه محد
كبر راسج غيري.

(اليوم الثاني الي هو الصباحيه)

كما العاده في قطر الصباحيه يتجمعون في بيت العروس والكل
راح لببت العمه قوت وقعدوا عندها وتغدوا كلهم الا هديل وبشاير
رالي راحوا بيتهم.

وعلى الساعه اربع العصر اتصلت عروسنا الحلوه في امها
الحبيبه اتطمنها عليها.

كانت العمه ناويه نيه وتبي تنفذها لانها لو نظرت موافقة في
وفهد مراح يساعدونها راح كل واحد يكابر ويقول - ويقول

العمه وهي تكلم الكل عامه عبدالله وزوجته منيره خاصه : اقول
حبايبي انا عندي طلب منكم وان شاء الله محد يقول لا بفكر وانا
طلبتكم شتقولون-

الكل تم تم انتي تامين كم قوت عندنا وكم عمه غاليه اطلبني لو
تبين الروح.

طالعت فهد وفي بعدين طالعت اخوها وزوجته : طلبتك يا اخوي
عبدالله بنتك في لولدي فهد .. الكل سكت وحل على روسهم الطير
الي منصدم والي مستغرب والي والي.

في: عموه انتي ليش تكلمتي في هذا الموضوع انا طلبت منج ذاك
اليوم انج ما تفتحينه

فهد رد على في : غلطانه في انا وعمتي عرضنا عليج الامر
وخليناج تفكرين والحين يوم انج طولتي خذينا عنج القرار.

العمه وهي تضحك على تصرف فهد الغريب :: صح في ان يوم
خطبج ولدي مخلاني اتقدم واخذج له راح لعمامه والحين ابي

احسن اني اخطب اغلى البنات لاغلى العيال.

عبدالله: الساعه المباركه اذا في موافقه انا ما عندي مانع واصلا
كنا عارفين ان في لفهد بس شاء ربك انها تكون لجاسم.

منيره: والله لو اتمنى معرس لبنتي مراح القى احسن من ولدي
فهد.

اما ام فهد فكانت تصيح من فرحتها من احسن من بنتها الي
رضعتها تكون لفهد الي يعشق الارض الي تمشي عليها في قامت
ام فهد تضم في المنصدمه من تصرف ام فهد ولا الجده قامت
تصفق وتقوم الله يكثر الافراح في عايلة الحمد قولوا امين -الكل
امين على كلامها

في الحين كلهم وافقوا وخططوا وهي مالها كلمه في زواجها
الاول كانت مجبوره وفي زواجها الثاني تكون موافقتها تحصيل
حاصل.

جاء خالد وقعد بين رغد وفي وقعد يتضحك معاهن اقول رغد ما
عاد الا انتي وانا يله عقبالج.

رغد: ليه انا انت اكبر مني روح تزوج قبلي انا عادني صغيرونه.

جاء اتصال على تليفون فهد وطلع برد برا لانه عرف هوية
المتصل والي داخل اسمعوه يصرخ ويتكلم بسرعه .. طلعا له
بس هو كان مثل المشلول مقدر يتحرك ولا يتكلم

ابوه يكلمه وبعد ما هزه انتبه لهم خلاهم كلهم وراح عند في
وجرها من يدها قدامهم كلهم على السيارة برا وركبها وقفل الباب
وهي تصرخ فيه

في : اتركني ووين موديني ... ما ابي اروح معك مكان وهو
ولا مهتم لصراخها.....

لحد ما وصل لمستشفى خاص يعرف المسؤول فيه وطلب منه
يسون فحص دم سريع وطلع من المستشفى حتى قبل لا يعرف
النتيجه وكلم خالد اخوه يحضر المملك بسرعه في بيت عمته لان
الاهل كلهم موجودين.....

وتمت الملكة تحت استغراب الكل!!!!!!!!!!!!!!!!!!!!....

يا ترى من المتصل ؟ ووش اللي قالوه له خلاه يجر (في)
للمستشفى

وش راي (في) في اللي صار كله بسرعه ولا هي قادره تعترض
؟؟

عطوني ارائكم لا خلا ولا عدم منكم

انتظر ردودكم.....

....*TM* البارت الحادي عشر *TM*....

حكمه

في بيت العمه قوت ما زالت الاحداث مستمره

بعد الملكه وبعد ان هدأت الاوضاع سألو فهد عن اللي
صار.....وشرح لهم

ان الاتصال الي جاه من لبنان من صديقه يبلغه ان جاسم مصاب
بالايدز عشان كذا خاف على في ووداها وسوى لها الفحص
وحتى قبل ما يعرف النتيجة طلب يملك عليها ... والباقي
تعرفونه.

العمه صرخت وانهارت: ميكفي اني محرومه منه من زمان
والحين بنحرم منه دوم يارب طالبتك الرحمه واللفف فينا وقعدت
تصيح

وطلبت من الكل التكتم ع الموضوع لين الله يكشف المستور يكفيها
فضايح : ولا تنسون نور وعبالعزيز لا حد يقول لهم شي شذنبهم
يقطعون رحلتهم وينغمون في بداية حياتهم

وصاحت لين تعبت وشلوها ودوها لغرفتها وقعدت عندها امها وام
فهد.

عبالله ابو في: فهد يا بوك انت ملكت على بنتي وانت ما عرفت
لين الحين النتيجة ليش استعجلت يمكن وما قدر يكمل لانه
مؤكد ان بنته اكيد مصابه مثلها مثل زوجها وهي تمت زوجته
سنه ع الاقل.

ام في: اه ايه عليج يا بنتي وقعدت تضم بنتها.

في مثل المسببه او الاطرش في الزفه ولاكن الاحداث الي قدامها
تهمها.

خالد ورغد مذهبولين من المصائب الي حلت على عيلتهم.

فهد قرب من في: في اشفيج ردي ... وحركها وهزها لين انتبهت عليه

وشافتهم يطالعونها بشفقه وكان ودها تظمنهم بس هي بعد شاكه لانه جاسم كذا مره تهجم عليها ومسكها بس ما عاشرها ولا باسها ولا مره وهاذي الطرق الي تنتقل بها العدوى بس هانت كلها يوم وتطلع النتيجة.

خالد: فهد متى بتطلع نتيجة دم في.

فهد: والله على حسب ناس ثلاثة ايام وناس اسبوعين وانا استعجلتهم وقالوا يمكن على بكره يعطوني خبر يله الله يطمنا عليها.

والحين عن اذنك عمي باخذ في معي.

ابو في: وين تاخذها هي صح مرتك بس مهب الحين.

فهد: الله يخليك يا عمي هي زوجتي وابيها تكون معي من ها
اللحظه لين لين.....

ام في: يبه فهد خلها عندنا احنا لازم نكون معها في ها الظرف
بعدين خذها.

في ردت عليهم : يمه يبه ابي اروح مع فهد اذا ما عندكم مانع.

ابو في: ما عندنا مانع بس الاصول تقول.....

قاطع فهد: أي اصول اذا هي مصابه وبتروح مني ما يكفي بغيت
اخسرها او بمعنى اصح خسرتها خلوها عندي بالي بقى من
عمرها ابيها لي لي الله يخليكم.

ابو فهد من حزنه على ولده كلم اخوه ومرته: خلوهم وبعدين
نتفاهم

وخذ فهد في من يدها وطلعوا راحوا لبيت ابو في خذت لها كم

غيار ولبس وراحت مع فهد لببته.

ابو في: ماجد انا خايف على فهد يتهور وينصاب لان بنتي كانت متزوجه من جاسم وعاشت معه سنه واكيد انتقلت العدوى منه لها واذا خسرنا جاسم وبنتي بتلحقه ما نبي نخسر ولدنا ... وقعد يبكي خزنا على الي راح والي بيروح.

ام فهد وقلبها يتقطع: قل لن يصيبنا الا ما كتب الله لنا فهد ولدي من يوم عمره سنه وهو يحبها ويراعياها والي بيحيه هو الي اختاره بنفسه.

خالد: يمه غريبه تتكلمين بكل استسلام كذا عن احتمال فراق فهد عنج.

ام فهد: انتوا ناسين ان في بنتي بعد ولا شلون ؟؟؟؟

وصاحت وخذتها ام في وراحن يتظمن على ام جاسم وحصلن الجده حاضنه بنتها وتقرأ عليها في منظر يقطع القلب العجوز تهدي وتقرأ وتظمن بنتها ان جزاها عند ربها عظيم واجرها وافي.....

فهد خذ في وراحوا لجناح فهد

ودخلت في قبله وقفت في الصاله تشوف تصميمها كانت مختاره
هي وفهد الوان وااثا ها الجناح قطعه قطعه يوم كانوا حبايب
على اساس يكون زواجهم على طول بس صار الي صارومن ذاك
اليوم وفي ما شافت ولا دخلت جناح فهد

راحت لغرفة النوم لقتها كما هي والمطبخ والحمام التفتت لفهد
لقتها واقف يطالعها وهي تنتقل من مكان لمكان بعد مهدت من
الدوران في الجناح خذت ملابسها وصفتهم في الكبت وراحت بدون
ولا كلمه للحمام تبي تسبح تمت في الحمام يمكن ساعه وشي
تبكي تحت الماي لعل وعسى يبرد على قلبها وهل ظنونها في
محلها وهل هي مصابه ولا لا.

وفهد لهدرجه يحبها يا خذها من يدها بدون ما يستاذن احد
ويفحصها وقبل ما يعرف النتيجة يتزوجها وهو متأكد اني مصابه
شيبني يثبت لي انه يحبني ولا مجنون بي ولا يشفق علي.

فهد بعد مراحت في الحمام راح يسبح في الحمام الثاني وبدل
وقعد ينظرها تطلع ويوم شافها تاخرت راح يدق عليها

في حاولت ترد عليه بس صوتها ما ساعدها كان مختفي من كثرة الصياح.

فهد: في بطلني الباب ولا بكسره

في وتوه يذر الباب بقوته الا افتحته في وجهه بغى يطيح عليها لولا انه مسكها.

فهد: ليش ما تردين فيج شي؟؟

كان يبي يشوف وجهها بس هي كانت مدنعه وشعرها كله ماي وكانت لابسه بيجامتها وفوطتها على نص شعرها ولا ردت

قام خذ الفوطه ونشف شعرها وهي لا تبدي مقاومه

وقعدها على كرسي التسريحه وجاب الاستشوار وجفف شعرها به وفي ها اللحظات تذكرت شي كانت ناسيته في المره الي كان جاسم يبيها وقاومته انها جرحت يده بظفرها لان في اليوم الثاني راواها الجرح وكان يقول لها وهو يضحك صج انج متوحشه.

فزت من مكانها ودزت فهد عنها وراحت لآخر ركن في الغرفة
وقعدت تصيح بزياده وصوتها كان يعلا ويعلا.

تروع فهد: في ايش فيج توج ساكته كنج ابو الهول والحين كنج
ملدوغه في مهب حاله ردي علي.

في: وخر عني الله يخليك وخر.

فهد: شلي تغير عشان اوخر عنج انا من العصر وانا قاعد
وماسكج الحين توخريني اشفيج في ردي تكلمي.

في: اشفيني يعني غير الموت والهلاك.

فهد وهو منفطر قلبه عليها ادري وش الجديد.

في: لا لا انت ما تعرف شي وعشان كذا ابيك تبعد عني لحد ما
تطلع النتيجة.

فهد: لا وبدا انا اخترت وخلص

وكان واقف وفتح يده لها بمعنى انه يبني يحضنها وهي تهز
راسها.

فهد: في تعالي لصدري تعالي ادخلي حناياي تعالي امتزجي بي
تعالي ولا تحرميني منج يكفي الي راح وتم يناديها وهي تبكي
وتهز راسها وهو ولا غير موقفه كان فاتح يدينه لها ويترجاها.

في ما قاومت كانت محتاجه لمسة حنان من أي شخص فما بالكم
ان الي كان عارض عليها الحب والحنان هو فهد

قامت وقطت نفسها عليه وهو مصدق خبر ضمها ضم ما قد ظن
انه بيضمه لاحد ضمة انسان عارف ان الي في حضنه ممكن الا
متأكد انه ييفارقه تموا علي ها الوضع ساعه وهو ضامها ويمسح
على شعرها بعدين شلها وحطها على السرير ورجع حضنها لحد
ما اصبح عليهم الصبح.

فتحت في عيونها لقت روحها في حضن فهد ويد تحت راسها ويد
فوق خصرها حاولت تسحب نفسها مقدرت وفي تحركها فتح

عيونه وشافها قريبه منه وقرب يبي يبوسها وخرت وجهها عنه.

فهد: ردينا شها الحركات انتي قدرتي ونصيبني بالشين قبل الزين
وغصبا عنج ومسك وجهها وباسها على شفايفها بوسه عميقه)
وحط في بوسته هاذي كل حياته) !؟

يبي يثبت لها بما لا يدع مجالا للشك عندها انه قابل بها في كل
اوضاعها وبعد ما رفع راسه منها شاف في عيونها احلى نظره
تمنى يشوفها من زمان وبصوت مبحوح من تاثير قربيه وحبه

في: آه يا فهد شقد احبك لو..... وانبح صوتها وما قدرت تتكلم
زياده

وانجن فهد هو ميت عليها فما بالكم وهي في حضنه وتكلمه بها
البحه الي ذبحته من يوم سمعها اول مره في حفلة تخرجه .

وباسها وباسها وضمها ولعب في شعرها لحد ما جنتها ونساها
وضعهم الي هم فيه.

وعلى الظهر نزلوا لقوا كل العايله ملتمة ووجوههم كلها هم وغم

وضيقه بعكس فهد وفي الي نازلين وهم يدينهم في يد بعض
ويضحكون لبعض ولا كن فيهم شي.

ابو فهد: هلا بعيالي تعالوا تغدوا معنا.

ام فهد وهي تنكب في الصحون ومتجاهله نظرات ام في الي كلها
حزن ودموع.

ام ثامر: تعالي يمه اقدي جنبي ولهت عليج.

ابو ثامر: لا وخري ابي بنتي حلوتي تقعد في حضني واغديها
بيدي.

فهد وهو يضحك لعمه: لا يا عمي لا تقعد في حضنك ولا شي
خلاص في طلعت من عهدتك ودخلت في عهدتي وعندك عيالك
الثنين الصغار قعدهم في حضنك وغدهم ولا اقولك وهو يغمز
بعيونه عندك خالتي منيره.

منيره: اقول فهدان استح على وجهك

كانت العمه جالسہ وتطالع فهد وفي وهي تضحك لهم من برا
ولكن من داخلها كله حزن على حال ولدها وحال ها الثنين
الغاليين على قلبها لكن ايمانها بالله قوي واملها اقوي

الجدہ: ہلا بالمعاريس تعالوا اقعدوا جنبي احب ريحة المعاريس .

خالد: جدتي خلينا نزوجك عشان تستانسين.

الجدہ: محد فاهمني ومقدر شعوري الا انت يا خالد شوف يا يمه
اذا تقدم لي ذاك الي انت خابر اني موافقه ومحد بزافني غيرك اما
غيره فلا.

كلهم ضحكوا وافهموا انها تقصد مطربها المفضل (عبد المجيد
عبد الله) وكانوا يضحكون والهم راكبهم وكانوا ينتظرون نتيجة
التحليل لالي تمنوا انها تكون في صالحهم.

اتصل فهد في رقم عنده ما خذه من امس من واحد كبير وقال
بستعجل لك في ظهور النتيجة رد عليه وقاله ان النتيجة بتوصله
ع الساعه خمس العصر وسكر منه وكلهم يطالعونه يبون يعرفون
قال لهم الي عرفه.

دقت بشاير في ها اللحظة في رغد

تبي تجيهم هي واختها هديل يقعدون معهما قالت لهم تعالوا بنقعد
في المجلس البراني لان الاسره مجتمعه داخل.

رغد قالت لهلها انها بتروح تقعد معاهن وقبل خمس بتساذن
منهن وبتخليهن يروحن وحذرتها عمتها ما تغلط بشي.

رغد: فهد عادي اقول عن زواجك.

فهد وهو يطالع في: ايه قولي هذا زواج ما يتخبى واعزميهم بعد
كم يوم بيكون العرس.

الكل التفت عليه ضحك وطلع شوي وبيرد

اما خالد من سمع ان هديل بتجي مع اختها فهو اختبص ولا عرف
وشهو الي جاه من جاء طاريها قام طلع وقال بيرجع اربع ونص
ما يبي يشوف هديل.

راحت رغد واستقبلت البنات وتقهن وتفاولن مع بعض وهات يا
سوالف لحد ما قالت لهن رغد عن زواج في من فهد .

بشايير: من وشو الي تقولينه ومتي وشلون صار كذا ؟؟

رغد: واو كل ذي اسئله صبرج شوي خليني اجاوبج على اسئلتج
واحد واحد.

متي املكوا البارحه خبرج فهد يحب في من يومها صغيره ولا
حصل نصيب الا الحين وشلون صار اخطبت عمتي قوت في لفهد .

هديل: شمعنى عمتج الي خطبتها مهب امج .

رغد: والله عمتي وفهد وفي اصحاب من يوم يومهم .

بشايير وهي تعض على اسنانها وتحط عمرها تضحك : شا الحظ
الي على في تزوجت احلى واحد في عائلتكم (جاسم) والحين
حولت على اوسومهم (فهد) اقول هههههههه لا يكون تحول بعدين

على خالد.

رغد وهو تهاوش بشاير : هيه انتي اشفيج استحي على ويهج
تتكلمين على في كذا وبعدين خالد اخوي اخوها اذا ناسيه.

بشاير: اوه رغيد اضحك معاج لا تظنين اني ما احب في بالعكس
دايما اقول عنها انها العاقل الي فينا من يومنا صغار قعدن
يسولفن ويضحكن استاذنت منهن رغد تجيب لهم عصير فريش
هي مسويته بيديها قالت لها هديل اخذيني معاج راحت رغد
ونسب تليفونها ما خذته معها.

قعدت بشاير تتحلطم وتسب في والتفتت شافت تليفون رغد اخذته
تبي تاخذ رقم فهد منه عشان خطتها الجايه الي تبي تدمر بها في

وهي تقلب في التليفون راحت للاستديو ولقت صور مختلفه ما
لفت انتباهها شي منهم لحد ما وصلت لصورة "في وخالد شالها"
ووجه في ظاهر واضح اما الي شالها فهو معطي الي صورهم
ظهره ظهرت ضحكه خبيثه على وجه بشاير وقالت في خاطرها
هذا الي ادور عليه من زمان ونقلت الصورة لتليفونها ومسحت
الصورة من تليفون رغد عشان بعدين ما يكون فيه دليل ان هاذي
الصورة لخالد وفي ومسحت كل اثر لبراءة في في ها الصور.

رجع خالد وراح للمطبخ يبني يشرب له شي قبل ما تحصل
المواجهه وما التفت للمجلس ميبني يشوف الي فيه وتوه داخل الا
يشوف رغد صاعده فوق وتكلم وحده تقول لها شوي وراده لج .

دخل شاف هديل واقفه وجهها في وجهه ومستحيه منه وكانت
تبي تطلع بس هو وقفها

خالد : هديل وقفي شلونج شخبارج ؟

هديل: الحمد لله كله تمام.

خالد: ممكن سؤال ؟

هديل: تفضل.

خالد: بس لا تزعلين .. شخبارج مع شلة الانس ذيك .

هديل وهي تحاول تخفي غبرتها : كل شي انتهى وراح لحاله .

خالد: وانتى مقتنعه ولا موافقه تحصيل حاصل.

هديل: اول الامر كنت مهب مقتنعه بعدين فكرت وشفيت نهاية
رفيقاتي شلون صارت حمدت ربي اني اهتديت قبل فوات الاوان
وترى لك دور في هدايتي.

خالد: شلون انا مسويت شي!!.

هديل: بالعكس هاوشنتني وهددتني انك تفضحني ... مع باقي
الاحداث

والحين اسمح لي بروح يله اخليك.

خالد: هديل ممكن تليفونج شوي.

هديل: ليه شتبي فيه.

خالد: والله عادي بس ابي اشوفه..

وعطته هديل التليفون خذه وشافه وقلبه بين يده وشاف خلفيته
وخذ السلسله الي كانت في تليفونها ورد لها تليفونها وهي
مستغربه شيبى بالسلسله يعني.

خالد: هاذي السلسله بخليها عندي تذكرني بفتاه تائبة وردت لنا
سالمة وعلى فكره انا بغيت اشوف خلفية تليفونج لاني اخبر على
شاشة تليفونج صورة شفايف تعطي بوسه وقلت اذا غيرت
الخلفيه فهي تغيرت والحمد لله غيرتي الخلفيه واتمنى لج الصلاح
والفلاح

وتوه بيطلع التفت لها وقال

خالد : ياليت تتغشين لما تشوفيني ولا تشوفين حد غيري لاننا
مهب محارمج.

هديل: بس انا متحجبه عن الكل.

خالد: حتى ولو انتي ما تدريين عن جمالك فأحسن شي تغشي.

هديل: يصير خير.

خالد: الا على فكره وش مستواج الدراسي.

هديل: راسبه ثالث ثانوي.

خالد: عفيه عليج وتقولينها بكل سهوله بعد.

هديل : شسوي يعني؟

خالد: عيدي الثانويه وادخلي الجامعه.

هديل: انت ليش تسوي معاي كذا؟؟

خالد: لانج بنت جيرانا وصديقة اختي.

هديل: بس؟؟

خالد وهو يطالعها من فوق لتحت لحد ما اخرجها: بس ولا انتي
عندج حل ثاني.

هديل: كرية وممل حد قالك من قبل؟؟

خالد: لا والله بس الحين عرفت يله هديل اخليج عندي شغل

وراح عنها وطلعت هي من المطبخ وراحت للمجلس لقت اختها
بتطلع وبتروح وراحن مع بعض لبيتهن وكل وحده تفكر في الي
صار.

بشاير بالغنيمه الي غنمتها وخطتها الجهنمية الي قريب بتسويها

هديل وتفكيرها في كلام خالد ونظراته الاخير له كنه يقول لها
انتى من تكونين عشااان افكر فيج ولا وبعد الي عارفه عنج
اففف.

نرجع لبیت ابو فهد

وقبل الساعه خمس كانوا كلهم متجمعين وقلوبهم تدق وتدعي ان
الله ينجي في ويكون معها.

ابو فهد وابو ثامر وزوجاتهم والجدد والعمه كانوا شبه متاكدين
من اصابة في بحكم انها كانت زوجة جاسم وتوه مطلقها .

اما رغد فكانت شاكه ان علاقة في بجاسم علاقه رسميه مع ذلك
تتمنى ان في ما يكون فيها شي

وخالد وفهد مره يوديهم الشك ان جاسم ان صاب بعد الطلاق
ومره يقولون لا هو طلقها منا وهرب وانمسك بعدها بفترة
بسيطه.

كانت في قاعده ومتسنده على كتف فهد وخايفه انها تقرب حد من
هلها فهي كانت لاصقه في فهد من اول منزلوا من فوق لين
الحين ودق التليفون.....

والكل فز وطار قلبه والكل يراقب فهد وهو يبعد في عنه وياخذ

واتصلوا على نور وعبدالعزيز وقالوا لهم عن زواج في فهد
بدون ما يذكرون اصابة جاسم وانهم استعجلوا عشان فهد يبي
يتلاحق عمره وبعد جية نور وعبدالعزيز بيسون حفله كبيره تكون
بمثابة عرس لفهد وفي.

فهد وهو يكلم ابوه وعمه: عن اذنكم باخذ في وبروح عمره بكره
وبعدها بنقضي عشرة ايام شهر عسل قصير والايام الجايه
بنعوض بعضنا الكل ايده على رايه واستاذنهم وخذ في وراحوا
لجناحهم.

في جناح العرسان الجدد

كان فهد يطالع في وهي ترتب شنطتها وشنطة فهد

وهو محول عيونه عنها وكله يحمد ربه ويشكره ويتنهد ويتسال
اشلون ما انصابت بعد مخلصت تجهيز الشنط راحت خذت لها
شور سريع وجات تمشط شعرها الا الباب يدق وكانت العمه ع
الباب

واستأذنت فهد انه يطلع شوي وفهد مستغرب من تصرف عمته

فهد: من عيوني يا الغاليه انتي لو تباتين عندنا ما قلنا شي.

العمه: يا كذبك في ذمتي في ها اللحظة بس يله روح وبعد ما
اطلع

جات العمه وضمت بنت اخوها وقعدت تقرا عليها وتسمي بعدين
طلعت لها شي هي جاييته وكان قميص نوم راقى ومثير كانت
شاريته العمه لبنتها نور بس نسته في كبتها ما حبت انها تشوفه
على في.

في: لا عموه استحي ما اقدر البسه وبعدين قصير ومفتوح.

العمه: اقول اسكتي احسن لج ترى امج مستحيه لتجيج وتسوي
لج اكثر من الي اسويه لج يله تعالي اساعدج

لبستها وعطرتها ودخننها ودهنت شعرها بدهن العود

(كان من طبع في تدهن شعرها بدهن العود والمسك عشان كذا
غنى لها خالد ذيك المره مقطع اغنية علي عبدالستار بالمسك
والعود يدهنونه)

وخلتها تتمكيج وباركت لها وعيونها مدمعه دموع فرح وهذا
واضح من ابتسامتها.

في: عموه انتي فرحانه لي بالرغم من اصابة ولدج جاسم.

العمه: يا قلبي يا بنتي ولدي الله يكون في عونك ويساعده وانتي
وقفتي وقفه مع ولدي وشريتي ابوج وبعتي حبيج جاء الوقت الي
ترتاحين فيه وهذا هو الوقت جاء الحين حبيبتي خليني ازف لج
فهد واتمنى تكون ايامكم كلها فرح ويبعد عنكم الحزن

وقومتها وقعدتها على السرير وكانت قطعه مع شعرها الاسود
وبياضها مع لون قميص نومها الاحمر

(اللون الي يحبه فهد بجنون من يوم شافه عليها يوم حفلة
تخرجه)

وجات العمه وقالت لفهد

العمه :روح لزوجتك والله يبارك لكم ويخليكم لبعض ويسعدكم دوم
يا عيالي.

فهد: عمتي فيه شي ؟

العمه: لا يا حبة عيني بس حط في في عينك.

فهد: آه يا عمتي انتي بالذات عارفه شقد غلاة في في قلبي ولا
تحاتين

راح فهد لغرفته ومن دخل وهو يشم عطور وبخور ودهن العود
معبي الجو وفيه ملاك قاعط يطالعه وعلى وجهه احلا ابتسامه .

فهد ما قدر يتتنفس ولا يرمش يخاف يختفي ها الملاك الي قدامه
راح لها وقف جنبها وحبها على راسها وطلب منها تصلي معاه
ركعتين شكر لله وعشان يبارك لهم ببداية حياتنا.

بعد الصلاة خذها وضمها وضمها وضمها لحد ما اختنقت من
ضمته.

في : آه فهد هدني حرام عليك بختنق.

فهد: وانا شقول ذبحتيني شمسويه تبين توقفين قلبي اهون عليج
وكله كوم وها اللون كوم.

في: اوه فهد وخر يوز عن ها السوالف ترى استحي.

فهد: تستحين هاه لا والله ما أیوز عنج لآخر يوم بعمرى يا
عمرى.

في قالتها بدلع: قوووول احلف.

فهد: وشذا قول احلف.

في: لاني غير حتى كلامي غير.

فهد: انا اشهد انج غير

وقضوا احلى ليلة عمر تمر بعريسين كانوا من لحظات مبشرين
بالموت والفرقا بعدها بشروهم بالحياه والسعاده والايام الي كلها
حلاوه وعسل وناموا في احضان بعضهم لحد ما طلعت عليهم
شمس يوم جديد مبشر بالوعود والعهود وعدم الفراق .

فتحت عيونها لفته يطالعها وينفخ في وجهها بشويش عشان تقوم
له معاد يقدر يستحمل بعده عنها حتى لو كانت نايمة جنبه .

في: صباح الخير.

فهد: صباح الحب صباح الشوق صباح حب فهد لفي .. يله قومي
ما استحمل اقدي خليني اكحل عيني بشوفة عينج

وتوها بتقوم بتحرك تقوم ما خلاها

ضمها وتم يبوسها وكل ما حاولت توخره ما فيه امل بعد ساعتين
من العراك اللذيذ استسلمت له وهي كلها سعاده وحب وكانت

قاعده تمشط شعرها ولا بسه بتنزل لاهلها لانهم بعد ساعه
بيروحون للمطار وقف فهد يلعب بشعرها وقال لها خواطر جاشت
في خاطره.....

اتغرب واسافر عن عيونك واجيك....

واتحري من اللهفه يجيني عطاالك....

واهجرك واتناسى ... واذكرك واحتويك....

شفت كيف الغلا خلاني امشي وراك....

والله انك بقلب الصاحب الي يبيك....

لكن الوقت عيا... لا يحدد لقياك....

ضمني يوم ما لك بالحنايا شريك....

بس انا..... وانت والثالث.....

حبيبي هواك
(منقول)

في: آه من حبك فهد خلني اتنفس حبك....

فهد: اشفيه حبي اخنقج خلاص مراح اعبر لج عن حبي ويله
قدامي خلينا نروح لهم نسلم عليهم ونتغدا معهم ع السريع مع انه
مهب وقت غدا قده عصر كله منج اخرتيني عن هلي....

في ولع وجهها لما فهمت شقصده واحمرت وخبت وجهها بيديها
عنه.

فهد جاها وفك يديها

فهد : ارجوج لا تحرميني مناظر وجهك الغالي وبعدين لما نكون
بروحنا ابغي اسالچ كم سؤال في بالي من البارحه يلحن علي بس
اخرتهم حتى استفرد فيج.

في: ههههه وهي كلش ما لها وجه تطالعه خجلانه وعارفه
هو شيببي يسأل عنه؟

وانتوا متابعيني يا الأحباء عرفتوا فهد شيببي يسأل في عنه ؟ ولا
؟!

خلكم معاي وبتعرفون الاجابه....

..._ـ*TM £ البارت الثاني عشر £_ـ*TM ...

حكمه

بعد ماسافروا فهد وفي

وعمروا بحمد الله بعدها راحوا لتركيا وقعدوا فيها اسبوع وبعدها
راحوا لليونان عشرة ايام واستانسوا وما خلوا مكان الا وراحوا
له

داروا ولفوا وصوروا في كل ركن صور للذكرى وخذوا الهدايا
للاهل

عشرون يوم من السفر ردوا معاريسنا الجدد للبلاد وهم سعداء .
اما معاريسنا .. نور وعبدالعزيز فهم بيوصلون للبلاد بعد يومين
واتفقت العايله على كتمان خبر اصابة جاسم عن اخته وزوجها
وشل فايده من اخبارهم بشي يغتهم واتفقوا يسون للمعاريس
حفله يجمعون معارفهم ويشهرون زواج فهد وفي
في: رغد تعالي نحجز لنا للشعر والمكياج من الحين لنا احنا
الثلاث.

رغد: وانتى الصادقه هبابنا
وحجزوا حناء لان في في خاطرها تتحنى لعرسها ولا تحنت لا في
عرسها الاول ولا الثاني.

خالد دخل عليهن وهو مستانس جاته بعته لمدة ثلاث شهور من

شغله وقال لهم ترى بعد مجي بفاجئكم بشي حلو.....

فهد: وشهو يعني بتعرس.

خالد: وانت من اعرست تبي كل الناس تعرس مثلك؟؟

فهد وهو يطالع غلا حياته: لا والله ما فيه حد مثلي انا الله عطاني ملاك.

رغد: اقول راعوا مشاعري ولا تخربوني تراني صغيرونه.

فهد : وين صغيرونه انا اخبر عبدالعزيز اخوج قد قال لي مره ان رفيقه ومساعدته نايف قد لمح له انه يبي القرب منا.

رغد: من رفيق عبدالعزيز؟؟

فهد : نايف ماغيره

فهد : هذاك الي معاه في الرالي المعصقل لا والله انا ماني بايعه روحي بطل رالي يروح يسابق في يوم ويردلي مكسر لا الله الغني انا بكمل دراستي بعدها يحلها الف حلال.

في: ايه يوم عرس نور حضروا اهل نايف وحتى بالاماره امه واخته سالوا عنج وناديتج اذا تذكرين تسلمين عليهم.

رغد: ايه اذكر واذكر الاخت تبي تتعرف بس انا انشغلت ولا قعدت معهم يلّه الله يعطيهم بعيد عني ههههه.

فهد خذ في وراحوا جناحهم

وقعدوا يسولفون سوائف عشقهم وغرامهم ووصلت نور وعبدالعزيز وفرحت العايله بجيتهم وطبعا سكن عبدالعزيز مع عمته لعل وعسى يقدر يعوضها عن فرقى ولدها لكن هيهات.

وفي يوم الحفل

وكان في بيت الحمد

مقام وكان اشبه بعرس مهب حفله استقبال للمعاريس الاربعه وحطوا كوشتين وطبعا بشاير واهلها معزومين وقالت هذا وقتي اضرب ضربتي وافرق شملهم وكانت الحفله روعه وقمه من قمم

الترتيب والفخامة والتنظيم لما يكون وراه العمه بكل ثقلها وام في
بكل فرحتها ببنتها الوحيده وعلى الساعه تسع طلعت العرايس
على اغنيه خاصه مذكور في الاغنيه اساميهن
وقعدن على كوشتهن وتمن يصورن ورقصوا كل الموجودين
والكل جامل ها العايله الي لها باع طويل في مساعدة الكل
بعد ساعه دخلوا الابوين وسلموا على بناتهم وصوروا معهن
بعدها جوا معاريسنا وقعدوا جنب عروساتهم وكله هذا تحت نظر
بشايرالي كلها قهر وموت اشمعنى في تعيش سعيده مع فهد وانا
هنيه اموت

بقهري ما يكفي انها حرمتني من حب عمري .
فهد وهو قاعد جنب في في الكوشه وماسك يدها يطالع حناها
ويناظر محياها طلب من رغد تجيب له شي هو تاركه عند الباب
راحت رغد وجابت مطبق مخمل (احمر هههه)
وكانوا المعازيم مستغربين شذا الي بيقدمه فهد لزوجته .
قام فهد من الكوشه وقال لهم وهو يضحك اسمحوا لي بلبس
عروسي الشبكه متاخر شوي لان يوم املكت عليها خذتها ثاني
يوم وسافرنا ولا امداني اقدم لها لا دبله ولا شبكه ولا صباحيه .
ووقف في

ولبسها دبله الماس تبرق مقرون فيها حرفين ال f ببعض بعدها
لبسهل ساعه من جفنشي وعقد الماس من كارتير من حلاوته

خطف انظار المعازيم من بريقه بعدها ختمها ببوسه على راسها
وحول جبينها بعدها نزل على خدينها وتوه ببوس شفتها وخرت
عنه وهي تخزه بذيك النظره الي وقفته عند حده

في: صدق استخفيت " وهي منخرجه جلست على كوشتها.

اما عبدالعزيز فكان ميت ضحك على حركات المراهق الكبير وهذا
لقب اخوه عنده.

نور وكانت في قمة كشختها وكانت حاطه على شعرها وجهها
شال يناسب لبسها وهي تضحك على حالة في راح فهد وقعد جنب
في وهو يحاول يكلمها وهي ساكته ومنزله راسها ولا ترد عليه .
ودخل خالد وخلا الجو كله انتعاش وطرب

وطلب فهد من خالد اغنيه خاصه لعروسه وحبيبته في لمطربهم
المفضل عبدالكريم عبدالقادر (الصوت الجريح بو خالد) وكانوا
المعازيم يسمعون فهد وهو يطلب الاغنيه وهو يهديها لعروسه
وقال لعبدالعزيز ونور خلونا نرد وراء خالد المقاطع الاخير .
خالد وهو مركز عيونه على هديل الي حاطه لثمه ومطلعه عيونها
الي كلها اغراء وجاذبيه غمز عينه لها

خالد : هذه الاغنيه اهداء من المعرس فهد لعروسه في

وشاركوني الغناء..

وقد يدق ويلحن بعدها غناها بصوته
آه يا الاسمر يا زين حبك اسرني ودلائك غير الواني

يا منى الروح والعين

الشوق امرني واطيعك وانسى خلاني
الشوق امرني واطيعك وانسى خلاني
سهمك جرحني وغرامك تيهه افكاري
شوقي فضحني وبيع بالهوى اسراري
(رددوا وراه رغد ونور وعبدالعزيز وفهد)

الشوق امرني اطيعك وانسى خلاني
الشوق امرني اطيعك وانسى خلاني
جانك دريت فيني بالك تخليني
(رددوا عليه الشوق امرني اطيعك وانسى خلاني)
من يوم عرفتك وطعم النوم ما ذوقه
ياليت ما شفتك وقلبي عرف شوقه
رددوا وراه الشوق امرني اطيعك وانسى خلاني
جانك دريت فيني بالك تخليني
وسلامتكم ..

وشكرا على الكورال الي رددوا معاي وبتسمت في لفهد لان هادي
الاغنيه دايمًا تغنيها له لما يكون زعلان منها وتم يطالعها ويتغزل
فيها.

خالد : هيه يا حلوين بهديكم اغنيه حلوه لمطرب احلى واهديها

لناس خاصين علي وان شاء الله تعجبكم
الاغنيه لا خطبوط العود عبادي اسمها اصدق
ودق واجاد الدق وعينه ما فارقت هديل
تدرين تدرين من انتي !؟

تدريـن انـك لي غديـتي كل شي وانـك غديـتي شمس ليلي وفي
الهجير في

وانـك اصدق ما كتبت

وانـك آخر احزاني وفرحي لا ضحكت وانجرحت

وانـك غديـتي يا عذابي اعلـى من حبك علي

قبل احبك..... يا مكذبني القصيد

وبعد احبك.... صار تكتبني القصيد

هو يوصفك بسمة وطرف

وانا اعشـقك في كل حرف... وكمل الاغنيه وهو في كل بيت يناظر
هديل

-

وكانت هديل محتاره تصدق عيونها ونظرات خالد لها ولا تقول لا
هو عارف ماضيـي الوسـخ مراح يفكر فيني.

بعد ما خلص خالد الاغنيه شكرهم على حسن استماعهم وطلع بعد
ما حب راس جدته ومر من صوب هديل وقال بصوت واطي محد
سمعه غيرها

خالد : حاولي تطلعين شوي وروحي وراء المجلس ابيع ضروري

.....

وطلع راح فهد مع في ونور مع عبدالعزيز وقدموا العشاء
لمعازيمهم اما هديل فراحت مثل ما قال لها خالد وحصلته ينظرها
وهي مستغربه من طلبه

هديل: هلا خالد بغيت شي وكانت تلتفت وراها خايفه حد يشوفها.

خالد: خايفه هديل؟!

هديل: اكيد اخاف وش فاكـرني ؟!

خالد وهو يتنهد ويقرب منها يبـي يشوف ردة فعلها على التصرف
الي بيتصرفه معها : هديل قربي مني تعالى

مسك يدها كنه يبي يضمها بس هي مخلت له مجال صكته كف
على وجهه ودزته بكل قوتها
وهي طايره : اكرهك يا خالد اكرهك كنت اظن اني احبك بس
الحين اكرهك.

خالد بهت ووقفت انفاسه شقالت تحبني والحين تكرهني!!
خالد : لا يا هديل لا تحبيني لاني مدري شقول وتم واقف
يطالع المكان الي اختفت فيه بعدها راح طلع من البيت .
نرجع لعشاء الحريم

كانت رغد تحط عشاء لجدتها الا بام نايف تقرب منها وتسالها
عن الاحوال وين وصلت في دراستها ؟
رغد في نفسها يا ليل ما طولك وشذا النشبه
رغد: بخير جعلج بخير خالتي
شوي وجات بنتها واستلموا رغد سوائف واسئله وهي تضحك في
وجيهم وترد على اسئلتهم بعدين استاذنت منهن وهي تغلي
داخلها ذولا من عزمهم اكيد امي بطلب من عبدالعزيز .
هديل بتطلع وهي بروحها
رغد : وين بشاير؟

هديل وهي متضايقه من الي صار : مدري عنها كانت هنيه من
شوي استاذن انا بروح.

رغد: شفيج هديل عسى ما شر كنتي من شوي شحلاتج والحين
كنج متضايقه .؟

هديل: لا ولا شي بس نعسانه وابي انام يله بروح وطلعت تمشي
على رجليها لان بيت ابو هديل يفرق بيته عن بيت الحمد شارع
واحد

وصلت البيت لقت ابوها يتهاوش مع امها كالعاده اما بشاير
فكانت قافله على نفسها الباب دقت عليها هديل ولا ردت راحت

هديل لغرفتها وغيرت وقعدت تفكر بالي صار وما قدرت توصل
لنتيجته

هديل : هو شيببي مني يبي يلعب معي بس لما غنى الاغنيه
حسيت انه يقصدني وانه يحبني بس انا غلطانه هذه ثاني مره
يغلط بحقي وانا ساكتة له.

اوه يا ربي حاولت تنام ونامت وهي محتاره من الي صار لها .
عند عبدالعزيز ونور

نور: عبدالعزيز شفت تصرفات اخوك مع في والله انها فله ها
الحركات.

عزيز: ايه عاد انتن تموتن بالي يدلعن ويظهر ها الدلع قدام
الناس.

نور: عيل شلون خلهم يشوفون الحب على اصوله .
عزيز: نوروه تعالى ليش قاعده عند التسريحه وتسولفين كني
وحده من ربيع تعالى.

نور بدلع : شتبي .؟

عزيز: لا سلامتج

وحط نفسه نايم وخلاها جات هي وشلت راسه وقربت خشمها من
خشمه وحركته.

عزيز: لا والله اخوج انا تعالى براويج شلون تراضين زوجج .

نور: لا عزيز لا والله تعبانه ابي انام.....

عند فهد وفي

في بعد ما غيرت ولبست ملابس النوم المغريه الملفته لنظر فهد
جات وقعدت على طرف السرير : فهد ممكن اعرف شكنت ناوي
عليه الليله لعنبوه ما بقى الا تبوسني على شفتي وقدام العالم
شنو هذا .؟

فهد: وهو حاط يده تحت راسه ويظالعها

وهي قاعده بعيد عنه عشان تقهره.

فهد: عادي زوجتي وانا حر فيها ولا عندج مانع.؟؟

في: لا والله بس دواس بيمر علينا ياخي استح خليتني وسط
هدومي وبعدين ليش ما قلت لي انك تلبسني قدام الكل بس تصدق
مفاجاه حلوه.

والاحلى اهدائك لي اغنيتك المفضله الي تحب اغنيها لك وصاير
لي مع اخوك ومرته مجرد كورال تردون وراء حبيبي خويلد.
فهد: منهو حبيبج ؟

في وهي تتمغط : حبيبي خويلد
قام فهد من سريره وراح عندها ورسها ع الطوفه
فهد :لها قولها مره ثانيه.

وهي تبي الفكه منه في : حبيبي وحبيب عمري فهوذي.
فهد ارخى مسكته بس ما فكها : ايه خليج كذا ولا والله ما تشوفين
الا ذاك الكف الي يعدل صدوغج.
في: قول مره ثانيه شبتسوي؟؟
وهي تقرب منه وتحط يديها على رقبته وتسبل بعيونها :قول شنو
بتعطيني ؟.

فهد: بعطيح هذا وعطاها بوسه ولا اروع دوختها وختها
تمسكه عدل لا تطيح

شلها وحطها على ريوله وقعد حاضنها ويطالع عيونها .
فهد : في والله احبج واخاف انج تضعين مني حبيبتي لا تخليني
تكفين.

في: ليش تقول ها الكلام انت عارف انه ما فيه شي راح يفرقنا
غير الموت.

فهد: ارجوج لا تطرينه بغيت اموت ذاك اليوم الي شكيت انج
ممکن تورحين مني.

في: الحمد لله الحين انا معاك لحد ما نشيب وتمل مني .

فهد: امل عمري ولا املج مميمم

في بغيت اسالچ سؤال بس انتي كله تلفين وتدورين لما تشوفيني

اجيب طاريه وذا الليل راح تردين طرتي حليتي بتردين .

في وهي تتثاوب: شنو متقدر تاجل سوالف لبكره .

فهد: فيوه!!

في: لبيه يا عمر وغلا وقلب فيوه انت اسال وامر وشوف شسوي

فهد: ابيه خلاص رحت فيها كل ذا الكلام الحلو لي ؟

في: لا لأمي.

فهد: ههههه تستاهل الخاله منيره هالي تعبت وحابتج لي تستاهل

الغلا كله

المهم انا عرفت ليش ما انصبتني بالمرض لانه ما قريج ممكن

اعرف شلون قدرتي عليه الي اعرف انه اقوى واضخم منج

وفوق كل ذا يعشقج وما سوى الي سواه الا من حبه لج .

وفي شرحت له في اتفاقهم وانه كذا مره بغى يخرق ها الاتفاق

بس هي كانت تهرب منه واخر محاوله قبل لا يسافر بيومين حتى

انها جرحت يده ومن كذا خفت عليك ذاك اليوم يوم اترجاك تبعد

عني قلت يمكن من جرحي له صار لي شي بس الحمد لله ربك

كريم ورحمني برحمته الواسعه وقالت له عن قصته مع بشاير .

فهد : انزين انا شفته وهو يضمج قبل لا يسافر آه في ذاك اليوم

كنت في سيارتي وشفنتج معاه تعرفين شفكرت فيه بغيت ادمج

وبعدين ارواح انتحر يا ربي الغيره تذبح صاحبها .

في: خلاص ارتحت الحين .

فهد: لا انتي ليش ما عشتي معه كزوجه عشان تحبينني وتكرهينه

ولا ايش السالفه .

في: تقدر تقول اني معاهده ربي ومعاهدتك اذا ما كنت لك مراح
اكون لغيرك هذا اول شي ثاني شي هو اجبرني على شي انا ما
ابيه وحاولت بكل قوتي اني احتفظ بشي من نفسي لنفسي.
فهد وهو يضمها يبي يحسسها بالحنان وانها مراح تتعرض
للضغط والحزن دامه عايش معها.

ومرت ثلاث شهور

على ها الليله الحلوه وكان القدر استكثر عليهم الفرح جاء فهد
اتصال من الصديق الي في لبنان يبلغه خبر مفجع ان جاسم توفي
بسكته قلبيه ويبون من هله يجون يستلمون جثته يدفنونها في
بلاد.

فهد انصدم

هو يعرف ان جاسم مسيره للموت بس مهب بالسرعه يا رب
شلون ببلغ عمتي راح لفي وطلب منها تساعده على عمته حزنت
في على جاسم والي سواه في روحه وطلبت له الرحمه وراحت
هي وابوها وفهد لعمتها.

وتوهم يسون لها مقدمات عشان ما يصدمونها قالت لهم :
جاسم صاير له شي صح مات ها ، ، ها ردوا .. البارحه جاني في
منامي لابس ابيض ويطلب مني اسامحه ويوم جيت ابي المة
هرب مني وهو يقول لي سامحوني وقولوا لي بدون لف ودوران
جاسم توفي.

في وهي يضمها لصدرها: عموه جاسم يطلب منج البيحه حاليه
ولمتها وسمعوا في ذا اللحظه صرخة نور الي توها نازله من
فوق وسمعت اصوات نزلت تشوف من وسمعت كلامهم طاحت
جاها عبدالعزيز وشلها

وبلغوا عماد جاسم وسافروا جابوا ولدهم عشان يدفنونه جنب
ابوه وقبل لا يودونه يدفنونه جابوه لامه واخته يلقون عليه

النظره الاخيرہ شافته امه وحبث راسه وجدته كذلك اما باقي
الاسره القوا عليه نظره من بعيد وجات نور تبكي تبي تحب
اخوها مسكوها خايفين عليها

عبدالعزيز: خلوها

قعدت جنب نعشه وكشفت عن وجهه وحبث راسه وقالت فيه
قصيده انفطرت قلوب اهلها وخلتهم يبكون عليها وعلى حالها
وحال امها:

طلبتك يا ابونوره لا تغني الاماكن
تراك في غناك ذي بالحيل تطعني
تذكرني بصاحب غلاه داخل القلب ساكن
افتقدته كثير وليته داري عني
الاماكن كلها مشتاقه لك تثري بي سواكن
تقطع رمايم القلب واصيح منها واوني
على صاحب عزيز وغالي فداي وفداكن
توه بعمره سنه من صغر سني
خذاه الموت في مرض وافتقدته ولكن
راح وتركني وانا لشوفته والله احني
ليته يجي ويشوف عيون عليه تباكي
ليته يرجع لي ثواني ويدري باني
افتقدته حيل واتعذب لامن حمت الاماكن
ليته والله ياليت وليت يفيد التمني
من عقبه لون ها الكون ار داكن

يا عسى يرحمه ربي وياعساه بجنة الفردوس متهني { للشاعر
منصور الشادي }

بعدها طاحت في حضن امها وخذوا الرجال النعش وراحوا
يدفنونه واقاموا العزاء في بيت خواله للرجال وفي بيت امه

للنساء واستمروا الناس بالتوافد على بيت الحمد يعزون مدة
اسبوع كامل وفي مره اثناء العزاء راح خالد لمطبخ عمته يبون
زيادة قهوه واشياء ثانيه

راح لقي وحده معطيته ظهرها با العبايه وظنها في ولا رغد
صوت عليها التفت شاف هديل بدون غشوه ويوم شافته تلثمت
عنه...

هديل: هلا خالد عظم الله اجره بك بغيت شي.
خالد كان يطالعهها تغيرت عن اخر مره شايفها.
واول ما شافته تغطت عنه.

خالد: اجرنا واجرج شلونج بشريني عنج.
هديل : الحمد لله تمام ومبروك على نجاحك ف دورتك
(خالد كان في دوره لمدة ثلاث شهور وتوه راد امس)
خالد: الله يبارك فيج كيف دراستج.

هديل: الحمد لله نجحت في ها الكورس وان شاء الله ما بقى على
امتحانات اخر السنه الا ثلاث شهور.

خالد: شدي حيلج ايه نسيت بغيت ماء صحه بارد اكيد في الثلاثه
شوفي

راحت للثلاجه وفتحتها وطلعت له كرتون كامل وشلتة وعطته
اياها.

خالد يوم شافها شاله الكرتون تقدم صوبها ما يبيها تشله قال لها
: عنج هاتيه

وخذ الكرتون منها وفي ها الاثناء لامست اصابع يده اصابع يدها
بدون قصد.

على طول التفت خالد لها شافها منخرجه وعلى طول راح عنها
بدون ما يقول لها شي وقعدت هديل تفكر فيه هو متغير ولا انا
المشتاقه لشوفته يا رب ساعدني عليه.

اما بشاير من عرفت بخبر موت جاسم فهي منهاره وتدعي على
في بالموت وبعد يومين راحت تعزي ويوم شافت في بروحها
قالت لها بشاير: ارتحتي الحين ؟
في: شها الكلام استحي على وجهج الي اتكلمين عنه تراه ولد
عمتي.

بشاير: واضح عذبتيه لين طلع من الدوحه بعدها من الدنيا كلها
بس والله لانتقم منج والله لا ذوقج من الكاس الي ذوقتيني منه .
في: شتخربطين انتي صاحيه وفي وعيج ولا - لا .
بشاير: معلية بتشوفين.

في شافت هديل واقفه وسمعت تهديد اختها لفي : في الله يخليج لا
تزعلين منها انتي عارفه هي شقد كانت تحب المرحوم .
في: وانتي تعرفين انها كانت تحب جاسم ؟!
هديل: ايه وياما نصحتها انها متحب انسان مقفي كان واضح انه
ما يحبها بس هي الله يهديها دايمًا تتكلم عنه كنه بيبي بكره
بيخطبها.

في: هديل اختج من زمان تحب جاسم؟
هديل: من يومها صغيره وهي متعلقه فيه وهو يدري عن تعلقها
فيه وكان مرات يعطيها ويه.

هديل: انا بروح وبجيكم بكره ولا عندج مانع .
في: آفا يا هديل ليش تقولين كذا عشان بشاير قطت كم كلمه وهي
معصبه لا يا هديل احنا خوات من يومنا صغار لا تخلين رغد
بروحها ترى دايمًا انا ونور مشغولين بحياتنا الزوجيه ونور
بزياده لانها في اخر سنه وحامل فخليج مع رغد ونور تراهم
محتاجين الونس

(نور حامل بثلاث شهور اول ما اغمى عليها يوم درت عن وفاة
اخوها وجابوا لها دكتوراة خاصه بلغتهم بحملها)

وفي فترة العزاء كان عبدالعزيز كله محوط نور قلبه بحبه وحنانه
وكان ما يفارقها ويطبطب عليها وخصوصا انها حامل وامتحاناتها
على الابواب.

اما في وفهد فكانوا مع بعض يواسون الاسره وفي نهاية اليوم
يقعدون مع بعض كحبيبين ويحاولون ينسون جاسم والي صار له

ام جاسم استسلمت لقدرها وحطت همتها في بنتها نور وتهتم فيها
وفي صحتها وصحة الياهل الجاي في الطريق واتفقوا اذا كان ولد
يسمونه جاسم.

في اخر يوم من العزاء اتصل خالد في رغد يبيها تجهز له ثوب
وفانيله من بيتهم وتجيبيه في الحوش تعطيه اياه بس هي تعذرت
انها جالسه مع نور ورفيقاتها الي جايين يعزون نور.

خالد: اوف منج خلاص مبني منج شي وسكر
بعد شوي قالت خلني اروح له اشوف شيبي بالثوب وليه ما يروح
لغرفته يبدل؟؟

راحت لبيتهم وراحت لغرفة خالد تبي تاخذ الي قال لها عليه
وتوها تجهز له الا يطلع لها واحد من الحمام وهو ينشف وجهه
تخصرت له وقالت

رغد: الله يعني جيت عيل ليش طالب مني اجيك واجهز لك ثياب
هي السالفه بس تبي تتعيني ما تخلي سواالفك
والواقف قدامها ما شال الفوطه عن وجهه ما يبي يخرجها وثاني
شي يبي يسمع ها الصوت الحلو

رغد: هيه خويلد رد علي يا مال العافيه ولا رد عليها.
رغد: اقول منت بصاحي راحت صوبه وسحبت الفوطه من يده
وشافت واحد مهب اخوها وكان يطالعها بتركيز ومبخلق عيونه
في عيونها وهي انشل تفكيرها من ؟

وشيبي في غرفة اخوها وتموا يطالعون بعض فتره لحد
يا ترى من يكون هذا الشخص الي في غرفة خالد وجات رغد
عنده وشافته في غرفة اخوها وع بالها انه اخوها بانتظار
ردودكم لا خلا ولا عدم....

..._--*TM£ البارت الثالث عشر £TM*_--_...

حكمه

كانت رغد تناظر ها الريال الي في غرفة اخوها وهي مستغربه
وش الي جابه لحد هنا وتوها منتبه لنفسها انها بدون غطاء على
وجهها وشعرها افترت بتطلع الا هو يناديها : لحظه رغد التفتت
عليه وهي مستغربه منه ومن جرأته (طبعا هي عرفته

رغد: نعم اخوي بغيت شي.

نايف: اسمحي لي بس ابي اقول لج ... اني مهيب قصدي
اخوفج ولا أزعج السالفه ان القهوه انكبت علي واقترح علي
اخوج اغير في غرفته بعد ما اكد لي انه ما فيه حد في البيت من

الحريم فعذراً.

رغد: معليه خذ راحتك وتوها بتطلع الا تسمع صوت اخوها فهد
تخرعت ومن الخرعه راحت تخبت وراء نايف نايف خذها ودخلها
الحمام وسكر عليها.

فهد لما شاف حجرة خالد مفتوحة راح صوبها ولما لقي نايف
ينشف يديه ويبي يلبس غترته استغرب وجود نايف في غرفة
خالد : شرح له نايف الوضع قام فهد وقبل لا يطلع قاله: اه
اخلص والحقني للمجلس وطلع بعد مطلع بشوي دق نايف على
رغد الحمام الي كان قلبها يدق مثل الطبول وطلعت وهي حاطه
الغشوه على وجكها

نايف: اسف والله اسف ما كان ودي تنحطين في ها الموقف
بسبتي يله عن اذنج استرخص وطلع وخلاها واقفه راحت قعدت
على السرير تبي تهدي نفسها بعدين تروح لبيت عمتها.

ومرت ايام العزاء وانتتهت وكل التهي في حياته.

في طلعت شهادتها واشتغلت في بنك قسم نساء بعد موافقة فهد
الي ما رضى انها تشتغل لانهم مهب محتاجين بس هي اقنعتة اذا

مرتاحت بتطلع نور كانت حزينه بس تأقلمت على حياتها كانت
تدرس بجد عشان تتخرج وترتاح وكان الحمل متعبها بس حب
عبدالعزيز وامها وعنايتهم بها مهونين عليها الامر.

خالد وهديل الوضع تم على ما هو عليه لا كلام ولا شوفه اخر
مره شايفها يوم العزاء الشباب وضعهم عادي.

نايف تقدم لرغد وطلبها رسمي وبعد مشاورات هي رفضت
حاولوا فيها تفكر وتستخير لانه ولد ناس طيبين ويكفي انه صديق
عبدالعزيز بس هي رافضه الزواج الحين.

وخلوها وبلغ عبدالعزيز وهو خجلان نايف رفض اخته.

فكرة الزواج والله يعوضك عنها – تقبل نايف كلام عبدالعزيز وهو
حزين لانه كان خاطره في البنت وخاصه بعد ما شافها عن قرب
وعشق جمالها الطفولي البري.

نروح لبشائر ونشوف شناويه عليه

بشائر وصلت عندها غيرهه والحد والغل من في التوب جهزت

الصورة وارسلتها لجوال فهد واستانست ان ام جاسم غيرت
ديكور بيتها قبل زواج نور لان خلفية الصورة ديكور بيت العمه
الاولي واكيد فهد من الغيره على في مراح يركز

كان فهد مشغول في اجتماع في شركتهم ولا شاف الرساله الا بعد
ما وصل البيت وبعد ما تغدى راح يستريح في غرفته وكانت في
في الحمام لما شاف المسج صرخ من هول ما شاف شاف وجه
صورة في وهي تضحك وميته من الوناسه والفرحه وفيه واحد
شالها من خواصرها ويدور ويلف بها بس وجهه مهب باين ركز
فهد يمكن يكون جاسم بس هذا شعره باين من تحت الغتره مهب
ناعم نعومة شعر جاسم من يكون الي شال في ويدور بها وهي
فرحانه فيه- طلعت في لما سمعت فهد يصرخ.

في: عسى ما شر اشفيك !؟

فهد ما جاوبها عطاها جواله وخذته منه وتمت تطالعه وهي
مستغربه من صورتها وشجابها لجوال فهد .

في: وشفيتها الصورة ومن مرسلها لك .

فهد وهو يطالع الرقم رقم غريب شوفيه تعرفينه - شافته قالت له

: لا ما اعرفه بس انت اشفيه وجهك متغير !؟

فهد: لما تجيني صورة مرتي وفيه واحد شالها ويدور بها ولا
عرفت من ذا شتبين يكون شعوري.

هنيه في انتبهت ان فهد ما عرف الي معها في الصوره.

في: انت شرايك يعني تظن من الي معي وقبل ذا من مرسلها لك
وشيبي يوصل له بارساله هذه الصوره لك وشلون وصلت
صورتني للمرسل الي ارسلك.

فهد انتي ليش الموضوع عندج عادي وليش اعصابج بارده ومن
قلت لج مثرتي ولا صرختي ولا قلتي وين وليش؟

في في خاطرها شك بسيط من فهد حبت قبل لا تظلمه تشوف هو
شرايه في السالفه.

في: انت اشرايك في الي تشوفه.

فهد: اشوف زوجتي ماسكها واحد ويدور فيها ولا عرفته وبعدين
شلون وصلت صورتج للشخص الي مرسل لي ها الصورة .

في: انت لين الحين ما قلت لي رايك .

فهد: وهو يصرخ في وجهها شنو يعني شرايي من ذا الي معج
في انا مبى اظن ولا اضرب اخماس في اسداس من ذا ؟ .

في: مدري انت اعرفه بنفسك ؟

مسكها فهد في من هذا ركزي عدل يمكن تعرفينه قولي لي .

في: انا ما اعرفه قلت لك اذا عرفته قل لي .

فهد: في انتي فيج شي ليش ساكتة المفروض تستنكرين
وتتروعين بس الي اشوفه انه ولا همج ولا كن الصورة صورتج .

في: سؤال اخير : انت تشك فيني .

فهد: لا – لا ما اشك فيج شنو اشك فيج بس اسألج من ذا لانج
في الصورة تضحكين له بس.

في: وانا اقول لك انت تشك ولو 1. %

فهد: لا كم مره اقولج لا في خلي عنج اللخبطة في الكلام من الي
صورتج ذي عنده وطرشها لي وش مقصده من ارسالها هل يبي
اني اشك فيج واذا صدق تحليلي من يكون ها الشخص.

في وهي تغلي: مدري العلم عند الله وخرت عنه وخذت الجوال
وتمت تشوف الصورة وهي عارفه ان الي معها هو خالد وكانت
رغد تصورهم يوم صباحيتها بس وصلت صورتني لمن عشان
يرسلها لفهد وهل ظني صج ولا مجرد ظنون.

راحت لرغد وجوال فهد في يدها استغلت وجود فهد في الحمام
ودشت عليها وسكت الباب وبدون مقدمات راوتها الصورة وقالت
تذكرين ها الصورة رغد بعد ما شافتها ايه هذه صورة خالد وياج
يوم صباحيتج.

في: وشلون وصلت لجوال فهد.

رغد: فهد وشلون والله مدري.

خذت جوالها وراحت تبحث عن الصورة مالقتها وقالت لفي والله
كانت موجوده هنيه وين راحت وتمت تدور عليها فتره بس
محصلتها.

فهد وهو واقف ويطالع في : شتدورين عليه رغد؟

رغد بكل براءه الصور هالي في جوالك كانت في جوالي ودورت
عليها مالقيتها.

فهد وعيونه مازالت على في : وتهقين من خذها ومسحها
وطرشها لي.

رغد: مدري والله مدري.

فهد: بسيطه رغد خلي الموضوع بيننا لا يطلع وانا بعرف الي
خذها من جوالج يله في نروح لجناحنا.

في وهي عارفه ان الليله مراح تعدي على خير فهد انا تعبانه ابي
انام عند رغد روح وبجيك الصبح اوقضك.

فهد وهو طالع امشي قدامي ونظرها عند الباب لين طلعت – يله
رغد تصبحين على خير ولا تهتمين هاذي حركة ناس سخيخين
وراح اوقفهم عند حدهم وشكل ما قلت لج مبي الموضوع يتشعب
لا حد يدري وفي غرفته طالع في وعيونه كلها تسأل: ليه في
اسالك بدل المره مرات منذا وانتي تقولين معرفه ليه!!

في :لاني من شفت عيونك وفيها شوية شك حزنت على نفسي
وقلت بشوف انت تشك فيني ولا – لا.

فهد: انزين انا رديت عليج ما اشك فيج ليش ما قلتي لي ليه
رحتي لرغد وسالتيها.

في: لاني اول ما شفت الصوره عرفت ان الصوره عند رغد
ورحت اشوف عاذاها عندها ولا –لا وقلت يمكن رغد تضحك معنا
وتبيك تغار قامت ارسلت الصوره بس انصدمت صدمتين صدمه
نظرة عينك وصدمة عدم معرفة رغد بالمرسل وعدم وجود
صورتي في جوالها.

فهد: لين الحين مبردتي قلبي اه منج يا في ليه تسوين فيني كذا
كان من اول ما شفتي الصوره بردتي على قلبي الي انتي ساكنته
ومحتلته ليه كل ها اللفه.

في: فهد ها الموقف ما يذكرك بشي.

فهد: الا اذكر يوم دبلج ولد عمتج صوري مع حبيبته وانتي
صدقتي والحين تبين تقولين لي كما تدين تدان يعني.

في: انت كنك بتصدق الي في الصوره لانها واضحه انها صورتني
بس ما عرفت هوية الرجل وانا الي شفته صورتك الواضحه بس
لازم تكون واثق مني بعد الاربع شهور الي تزوجنا فيها انا ما
فارقتك دقيقه وقبل كنت في ذمة جاسم ولا مكنته من نفسي
فشلون تشك لو لو لو دقيقه فيني.

فهد سكت ها الشيطانه شلون عرفت انه شك شويه بعدها طير
الفكره من راسه.

في : تبي تعرف شلون عرفت انك شكيت دقيقه بعدين تعوذت من

ابليس لاني يا فهد تربية يدك من وانا عمري سنه وانت تربي
فيني صدق امي وابوي ما قصروا معي بس لاني كنت لعبتك
الصغيره كنت تشككني على كيفك وكنت انفذ كلامك بحذافيره تدري
لما قلت لي مره انت شمعويج كذا يوم اصريت اتوظف عندكم كنت
برد عليك بس خفت على مشاعر جاسم الي كان موجود حزتها.

فهد: سكان بتردين علي به.

كنت بقولك لاني احبك من صغرسني ولاني عصاك الي ماتعصاك
فكنت تغرس فيني صفاتك يعني اكتسبت القوه منك واتخاذ الراي
وتنفيذه بسرعه بعد منك يعني ذاك اليوم لو انك كسرتني وذليتني
كان لازم تعتبره انكسار لك قبل ما يكون لي فانا شكيت فيك وانت
شكيت فيني بس للحظات لان الشيطان ما مات وصاحت جاها فهد
ولمها اه يا نصي الثاني عيل انتي تربية يدي خليني اشوف
واسمع نبضات قلبج اذا هو يدق مثل دقات قلبي فكلامج صح
وحط اذنه عند قلبها عاد انه يتسمع

هي دزته وراحت عنه.

فهد: فيونه تعالى السالفه اكبر من كذا من الي يكرهج ويبيني
اشك فيج في طالغيني وردي انتي عارفه اشوف ذا الشي من
نظراتج ردي قولي خلينا نعرف نتصرف شرحت له كل شي وقالت

له عن بشاير وتهديدها لها واكيد بشاير تعبثت في تليفون رغد
وخذت الصورة ومسحتها في نفس اللحظة.

فهد: هذه اكيد مريضه نفسياً وخطر على نفسها وعلى الي
حواليها شوفي في تجنبوها انتي ونور ورغد تراها خطره.

في: مدري شسوي معها انت عارف امها طيبه وما تفارق امهاتي
وبنتها الثانيه هديل بعد حبوبه وما تستاهل انتجنبها.

فهد: انا ما قلت تجنبوا العايله كلها تجنبوا هاذي بس لين تتصرف
تصرف يوديهها في ستين داهيه.

في: اه يا فهد الله يعينها على حياتها مسكينه تحب جاسم من
عادهها صغيره وهو الله يرحمه عطاها المجال تتعلق فيه.

فهد : المهم ابعدوا عنها اما امها واختها فمالهم ذنب اقول ما
تبين تنامين تراني تعبان وابيج تسوين لي مساج لظهري.

في: اقول كنك ادمنت.

فهد: في ذمتج من يحصل له مساج مثل مساجج ويقول لا بيكون
مهب صاحي.

في: لا بس اخاف صج تدمن بعدين معاد تقدر تهد مساجي.

فهد: ومن يقول بهد المساج يله تراج طولتيها وهي قصيره تعالى
شوفي شغلج ترى ابوج وعمج خلوا شغلهم وشغل عبدالعزيز كله
على ظهري يعني بتكون النتيجة ظهري عدم.

في: اسم الله على ظهرك من عنوني الثنتين تعال انبطح على
بطنك وبسوي لك مساج اليوم خاص وغير عن كل يوم.

فهد: اشمعنى يعني.

في : بس كذا زيادة محبه قمت الصبح ولقيت نفسي احبك زياده

فهد: فيوه ترى ماني بقادر عليج فشلون لما ينبح ها الصوت
اروح فيها.

ارجوج في لا تستغلين ها النقطة ضدي صوت مبجوح و عيون
مسبله ولا بسه احمر والله وحياتج اتدمر مقدر انتي هلاكي يا
ملاكي.

في: والله محد مهلكني غيرك كل ذا الحكي لي وتبيني اقاومك وما
استعمل سلاحي الوحيد ضدك.

فهد: أي وأنتي كلج سلاح دموج وصبعج لما ترفعيه تهدديني
وحواجبج لما ينعقدون وارتجاف الشفتين وضحكج كله في كفه
واللون الاحمر والبعه في الكفه الثانيه.

في: زين قلت لي عشان ازيد عليك و..... و..... و.....

وبعد كم يوم جات لعبدالعزيز مهمه تمثيل بلاده في سباقات الرالي
وطبعا معاه بيكون نايف وحاولت نور ان عبدالعزيز ميروح
ويخليها وهي خايفه عليه ومعاد لها ولا لامها غيره والطفل
الجاي يبي ابوه.

عبدالعزيز: نور انتي تفاولين على الله يهداج انا لي كم سنه ومن
نجاح لنجاح ورافع روسكم بنجاحاتي والدوله كله تكرمني وبكره

ولدي لما يكبر بيعتز في ابوه بطل الراليات المعروف.

نور : انا ابيك جنبي على طول.

عبدالعزيز: وانا معاج على طول يا قلب عزوز يا ام جاسم انتي
وحبها وحب بطنها وقعد يلعوزها بعدين ذاكر لها شوي وخلاها
ترتاح.

بعد اسبوع

سافروا عبدالعزيز ونايف وكان عبدالعزيز يتصل في نور اول
باول عشان يطمنها ولا يخليها تحاتيه.

وفي يوم جاء خالد لفهد في الشركه وهو مرتبك ويبي يقوله شي
عنده بس شافه مشغول وابوه وعمه قاعدين ما حب يضيق عليهم
بس في النهايه قالهم ان اخو نايف بلغه ان عبدالعزيز ونايف
صار لهم حادث.

ابو فهد: فز من مكانه افا يا ذا العلم طمني عسى اخوك ولا رفيقه
ما صار لهم شي.

خالد: لا يبه عبدالعزیز فیہ کسور لکن الی انصاب اصابہ مہی
بہینہ ہو نايف فانا جیت اقول لکم عشان حد منا یروح للاردن
یشوف عبدالعزیز وانا اقترح انه انت یا فهد لانی انا مثل ما انت
عارف تونی مخلص اجازتی.

فهد: اکید بروح وانتوا ولا یهمکم بسوي الواجب وزیاده یلہ خالد
رح احجز لی وانا بروح اخذ جوازی واغراضی ولا تقولون لحد
من العايله لین اروح واشوف وارد لکم الخبر تری عمتی معاد
تستحمل حوادث ولا وفیات ولا نور وحملها المتعب بس انا بقول
لفی عشان تحط بالها من عمتی ونور نخاف الاعلام ینشر الخبر
ویدرون عنه تعرفون ذی مهمہ رسمیه لعبدالعزیز.

یلہ بروح اشوف شلی وراي.

وشرح فهد لفی وطلب منها تكون قویه وتمسک مکانہ وهو
یضحک: تراج الرجال مکانی یاویل قلبی یا محلاها الرجال وافعالہ
وحبہا وحصلہا تبکی علی اخوها عزیز.

فهد: ارجو ج کم مرہ قلت لج مبی اشوف دموعج تراها تذبحنی –
ہاہ یا رجال حیاتی ممکن تمسک زمام الامور مکانی ومسک

خشمها ولا طلع منها الا بعد ما بث فيها قوته وعطاها من حبه الي
يخليها صامده لما يجي من سفرته غانم وسافر ولا حد انتبه
لسفرته الا ثاني يوم لما سالت عنه العمه: وينه فهيدان.

في وهي تضحك : والله عموه اموت عليج لما تقولين لي فيوه
وفهد فهيدان وفهد سافر يومين عنده شغل وان شاء الله راد.

ام ثامر: اقول في تعالي عندنا ها اليومين والله وحشتيني من
زمان عن القعه والسهر معاج.

في: ان شاء الله بسهر معاج الليله صباحي وبكره مع نور وعموه
وبعدها خلاص بيكون بعلي قد جاء.

في بيت بشاير وهديل

بشاير: هديل من زمان ما رحتي لبيت حبايبج ليش ما تروحين
لهم كله حابسه نفسج مع ها الكتب غيري شوي.

هديل: الله الحين صاروا حبايبي كنت اول ما اطيع ارواح لهم
والحين من فارقت الي فيه حببت اقعد معاكن وانتي ليش متخلين

الي انتي فيه من حقد وخبت وترجعين مثل اول خلاص جاسم راح
واطلبي له الرحمه وانسي احسن لج.

بشاير: مقدر انسى لما اشوف في احس بالنار تحرقني وخاطري
اذبحها المهم روعي لهم وسلمي لي على نور ورغد وغيري جو
وشوفي حجب الي ذاك اليوم صينا اغاني وعيونه ملصقه فيج.

هديل: هاه مدري بشوف.

بشاير: لا تشوفين ولا شي قومي - قومي روعي رفهي عن
نفسج شوي راحت هديل وتلبست وتكشخت كالعادة بس لبست
عبايه حلوه عاديه مهب ضيقه وشفافه وحطت اللثمه وراحت
وهي تتمنى تشوفه لو من بعيد راحت لبست ام جاسم لان كله
القعه عندها عشان نور متقدر تطلع وايد هي الحين في الخامس
وعليها امتحانين وتخلص وترتاح ودشت ع البنات واستانست
صدق ورفهت عن نفسها صج وجاتهم في لما شافت هديل فرحت
بجيتها وسالتها عن امها وبشاير وقعدت معهم شوي وراحت
تسوي لها شغله اما نور فكانت تطالع صور عرسها وتضحك على
هاذي الصور وهاذيكم قامت هديل وطلت من الشباك وتحقق لها
الي كانت تتمناه شافت خالد توه جاي ونزل بلبسه العسكري وكان
يمشي رايح لبيتهم رد للسياره يبي منها شغله وخذاها ورفع راسه
صوب بيت عمه كذا ما يدري ليه شاف هذاك الغزال الي يطالعه
وسارح فيه استغرب خالد عمر نور ما طالعتة بدون حجاب

وهاذي شعرها يلعب فيه الهواء بعد ما ركز عدل عرف انها مهب
نور عرفها من لون شعرها الاشقر ورفع يده بالسلام اول شي
بعدين عطاها اشاره بمعنى تغطي قامت هديل رفعت يدها لشعرها
ومالقت عليه لفة ولا شيله فوخرت تلقائيا فرح من حركتها كل
يوم تثبت له انها تغيرت للاحسن راح لغرفته مسرع غير ثيابه
وقال لامه تبين شي قالت له لا مشي عسى ما شر فيك شي.

خالد: ليه يمه يبين على فيني شي.

ام فهد: لا يمه بس كنك فرحان شوي.

خالد في خاطره : شوي الا وايد تبيني اشوف غزالي ولا افرح لا
يمه بس احب اعبرك عن مشاعري.

ام فهد: الله يهديك عبر عن مشاعرك لبنت الحلال لخذتها.

خالد: ليه مستعجله علي زوجتي عيالج الثنين والدور حول علي.

ام فهد: ايه بس انت اشر وشوف خالد يصير خير يا الحلوه
شرايح نروح لبيت عمتي.

ام فهد: يله يامك اليوم مرحت لهم وراحوا وقعدوا في الصاله
التحتيه وهو عينه فوق اكيد هي عاها هنيه ولازم اذا بتروح
بتمر من ها الصاله.

العمه: اقول خالد ترى نور عندها موعده بعد شوي في العياده
المسائيه ابيك توديهها مع حدى البنات رغد ولا في.

خالد: من عيوني يا الغاليه احنا كم عمه تقطع القلب عندنا هي
وحده وهي تامر واحنا لها نظامر.

العمه: بس ها الله ها الله لا تسرع وحط حزام الامان وطبق شعار
(كلنا حزام الامان)

خالد: من عيوني اوه يعني مراح اشوفج يا هديل يله كلها كم يوم
ونتظمن على عبدالعزيز واجي اخطبج وارتاح من الي فيه بعدين
انتبه لنفسه هو شقال اخطبها انا قلت اخطبها ايه ليش لا انا
عرفت اني معجب فيها من زمان واذا على الحب فعندي احساس
اني احبها يكفي انها تحبني هي قالتها ذاك اليوم من عطتني احلى
كف من يدها اقول عمتي انا بروح لسيارتي اقربها وخليهن يجني
يله عن اذنكن يا احلى نسوان في بيت الحمد ضحكن عليه عمته

وامه راح لسيارته وقعد فيها ينظرها تمر عشان يشوفها بس ما
شافها جايه نور متغشيه والثانيه مثلها وسلمن وركبن وراء
التفت خالد عليهن اقول عسى ما شر يا ربني ماني بسواقن
الخاص وانا مدري.

نور: ليش تقول كذا.

خالد: لانكن ركبتن كلكن وراء.

نور: طبعي لانيك متحل لنا.

خالد شلون ورفع نظره يطالع الي وراه شاف عيون هديل وراء
لثمتها وطار قلبه من الفرحة.

نور: لاني انا مرت اخوك وهاذي هديل بنت محمد ومثل منت
عارف انت متحل لنا

خالد: العذر والسموحيه مدريت لان عمتي قالت لي انج انتي
ووحده من البنات بتروح معاج مساء الخير بنت محمد شلونكم ؟

هديل: بصوت واطي وناعم مساءالنور الله يسلمك كلنا بخير
وشغل سيارته وطلع وكل دقيقه وعينه في المرايه يطالع احلى
عيون وحاول يفتح حوار وما كان تجاوبه الا نور وهو يبي يسمع
صوتها بس ما فيه مجال لحد ما وصلوا العياده المسائيه ونزلن
وقالت له نور انتظرنا في غرفة الانتظار لحد منخلص كلها نص
ساعه وجاينك.

خالد: اخذوا راحتكم وقعد يلعب في جواله لين شاف زول وحده
جايته التفت شاف هديل جات وقعدت على الكرسي الثاني.

خالد: هلا هديل عسى ما شر اشفيج خلיתי نور بروحها وجيتي.

هديل: ابد عندها اسئله خاصه لدكتورتها وبيحددون جنس الجنين
حببت اخليها على راحتها.

خالد: هديل بسالج فيه حد تقدم لج يمكن تضحكين على سؤالي
بس بقولج بعدين ليه فيه حد.

هديل: قد تقدم لي ولد خالي بس رفضته.

خالد:ليه ممكن اعرف.

هديل وهي تطالعه مباشره تبي تشوف تاثير كلامها عليه يوم كنت ضايعه وما اشوف قدامي الا الظلام رفضته.

خالد: والحين شتشوفين . هديل: الحمد لله انا الحين عايشه كينت طبيعیه تدرس وبتكمل دراستها ولما يتقدم الي ترضى انه يكون زوجها توافق.

خالد: وانتی اذا تقدم لج واحد بتوافقين.

هديل: على حسب ها الواحد . خالد: ليه على حسب فيه حد في بالج – هديل وهي صاده ممكن ليش لا.

خالد: اقدر اعرف هديل وهي تطالعه باستغراب : وليه انشاء الله ولي امري عشان اقولك.

خالد: لا بس ان شاء الله اكون ولي امرج.

هدیل: شلون ؟ خالد : شلون بعد بتقدم لج وانتي بتوافقين علي.

هدیل: وشدراك اني بوافق عليك . خالد: لانج تحبيني . هديل:
ومن قالك اني.....

خالد: قوليهـا ولا لسانج ما يقدر يقولها . هديل: لا بس مستغربه
من تاكيدك اني أ..... وبوافق عليك . خالد: مره ثانيه ما قدرتي
تقولينها على العموم راح توافقين وانتي تضحكين وقام يمشي
بعيد عنها ما يبي نور تجي وتشوفهم يسولفون مع بعض بس
هديل مخلته خالد: خالد في قلبه عيون خالد: هلا بغيتي شي ترى
نور بتطلع الحين

هدیل: انت صج ناوي تخطبني ولا بس تقول كذا.

خالد: انا ما قد قلت كلام ما اقصده . هديل: انزين ليش تخطبني
وانت عارف عني الي عارفه.

خالد: لانج تبتي اول شي وثاني شي كم مره سويت لج اختبار
ونجحتي فيه.

هديل: أي اختبار وقال لها عن ذاك اليوم يوم الحفله هو مهب
قصده يتعدى عليها بس يبي يشوفها بتمشي معاه ولا -لا وكذا
مره طلعتي للسوق وخليت واحد من الربع يرقمج وانتي ولا هامج
فقلت خلاص هاذي فتاة احلامي هههههههه.

هديل: اشلون تسمح لنفسك تسوي كذا فيني ليه يا خالد ليه.

خالد: اش اسكتي لا احد يسمعا الكل عرف ان اسمي خالد
هههههههه.

هديل: كانت موصله معها راحت عنه بعيد والتفتت وقالت : اقول
لا تقدم لاني برفضك.

خالد: اتحداج ؟ هديل: بتشوف تقدم وبتشوف الرد. خالد: تعرفين
لو رفضتيني مراح اتقدم لج مره ثانيه لو جيتيني زاحفه وفوقج
ذهب.

هديل: اسمع هذا شيقول لي شاجيك وانا رافضتك . خالد: هديلوه
والله لو ترفضيني لاجيج واسحبج من شعرج القشه.

هديل: ماقشه غيرك روح يبه بعيد عني . خالد تقدم من هديل
وقف جنبها ويوم ما شاف حد في غرفة الانتظار غيرهم مسك
يدها ورفعها وباسها وطلع من المستشفى راح ينتظرهن في
السياره وهو مستانس على حركته لانه عرف انها تحبه الا تموت
فيه ومراح ترده وتم يناظر الناس ويمني نفسه باليوم الي
بيجتمعون فيه عن قريب.

هل بيجتمعون عما قريب كما خطط خالد ولا ولا تصرفات بشاير
الجنونيه لفي راح تبعدهم عن بعض خليكم معاي والجاي احلى
من كذا لاخلى ولا عدم منكم ومن تواصلكم.....

..._--*™£ البارت الرابع عشر £™*_--_...

حكمه

رجع عبدالعزيز مع فهد بعد ما تظمنوا على نايف مع وعد
عبدالعزيز لنايف انه بيرجع له بيروح يظمن هله ويرتب اموره
وبيرد له.
العمه وهي تشوف اصابة عزيز :آه ياويلي ها الدنيا شتبي تسوي
فيني اكثر وقعدت تطالعه وتفحصه!!.

ابو فهد: الله يهداج شوفيه ما فيه شي .. الا كسر في يده كلها كم
يوم ويشلج مثل كل مره.

ام فهد: الحمد لله ع السلامة يمه طمني على رفيقك يارب اصابته
مهي كبيره يا ويل حال امه.

عزيز: والله يمه الله يكون بعونه شخصوا حالته ومعاه كسر في
العمود الفقري ويمكن ينشل ولا عاد يقدر يمشي

رغد: يمه مسكين الله يشفيه لو انا وافقت عليه كان طاح في
كبي الحين

عبدالعزيز: اقول انظمي احسن لج لا اقوم واحط حرتي فيج هو
اصلا امه داعيه له عشان كذا ماتم زواجكم.

رغد: شفيك عبدالعزيز ترى انا اختك مهب هو.

عزيز: لا والله هو اخو دنيتي وصديق عمري يوم صار الحادث
كان يتشهد وصاني على امه واخته.

العمه: الحمد لله على سلامته الله يقومه لهم بالسلامه ومتدري
يمكن تكون اصابته بسيطه.

عزيز: ما اعتقد عمتي مشفتي حالته المهم انا واخوه بعد كم يوم
بنسفره لالمانيا فيه دكتور هناك مشهودله ومتخصص بها
الحالات.

نور: يعني بتروح عني مره ثانيه!!.

عزيز: لا يا حياتي ماني برايح الحين بعد فتره بعد ما تملين من
خشتي وبعدين تراها سفره عاديه مرافق لمريض .. نور حبيبتي
حطي روحج مكاني هذا صديق عمري وصار له الي صار ولازم
اكون معاه لو العكس كان شفتي هو شبيسوي .؟

نور: اسم الله عليك بو جاسم

عزيز: يه ابو جاسم هاه عرفتوا جنس الجنين!!

نور: ايه وجسوم تراه يبيك هو وامه وجدته.

ابو فهد وام فهد : يعني انتي وولدج وامج الي تبون ولدي واحنا
ما نبينه.

نور: لا يا خالي انتو الاصل واحنا الثلاثة الفروع في حياة
عبدالعزیز.

ابو فهد: والله غلبتيني يا بنت اختي كلامج عسل زادني اشوف
عزيزان كله طايح عندج.

نور: اووووه خالي.

فيّ : وين الغالي؟؟ ودخلت وخذت اخوها بالاحضان وقعدت
تتفحصه.

عزيز: اشفيج انتي وعمتج تراني والله قطعه وحده وصاحي ولا
فيني شي وبعدين ليش تاخرتي انا لي ساعتين من جيت وانتي
لاهييه بالمراهق الكبير.

في: اقول اسكت احسن لك لامسكك مع يدك الي توجعك ولا تتكلم
عن بعلي كذا.

فهد وهو داخل: وشقال عن بعليج ها العله وانا الي مخلي اشغالي
ورايح اجيبه واشله واحطه على كفوف الراحه.

عزيز: يا مرحبا ببو ماجد هلا وغلا قومي رغدوه صبي لا خوج
العود القهوه قومي

وقعدوا يضحكون بعدها خلوا عزيز يرتاح لانه مبين عليه التعب.
بعد مرور شهر..

نجحت نور في امتحاناتها وتطمئن عليها عزيز ورتب امورها
ووصى عليها اخوانه وابوه ورتب امورهم عشان يكون مع نايف
في سفرته وتحديد مصيره هل بيعود يمشي على ريله ولا
؟؟.....

اما هديل فجابت نسبة 78% نسبة حلوه تدخلها الجامعة اما
اختها بعد ما عرفت ان حياة في وفهد ما تاثر بالصور الي

ارسلتها قعدت تفكر بشي جديد تدمر في فيه خلت جامعتها
وصديقاتها ومعاد صارت تطلع كل حياتها تفكير اسود احتلها ولا
نفع كلام هديل معها خلتها وهي انشغلت بنسبتها وفرحتها وانها
راح تبدأ مرحلة جديدة من حياتها دراسة جامعيه وفيه شي يدق
بين ضلوعها بس هي تتجاهله لكن لمتى القلب مشكله راحت
هديل وامها لبیت ام فهد عشان يتطمنون على نور ويباركون لها
بالتخرج.

وهناك طابت لهم القعه وطلعن البنات وراحن قعدن في الحوش
يتقهن ويتسامرون لحد مجاتهم ام هديل .. لان اتصلت فيها
بشاير وخبلت فيها
قامت هديل

ام بشاير : لا اقدي استانسي بروح اشوفها وانتي بعدين تعالي
رغد: اوكي خالتو خليها شقد اشتقت لها خذتها الامتحانات عنا
خلينا نروح داخل نشوف شعدنا من سيديات ونسمع اما انتن
المتزوجات تقصد نور وفي فاجلسن تباحثن امور حياتكن الزوجيه
يله باي

راحن لفوق وقعدن في اغاني ورقص
ولا درن بالمصيبه الي صارت برا او بالاحرى في البيت المجاور
لهم بيت هديل

جات نور وفي يركضن لهديل وقالوا لها ان بيتهم ولعت فيه النار
وان شاء الله راح يطفونه هديل وهي مهيه في وعيها شلون؟؟
قامت تركض ركض راحت لبيتهم ورغد وراها تبي تمسكها بس
هي طارت طيران وهناك شافت سيارات المطافي والاسعاف
والدخان منتشر في الجو حاولت تخرق هذا كله تبي تدخل
امنعوها بس هي كانت تصارخ هذا بيتنا امي واختي داخل وخروا
ابي ادخل جاها خالد ومسكها من يدها وطلعها برا .

خالد : هديل اهدي حبيبتي اهدي ما فيه فايده من دخلتج داخل
هديل قعدت تطالعه شافت ثيابه كلها سخام وكنه توه جاي من
معركه عرفت انه كان داخل : خالد الله يخليك طمني على هلي قلبي
شصار قلبي ولا تكذب علي .؟؟؟؟؟

خالد: ظمها لصدرة ما يبيها تشوف المنظر الي يشوفه بس هي
دزته وراحت تركض شافت جثتين متفحمت ومن هول ما شافت

اغمى عليها ولا درت عن الدنيا وما فيها

بعد كذا ساعة فاقت لقت عندها رغد وفي حاولوا يهدونها بس ما
فيه فايده فعطوها مهدي عشان ما تفوق وتنهار مره ثانيه اما عن
ابوها فهو ها الصدمه خلته يفوق من الي كان فيه وقف في العزا
عزا بنته ومرته بكل قوه وثبات وكان واقف معه ماجد وعبدالله
وفهد وخالد ما قصرُوا خذوا العزاء في بيتهم لان بيت ابو بشاير
راح مع الي راحن وعرفوا سبة الحريق ان بشاير كانت تصارخ
وبعدين راحت ولعت في عمرها وحاولت امها تنقذها بس ما
قدرت فاحترقت معها وهذا كلام خدامتهم لهم

ولما جاهم الليل عرض ابو فهد على ابو بشاير بيتهم الصغير
المجاور للقصر عشان يقعد فيه لين يشوف اموره رفض ابو
بشاير بس ابو فهد اصر عليه

ابو فهد : له انت ما تقدر تبات في ها البيت بعد الي صار وبعدين
لا تنسى هديل بتطلع تبيك قوي وثابت قدامها سامعني خذ البيت
هذا هو مسكر من يوم ما دخلنا ها الفله واحنا مسكرينه وما حبينا
ناجره ولا نبيعه لان فيه ريحة الوالد وذكرياتنا مراح القى احسن
من اخوي يفتحه ويعمره ولا انت شرايك ???

ولاول مره بكى ابو بشاير من صار الحادث صاح صياح وقط
اللوم على نفسه وانه اهمل بيته وبناته والمرحومه حاولت فيه
بس هو كان لاهي في ملذاته وشربه وسهره .

عبدالله: خلاص يا خوي الله غفور رحيم انتبه لعمرك ولبنتك تراها بنتنا مهى بنتك بروحك.

وقفوا معاه فترة العزاء وبعدها فهد وخالد رتبوا البيت نظفوه واصبغوه واثثوه من جد وجديد كله ذا في اربع ايام الي قضتهم هديل تحت المهدئات لحد ما فاقت وبتدات ترجع لارض الواقع ولا خلوها البنات بروحها كله معها.

وبالنسبه لغرفة هديل في بيتهم الجديد فالبنات اثثوها لها وكان الاثاث روووعه وجابوا ثيابها وكتبها والي قدروا يحصلونه ما لحق عليه الحريق

اول ما طلعت كان معها ابوها ورغد وهي ساكتة لحد ما وصلوا الفريج وشافت بيتهم المحترق المتفحم تمت تصيح وتصيح ضمتها رغد ودخلتها بيتهم الجديد الي له بوابه منفردة وله باب داخلي يدخلهم لبیت عايلة ابو فهد.

وقال ابو هديل لبنته : هذا بيتج الجديد واتمنى اني انا وانتي نبداً حياه جديده فيه واوعدج اني اكون اخوج وابوج ولا عاد اخليج .. بكون لج كل شي.

طالعه بنته وهي تبكي : بعد ايش بعد خراب مالطه اه يبه ليتك انتبهت لنا قبل كان مصا رالي صار.

رغد: هديل اذكري ربح ولا تعترضين على حكمة وخلي بالج ترى هذا ابوج الي بقى لج من ها الدنيا

هديل طالعت ابوها شافته يطالعها وعيونه كلها دموع وشكله متغير راحت تركض صوبه وقطت نفسها عليه وهي تشاهق من العبره وتمت في حضنه مده.

بعدها راحوا لبيتهم الجديد ودخلته ونبهرت من جمال التنسيق والترتيب وكنها داخله فله مصغره عن بيت ابو فهد التفتت لرغد وشكرتها على وقفة اهلها ووقفها معها.

رغد: ترى والله لاعطيح كف يعدل ويهج امشي معاي تعالي
شوفي غرفتج يا رب تعجبج لانها ذوقي وذوق في ونور كلنا
اخترناها

وراحت هديل وشافت شي حلو وفخم وشافت اغراضها
وعطوراتها ومكياجها وتوها بتبكي الا خدامتهم داخله تصيح
وتضحك وتضم هديل
استانست هديل ان خدامتهم الي مربيتها من وهي صغيره
موجوده ما كلتها النار.

رغد: هيه انتوا يا عرب قلبتوا السالفه فيلم هندي تراني موجوده

هديل دارت مع رغد في البيت كله وعجبها بالحيل كان غالب عليه
الجو الاسري وهذا الي كانوا يبون هديل تحس به اول ما تطلع.
رغد: تدرين هديل ان اخوي خالد قعد يراكض كل يوم من يجي
من شغله بس عشان يخلص البيت في وقت قياسي عشانج
لطلعتي متروحين لا لبيتنا ولا لبيتكم.
هديل: شلون ؟

رغد: كان الاقتراح انج بعد ما تطلعين تجين تقعين معاي لين
ابوج يسوي صيانه لبيتكم لحد ما اقترح ابوي الحلو بيتنا الاول
على ابوج وما شاء الله ابوج رفض وحاله بس خالد قاله كلام قام
ابوج وافق.

هديل وهي خايفه : شقال اخوج لابوي .

رغد: والله مدري حاولت اعرف شقاله بس هو قالي بعدين كلكم
بتعرفون وبعدين بقولج شي بس الله يخليج لا تنحرجين.
هديل: قولي اليوم ذا يوم المفاجأت .

رغد: سمعت اخوي يوم الحادث يقولج حبيبتي هو صج انتي
حبيبته ؟

راحت هديل لابوها حصلتته توه جاي من المسجد واستانست على
ابوها الجديد وبعد ما سولفت معاه حاولت تحفره وتعرف منه
شقاله خالد بس هو كان ساكت وعيونه تناظر شي غير موجود
خلته وراحت ترتاح

وفي غرفتها تمت تفكر معقوله خالد يحبني ولا شفقه ولا ايش انا
ما شفته من يوم ما باس يدي في المستشفى وخلاني متبريده
هالخالد بيطير عقلي بس يله هانت راح اعرف كل شي بعدين
ونامت من التعب وكثرة التفكير

اما خالد فحالته حاله من حريق بيت هديل وهو مرتاح له دقيقه
يبي يثبت لهديل حبه وهو ما رتب البيت وعدله الا عشان خاطر
عيونها وعشان تكون قريبه منه وكلها كم يوم وبيكلم ابوه
يخطبها له خل ايام الحزن والعزاء تروح ويصير خير .
آه يا هديل كل ما بغيت اتقدم لج صار شي يمنع تقدي لج بس ان
قاله الله بتكونين لي باذن الواحد الاحد وعند هذا الحد نام.....

بعد مرور شهرين على اخر الاحداث
كانت نور في السابع وعبدالعزيز عندها فتره وبيسافر لنايف الي
تم في المانيا يشوف حاله هناك وفهد وفي حالهم من زين لازين
وباقى الاسره حالهم طيب.

اما خالد فهو كلم امه وابوه عشان يخطبون هديل من ابوها فقال
له ابوه : انظر شوي تراهم لين الحين حزانا على موتاهم .
خالد: لا يبه انا كلمت الابو فقال معلية شوف هلك بعدها ما يصير
الا الزين وانا اقترحت على ابو هديل يوم شفت حزنه وضعف
حالة اني اعيش معهم واتكفل به.

ام فهد وهي تضحك : الله عيالي كل واحد عايش مع اهل مرته
عبدالعزيز مع عمته وبناتها والثاني يبي يعيش مع مرته وابوها .
الا فهد طاب في حضن امه : الا انا قاعد على قلبج يا قلبي .

ام فهد: انت العيون المركبه لو تاخذها ما قلت شي .
خالد: اوه خلصنا دخلنا في سالفه الحب والمدلاة اقول يا اخوان
تراني ابي اعرس واذا مخلصتوني بغير رايب .
ام فهد: لا والله الا بنخلصك لا تخاف يله بو فهد شوف شغلك .
ابو فهد: مستحي اكلم الرجال وما فات على موت مرته وبنته الا
شهرين وشوي .

خالد: لا يهملك بنملك بس بعدين العرس .
فهد: يبه الولد منتهي قوم نروح الحين ونتقهوى عنده ونشوف
علومه بعدها نطلب بنته .
خالد: هذا الكلام العدل يله قوموا واتصلوا في عمي عبدالله واخلونا
نمشي جماعه بروح انا دي رغد تروح تقعد عندها رغد ... رغد
وينج ؟

رغد: هلا بالمعرس بغيت شي .
خالد: هاه اشدراج انا بصير معرس انتي قاعده تتسمعين ولا
وشو؟

رغد: لا والله يا اخوي بس كنت نازله وسمعت والحين بروح
لقلبك اوه اقصد هديل وبهيئها لاستقبال الخبر امر بعد تبني اقول
لها شي؟؟

خالد: اوه يا رغيد تراج منتي بهينه كل ذا يطلع منج .
رغد: انا من شفتك ضامها يوم حريق بيتهم ويا حبيبتي ويا
.....وانا ماخذها بالي .

خالد: رغدوه ترى والله اخنقج شذا التبلي .
رغد: تنكر حبك لها وهي تنكر وانتوا الثنين رايعين فيها .
خالد: اقول اقصري الهرج وروحي لها وقولي ان هلي كلهم
بيجونهم بعد شوي يله .
رغد: اوكي...

وطلعت راحت لها هديل من قالت لها رغد ها الكلام وهي متلخبطه
وحالتها حاله.

رغد شسالفه هو هناك متلخبط وانتي هنيه ترى السالفه جية
الرجاجيل لابوج بعدها ابوج بيسالچ وانتي دنعي واستحي وشوي
والملاج ياي وملج عليكم وخلص.

هديل: اوه رغد والله انتي متفرغه السالفه مهيب كذا.

خالد كان مسوي خطه ونفذهها عشان ما يكون قدام هديل وقت
تفكر وترفض ولا شغلات البنات هاذي .. راح لبیت ابو هديل قبل
الكل وقال لا بو هديل بجيب الملاچ وهلي بيجونك بعد شوي وبنتك
سألته اختي ما عندها مانع.

وكل الي تبیه بسويه ..

ابو هديل لي طلب واحد ما غيره.

خالد : من عیوني انت امر بس.

ابو هديل: ابيك اتعيش معي انت وهديل مثل منت شايف انا رجال
كبير وهدي الخمر واللّهو وبعدين انت منت بعایش في بيت ابو
مرتک انت بتعيش في بيتکم شرايک؟

خالد: خلاص اتفقنا انا بروح اجيب الشیاب والمطوع ونملك اللیله
والعرس بعدين على الاقل ادخل عليكم بعذرومحد يقدر يتكلم.

ابو هديل: خلاص يا بوك والله ما لقي لهديل احسن منك رح
وتوكل على الله وراح وجاب الملاچ وتفأجئوا ابوانه واخوانه غمز
لهم وملکوا

وراح ابو هديل بالدفترب لبنته وقال : لها تعالي وقعي.

هديل باستغراب شوق عليه؟

ابوها: وقعي على ورقة زواج

هديل ورغد مع بعض : شنهو؟؟

ابو هديل: يله يا بوج الرجاجيل في المجلس ينطروني يله تعالي

وقعي

جات رغد وخذت الدفتر من يد عمها بو هديل وعطته لهديل مع
القلم وقالت لها : وقعي يا حرم خالد .
هديل: بس يبه الي اعرفه انهم جايين يخطبون مهب يملكون ليش
ها الا ستعجال.

ابو هديل: والله كله من خالد هو الي اقنعني وشرطت عليه شوط
ووافق وهذا دليل انه شاريح .
هديل: وشها الشرط ؟

ابو هديل: انه يجي يعيش معنا وانه مياخذج ويطلع تراني يا ابوج
معاد فيني حيل وفرقى يله الله يرضى عليج وقعي الحين بينشدون
ليش تأخرت.

خذت هديل القلم وشافت توقيع خالد والشهود اخوانه الثنين
ووقعت وعطت ابوها الدفتر قرب منها ابوها وحبها
وقال لها : مراح تندمين هذا الولد اجودي من عرق اجاويد ويكفي
اخته الي كانت معاج ولا شرايح يا بنتي .؟
رغد: والله يا عمي انك بمثابة ابوي وهديل بتكون اختي الي امي
ما جابتها لي راح ابو هديل ورغد فرحانه وهديل مذهوله
ومستغربه!!.

هديل: رغد دقي على خالد اسأليه ليش هو سوى كذا .
رغد: هيه انتي استحي توج عروس ودقي اصبري شوي .
هديل اقولج دقي عليه وعطيني اياه .
رغد: دقت على خالد تبني تقوله كلام هديل بس هو ما رد لانه
عارف الي ينتظره

وافرحوا الشياب والشباب وكلها دقايق وجن العجايز والبنات
كلهن وباركن لهديل وترحمن على امها وبعدها بشوي دخل خالد
مع عمه ابو هديل وكانت هديل قاعده وسط ام فهد والجده يباركن

لها قامت ام فهد وقالت : لخالد يبه اقعد جنب عروسك .
خالد: لايمة انا بروح بس حببت اجيكم عشان تباركون لي وابي
اقول كلمه في وجود هديل وابوها
رفعت هديل عيونها في عيونه شافته يطالعها بعدين حول عيونه
عنها وقال : من بعد اذنك عمي ابي عرسي بعد اسبوع .
قامت ام فهد وقالت له : ليه يبه خل البنت تاخذ راحتها في شراء
اغراضها وانت بعد ما ترجع بنسوي لكم حفله .

خالد: لايمة انا راياي انه اخذ عروسي واروح اخلص دورتي
الثانية وتكون معي زوجتي .
ابو هديل: شورك وهداية الله بس حاولوا لا تطولون تراني يا بوك
معاد اقدر على الوحده .

خالد: : ولا يهمك يبه وحبه على راسه وقال له والله لولاها
الدوره الي جاتني في غير وقتها ولا كان ما فارقناك
كل هذا وهديل ساكته ولسانها مربوط ومحد حاس فيها كثر خالد
عارف انها قنبله موقوته كلها شوي وبتنفجر بس الله يستر
لتنفجر قدام هله .

رغد: انزين خلاص بنحاول نخلص كل شي قبل الخميس الجاي .
خالد: لا حفلة عرسنا يوم الجمعة وسفرتنا يوم السبت عشر
الصبح .

الجدد: وخر عنه مخطط كل شي محلاك متبي العرس ولا تطيقه
والحين طرت والله اني تعجبت يوم دريت انك بتخطب الليله
وشوي وعرفت انك املكت وساعه وتقول بتعرس والله انك شي يا
ولد الغالي .

خالد وعيونه على راس هديل الي مدنع : انا شيات مهيب شي
وبعدين لا تلوميني يدتي شوفي عروسي وقولي لي عندي حق
استعجل ولا .

الشي.

هديل: ليه من بيسمح لك بأكثر .!!؟

خالد: اتحديني .؟؟

هديل: ايه

خالد: قرب اكثر وقال انتي الي طلبتي مهب انا .. ومسكها من
خصرها وقربها منه وهي تقاومه وتبي تفك منه بس هو سوى
الي في خاطره وحبها في عيونها وخدودها وكان يبي بوسه على
الشفه بس هي ما امهلتها ارفسته.

خالد: أي حسبي الله على ابليسج حرام عليج شنو وحش انتي.
هديل وانفاسها متقطعه من المقاومه ومن بوسات خالد وقربه
منها ونظراته وريحته الي دوختها محد قالك وبعدين وخر عني يا
اخي مبي قربك شلون انا وافقت وقعت مدري شلون!!.

خالد: متحسفه ومتندمه الود ودج يرجع الوقت ساعتين زمان
عشان تغيرين واقعج لشي ثاني؟؟؟؟

هديل سكتت

خالد : تكلمي هديل ص انا الظاهر استعجلتج حتى ما خلتيج
تفكرين مثل كل البنات حتى عرس ما فيه بسبة ظروفج
هديل تكلمي قولي شي لا تمين تطالعيني كذا قولي شي
هديل: واذا قلت لك كل الي في خاطري شراح تسوي بعد ما
املكت علي!!.

خالد وقلبه يقطر حزن على قلبه المذبوح : قولي هديل والله الي
تامرين به بسويه لو على رقبتى وعلى هذا التفتت هديل
وشافته يأشر على قلبه.

تهقون قرائي ومتابعيني هديل وش بتطلب من خالد عشان تشوفه
يحبها وينفذ لها ولا كلامه مجرد كلام وهل خالد بينفذ لها مطالبها

ولا لا
تابعوني فديتكم.....

....-_*™ £ البارت الخامس عشر £*_--..._

حكمه

كان خالد واقف مع هديل في حوش البيت والهواء يلعب بشعر
هديل وكان لبسها بسيط وحاطه جلوس وردي وبس عشان حالتها
وكل هذا في عيون خالد احلى شي كان وده يشوفها على الطبيعه
وهذا هو شافها ويا حلو الي شافه

كان متسند على حوض الزراعه وينظرها تنحره ولا ترفعه لسابع
سماء

وهي كانت تطالعه وتبي تبرد قلبه بس هو لازم يعترف لها بحبه
لها وليش هو استعجل ولا خذ راياها كنها ما لها أي اعتبار!!
هديل : انزين بسألك كذا سؤال وعليهم بيتقرر مصيرنا وابي
الصراحه ممكن ؟

خالد وهو وده يصطرها ذاك الصطار الحلو على برودها معاه:
تفضلي يا الشيخه والي خلقتي اجاوبج بكل صراحه .

هديل: انت تحبني ولا تشفق على حالي؟؟

والسؤال الثاني ليش سويت واتخذت كل ها القرارات بروحك ما
كني انا المعنيه معاك .؟؟

خالد وهو ياخذ نفس طويل : انتي تعرفين اني احبج من يوم ما
اهديت لج ذيك الاغنيه وتمعني في مفرداتها وبتعرفين....
وليش سويت كل شي بدون ما اخذ رايج لاني داري بحبج لي
فقلت اختصر علينا كل المشاوير وعشان اخذج معاي السبت
الجاي وعشان هم في الشغل يوم دروا اني بتزوج عطوني اجازه
قلت بقضيها وياج برا وبخليج تاخذين كل جهازج الي ما يمديج
تاخذينه من هنا.

هديل: انزين كل هذا تقدر تقوله لي وانت جاي تشوفني وتملك
علي بكره مثلا وتحطني في الصورة مهب تصدمني كذا!!
خالد: حبي واستعجالي لج صدمه اوكيه اسمحي لي يا الشيوخه
تراني غلطت في حقج والي تأمريني فيه حاصل وشتبين اسوي
لج ومن ها الساعه انفذه لحضرة جنابج يا حرمننا المصون
هديل وهي تقرب منه تبي تحرره زود : ما امر عليك عدو بس هو
طلبين واحد الحين والثاني بعد العرس بقوله.
خالد وهو فرحان يعني فيه عرس : أيه قولي ؟!
هديل: ولا بقولك الطلب الثاني قبل الاول!!
خالد اللهم طولج يا روح: قولي غلاي قولي غناتي
هديل: طلبي هو انه بعد زواجنا يعني من ليلة عرسنا تعاملني كني
خطيبتك.

خالد: شلون ما فهمت ؟؟؟؟

هديل: يعني ابي اعيش فترة خطوبه حالي حال العالم.

خالد: وبعد الخطوبه ؟؟

هديل: بعدها بعد ما اتعود عليك وتدلعني!!

خالد: ايه بعدها شنو.

هديل: مميمم اوه انت ليش ما تستحي.

خالد: انزين هذا الطلب بفكر فيه وبرد عليج ليلة زواجنا والطلب

الثاني.؟؟

هديل: لا ما فيه تفكير توافق من الحين وتعطيني كلمتك وهذا رضوه لي علي الي سويته فيني.

خالد: اوكي بس ارجوا ان الخطوبه ما تطول يعني دورتي 15 يوم وخليها خطوبه واجازتي 15 ونخليها شهر عسل قصير شرايج.

هديل :مممم وهي تفكر وكسر خاطرها وبعدين تموت عليه وما تقدر تطول اكثر من كذا.

هديل : اوكي ولا تنسى وتحمل تخل باتفاقنا الخطوبه يعني نتمشي ومسك أيدين بس

خالد: اففف من افكارج الطفولييه انزين هذا طلبج الاول وشنوا طلبج الثاني ويا رب اقدر عليه .؟؟

هديل وهي تقريبا لاصقه فيه وهو مستغرب من حركتها : ايه تقدر عليه الا بتطير من الوناسه ودك لو كل دقيقه اطلبه منك . خالد وهو يناهت من قربها القريب منه ولا ريحتها الي خلته يحول : قولي وشذا الثقه اني بحب ها الطلب وبطير من الوناسه . هديل: وهي تفتح يدينها ابيك تضمني ضمة طفل صغير يحبونه هله ممكن ؟؟ خالد بس ضمه ولا غير .

خالد استخف طار عقله من طلبها ولا فاتحه يديها وصدق كنها طفل يبي حنان هله خذها في صدره وضمها ضمه ولا اروع كانوا هم الثنيين محتاجينها ومن زمان والحين صارت لهم بالحلال وصج من صبر قدر تم ضامها وشفافيه تبوس شعرها ورقبتها واذنها وهي توخر راسها عنه تبي تفهمه وتقوله لا – لا تبوسني وتضعفني بس ضمني

بس الاخ ضاع منه العقل والصواب حبيبته في حضنه وهي الي طالبه خلاص تتحمل مسؤولية طلبها رفع يديه من خصرها مكان

ضمه لها ومسك راسها وحب عيونها وبين حواجبها ورأس
خشمها و

ويوم شافها تبى تفك منه عود لضمها من جديد وهو يقول لها
خالد : احبج هديل وبسوي الي تبين عشان تعرفين شقد احبج بس
الله ياخذ حقي منج تبين تحرميني منج اسبوعين وانتى بين يدينى
وقدام عيوني هذا اكبر عذاب وامتحان لي.

هديل: خالد خلاص فكني ماصدقت.

خالد: لا مراح افكج كيفي من يقدر يقول وخر عن مرتك.
هديل بدلع ذبح خالد من الوريد للوريد : خالد خلوودي ممكن
تفكني.

خالد: لبيه في ذمتي لبيه من اقصى قلبي وضلوعي آه يا ويلك يا
خالد جاك الي يعرفك ان الله حق امري يا منى عين خالد وفكها
وهو ويغمض عيونه ما يبى يشوفها ولا يقدر انه يشوفها ولا
يقرب منها.

هديل: من احيته لين يوم عرسنا ما راح تشوفني بنشغل في
تجهيز لوازم العرس ولازم اخلص خلال اسبوع
خالد: ومن بامره مراح اشوفج .؟

هديل: مهب امر حد بس فكر فيها الصبح والعصر بتجهز يعني
متى بفضى لك وبعدين ما فيه شوفه وعشان تشتاق لي.
خالد: آه انا مشتاق من أحيته يقلدها كل كلماتها ومفرداتها حلوه
مثل بوزها الحلو

خالد: هدولتي والي يعافيج خلي لي من وقتج كل ليله ربع ساعه
ما راح العوزج.
هديل: لا يعني لا.

خالد: اقول انتى ما ينخذ رايج انتى تنحطين قدام الامر الواقع
بشوفج يعني بشوفج.

هديل: تعلمت انزين شوف شبسوي فيك اذا حطيتني مره ثانيه
قدام الامر الواقع.

خالد: يعني بتذليني بشوفتج قلنا احبج قلنا حلوه قلنا اموت فيج
قلنا ريحتج تدوخ قلنا ضمتج تودي وراء الشمس.

هديل: خلاص خالد وحياتي ابيك تشتاق لي وكلها اسبوع وبكون
عندك لابد الا بدين.

خالد: خلاص طلباتج اوامر بس كيفج استحملي الي بيصير لج
قدام المعازيم لما اجي اخذج من الكوشه.

هديل: اقول اعقل عشان احبك.

خالد: وشو قولها جبييتي مره ثانيه.

هديل: شقول اقول لاني احبك ولا..... ولا.....

خالد: اقول احسن لج تدخلين الحين لا خذج لبيتنا الحين مثل ماخذ
فهد في في نفس اللحظه امك منا وخذها وراح لغرفته في ساعته
ولحظته.

هديل: اوكي تصبح على خير ... وجات وباسته على خده وشردت
ودخلت على هله وهي محمره الخدين ضحكوا
عليها عرفوا ان خالد لعب في اعصابها وبهدلها وهذا واضح من
شكلها.

اما خالد فكان مثل المسبه ويقول في خاطره وين الي ما تبيني
اقرب منها ولا تبوسني ولا تقريني بس خطوبه ومسكة يد آه
منكن يا نسوان معلية هانت ان ما لعبت في حسبتج بتشوفين يا
هدولتي.

انشغلت العايله كلها في ترتيب امور العروسن وترتيب شنة
العروس الي بتصبح مسافره وبتغيب عنهم شهر كامل.

في: انا بجهز شنتج من عطور ومكياج وقمصان نوم وبيجامات
وانتي يا البطه تقصد نور عليج الشنط والجزم وانتي رغدوه مع

رغد: اووووووه يا ربي هم لازم يطبون علينا في كل مناسبة.
نور: استحي على ويهج الحين انا وامج انسوي معهم الواجب
ونزورهم بين فتره وفتره عشان خاطر اخوج وانتي ولا هامج يله
تعالى سلمي وافردى سحنتج.

رغد: يعنى ناس رفضت ولداهم شلون استقبلهم.
نور: معلية عدلى ويهج لو تشوفين ساره وهي تسأل عنج.
رغد: يله خلي عنج الفلسفه الزايدة.
كانت في مع هديل تعدل فيها مع الكوافيره وكل شوي يخترب
مكياجها لانها كانت تبكي تذكرت امها واختها.
في: حبيبتي ترحمي عليهم وهاذي ليلتج واكيد هن ارواحهن معاج
ترفف حواليج افرحي ان الله خلالج ابوج الي يطالع الله ويطالعج

هديل وهي ضامه في: خلاص ما عاد اقدر اتنفس من كثرة ما
صحت.

في: خلاص غسلي ويهج وارتاحي نص ساعه بعدها بنحط لج
ميكب لآخر مره وترا ما عاد عندنا وقت يله حبيبتي اذكري الله
وتذكري وجه خلود وهو يضحك وانتي بتضحكين ولا شرايج
هديل بتسمت

في: لا حول لو داريه كان من زمان ذكرت اسمه.
كانت الجدده قاعده مع العجايز رفيقاتها وتامر على القهوة
والفواله وهي فرحانه بها الجمعة الحلو
واما ام فهد والعمه قوت ومنيره فكانن موزعات عمارهن الي
تامر على ذالشي والثانيه تباشر المقهويات والثالثه على كذا
شغله لحد ما جاء وقت زفة العروس
وانزفت على موسيقى هاديه وكان جمالها الطاعي واضح مع
مسحة حزن والكل من شافها ترحم على امها واختها واطلبوا لها

السعادة.

وصورت مع اهل خالد ورقصوا لها اقرباء خالد لان هي مالها الا
خال وزوجته وماجوا لعرسها مع انهم معزومين لانها رفضت
ولدهم وبعد ساعتين من دخلة هديل

دخل المعرس مع ابوه وعمه واخوه وابو العروس ولما وصلوا
الكوشه وقفت العروس وجاها خالد وقف جنبها وحبها على
راسها وخلا عليها الغطا لوجود عمه واخوه فهد اما ابو العروس
حبها ووصاها على خالد وعلى نفسها لانهم بيروحون بكره
ويمكن ما يشوفها.

وظلع وطلعوا معاه الباقيين وشل خالد الغشوه عن وجهها .
خالد خذ نفس طويل وهو يقول لها: حرام عليج شتبيني اسوي
انفذ تهديدي!!!.

هديل بصوت ما ينسمع : ارجوك خالد خلك عاقل وسو الي تبنيه
بعدين الحين شوف الحريم شلون يطالعن .
خالد: اوكي راح اخليج الحين بس بسوي الي ابيه بعدين شكل ما
قلتي

وقعد يضحك مع امه وجدته وتصوير لحد ما جاء وقت طلعتهم
وظلعوا وراحوا لبيتهم والمصوره معهم وداخل غرفتهم كانت
المصوره توجههم.

هديل وهي تقول للمصوره : ما خلصتي!
المصوره : لا لسه.

خالد: اخذي راحتج وشو تبين من حركات راح نسوي لج .
هديل: اقول خالد خلك عاقل تراني معاد اقدر .

خالد وهو يضحك للمصوره الي كانت تقوله رح لوراها وخط
حنكك على كتفها وضمها هيك لا مش هيك قرب كثير طيب بقى كم
صوره وانتوا بتبوسوا بعض.

هديل: اقول احسن لها تطلع.
جاتهم في : هلا بالمعاريس اقول ترى عشاكم جاهز وانتي يا ماما
ما خلصتي!!.

المصوره : بقت كم صوره.
في: طيب بروح خمس دقائق وجايه خلصوا
واستسلمت هديل لتعليمات المصوره وخلت خالد يبوسها عشان
تخلص وكلها دقائق وطلعت المصوره قام خالد وفسخ بشته
وجلس يطالعها وهي محتاسه بلبسها.

خالد: تبين مساعده؟؟

هديل: لا مشكور

اندق الباب راح خالد فتحه لقي في

خالد : هلا بالغلا كله

في : ويه لا تخلي هديل تكرهني المهم انتوا بتطلعون من هنا
واحنا نايمين وحببت اوصيك على اختي الثالثه ولو لعوزتها كنك
ملعوزني انا.

خالد: يعني وشو اختج الثالثه .؟

في: يعني احنا اربع الله يعينكم علينا ويله تصبحون على خير
وانتي حبيبتي شكل ما قلت لج وانت تعال ابيك شوي برا.

خالد: من عيوني تعالي

في: وهي تضحك اشفيك تغازلني تراني اختك يا خبل با قولك ترى
البنت خايفه خلك معها لطيف وحبيب ما اوصيك ويله باي .

خالد: وانتي من هله يا الغاليه

التفتت عليه في وهي رافعه حاجب

خالد جا عند هديل الي قاعده على سريرها وهي مهى عارفه
شتسوي جاها ورفع راسها

خالد : هديل حبيبتي قومي بدلي وخلينا نصلي ركعتين بعدين

نتعشى تراني جوعان ولا انتي شرايج؟؟
قامت وغيرت ثيابها وصلت مع خالد وتعشت معاه على خفيف .
خالد: هديل حياتي ارجوج لا تستحين مني اعتبريني كل شي لج
وصدقيني يا قلبي انا بعد بكون لج كتاب مفتوح وبالنسبه لطلبج
ذاك اليوم شرايج نلغيه ونبدأ حياتنا الزوجيه من احيه
رفعت راسها تفأ جئت بعيونه الضاحكه وحبته اكثر مما هي تحبه
قومها

خالد : قومي حبو خلينا نرتاح شوي بعدين بنمر على ابوج وامي
وابوي نسلم عليهم قبل لا نروح واحينه خلينا أنام.

هديل وين بتنام .؟

خالد : في غرفتج بعد وين.

هديل: مع بعض!!

خالد ضحك على تفكيرها

خالد :ايه حبيبتي بتنامين جنبي وتراها مهى اول مره ندخل
السرير مع بعض ولا نسييتي.

هديل تذكرت ذاك اليوم الي بالغلط.

هديل: لا خالد نام على الكنبه هاذي ومدت يدها على كنبتها
الصغير هالي في غرفتها.

خالد: بقولج شي تراني انا الي مختار ها الكنبه صغيره عشان في
يوم لو حد زعل منا ما يقدر ينام عليها ومن الحين اقولج مهما
صار بينا محد بنايم بعيد عن الثاني لا هنيه ولا في السفر
والاتفاق قايم وبتشوفين اني ما راح اخرقه الا اذا كنتي خايفه من
روح!!.

هديل: شلون خايفه يعني اني بموت عليك وما اقدر اقاومك .!؟!

خالد: مثلا يعني.

هديل: معليه يله خلنا نام وقاموا راحوا ينامون وكل واحد يمثل

القوه على حبيبه والحقيقه انهم هم الثنين يموتون على قرب بعضهم.

وناموا جنب بعض وهم كلهم فرح لان الله جمعهم على محبته وطاعته بدل معصيته.

وعلى الساعة 8 الصبح

قام خالد على صوت المنبه طفاه والتفت على هديل لقاها نايمة نومه هاديه ويدها تحت خدها قرب خالد وحبها على جبهتها وقومها بشوئش

انتبهت على قربه منها ما تحركت تمت تناظره وهو منكب على كوعه ويطالع وجهها الصبوح.

خالد : صباح الخير عروستي الحلوه

ومد يده وزاح شعرها عن وجهها وحبها مره ثانيه

خالد: يله قلبي قومي .. وتوه بيقوم.

هديل: خالد صباح الخير هذا اول يوم اشوفك جنبي واتمنى ان كل حياتي تكون بقربي

ومدت يدها على رقبتة تبي تقربه منها وحبته على خدينه الثنين وقامت راحت للحمام تاخذ لها شور وطلعت

وهي مستعجله لفته لابس ويتعدل عند المنظره وخر عشان تاخذ

راحتها هي لما باسته تبريد وقال في نفسه ها البنت بتذبحني

يعني ولا شسالفه لا تقربني وبعدين هي الي تبوسني بس والله

بوستها جنان ونعومه آه شلون بتكون بوستها لي لما تكون على الشفه.

(اوه كني خرتها ويمكن الرقابه ما ترضى على ها الكلمات تقوم

تلغي القصه كلها وتزعل علينا نادر وجودي)

بعد ما تجهزوا راحوا لآبو هديل لقوه في الصاله يتقهوى ويتريق

يوم شافهم فرح لوجودهم

هلا بعيالي صبحكم الله بالخير.

خالد: هلا يبه وحبه على راسه

وجات هديل وحبته وقعدت عنده توصيه على روحه وانها ما راح
تتاخر عليه وبتكلمه اول باول وطلعوا راحوا لبيت ابو فهد لقاهم
قاعدين الا رغد اكيد نايمه

بعد سهرة البارحه شربوا معهم شاي وطلعوا وهو عند سيارته
قال لهديل

تعالى نروح لعمتي تراها ها اليومين تحب الي يسأل عنها وراح
لها لقاهما مع الخدم ترتب وتعدل ويوم شافتهم جاتهم وسلمت
عليهم.

وحببت تقهويهم بس هم كانوا مستعجلين ودخنتهم ع السريع
ووصتهم بعمارهم ولا ينسون الاتصال.

وطلعوا من عندها ع المطار على طول وسافروا بحفظ الله.

بعد عشر ايام وصل عبدالعزيز

عشان يكون مع نور في ولادتها وبعد وصوله بيوم ولدت نور
وجابت ولد نسخه عن ابوه وعمت الفرحة على العايله هذا اول
حفيد لهم ووصلت ان نايف وهو برا طلب من هله اكبر باقة ورد
باسمه تكون في غرفة المولود

ويوم شافت رغد الباقه ماتت عليها وعلى كبرها وشافت الاسم

استغربت شلون وصلت منه ها الباقه وهو مسافر ؟

في: يا ذكيه طلب من هله الي هنيه يسونها طلبيه لولد صديقه
الغالي وبعد الولاده بيوم جو اهل نايف وباركوا لعبدالعزيز الي ما
تركهم من يوم حادث ولداهم وهنوا نور وباقي العايله.

في غرفة في وفهد

في: فهد ممكن اكلمك في موضوع مهم.

فهد: تعالى حبيبتي اقعدى وقولي الي عندي باين من ويهج انه

موضوع كبير.

في: لا تفهمني غلط بس لازم نتكلم احنا من تزوجنا لنا سنه
تقريبا ولا صار لي حمل وكم مره تكلمت مع امي وامك وعموه
وكانوا يقولون توني صغيره وتو الناس.
فهد: وهم صادقين تو الناس انا عادني ما شبت منج ولا ظنتي
بشبع من وجودج.

في: لا محنا صغار وانت بالذات قدك في 33 منت بصغير.
فهد وهو معصب عليها : شتبين تقولين اني كبرت ولا ویش.
في: اقول خل عنك السوالف الزايدة انا بروح بكره افحص اشوف
اشفيني .؟؟

فهد: في ما فيه داعي خليها على ربح ومتى ما أذن احنا راضين .
في: معليه فهد خلني اروح اشوف واذا ما فيني شي بصبر وبنظر

فهد: على راحتج يا الغاليه سوي الي يريحج.
في ديار الغربه عند احدث عروسين
عبدالعزيز اول ما ولدت نور وجابت جاسم اتصل في تؤمه يبشره
وهو راح ركض لهديل يبشرها انه صار عم وكان يدور بها ويفر
بها وهي تضحك عليه

هديل : خلاص خالد والله راسي لف فكني وبعدين الاكله الي في
الفرن بتحترق.

خالد: خليها تحترق انا عازم جالي اليوم برا وانا كل يوم بصير عم !!
هديل: لا والله وها الاكل الي تاعبه عمري عليها من الصبح يروح
للزباله لا بكره اعزمني اليوم بتاكل شي جديد من الصبح وانا
اطبخه

هديل وخالد من جو في دورة خالد وهم يتعاملون كخطيبين شكل
ما اتفقوا وكان خالد ميت قهر منها ومن حركاتها كله قدامه

بحلاوتها ورقتها وهو متكتف بذاك الوعد وكانوا بعد ما يرد خالد
من شغله يقضون الوقت في التمشي والدواره والتعرف على
معالم البلد اما في الصباح فكانت هديل تطبخ وتنظف وتغسل كأي
مره في الدنيا.

وكان اليوم اليوم الاخير في الخطوبه وكانت هديل مقهوره من
اختيارات في لملايس النوم لهديل ما قدرت تلبس ها الايام الي
راحت الا البيجامات وثلاث قمصان شوي محترمات ومع ذلك ما
سلمت من نغزات خالد لها

وكانوا ينامون مع بعض ويصحون مع بعض وكان الامر بعض
المرات يصير فيه تلامس غير مقصود على اثره يشب قلب خالد.
هديل: خالد تعال ذوق من طباخي شوي واذا ما عجبك خلنا نروح
برا.

خالد وهو بيموت عليها وعلى شعرها الي رافعته على قمة راسها
وجاي منه شوي على وجهها
خالد : اوكي ذوقيني وبشوف

وقعد معها في المطبخ وقعدت تذوقه من كل شي : امممم والله
ومرتي ست مطبخ لما نروح للدوحه ما بي خدامة ابوج العيوز
تطبخ لنا ابيع انتي الي تطبخين لي.

هديل: من عيوني.

خالد: شلي ذبحني غير عيونج العسلية.

هديل: بس عيوني ما فيه شي ثاني.

خالد: اقول احسن لي ولج انكبي ليصير شي ثاني.

هديل: لا تعال شوف ملح الشوربه كل شي اضبطه الا كمية الملح

.

خالد: عطيني شويه في المغرفة ذوق بعدها بروح ابدل على ما
تحطين الغدا.

هديل: كانت ناويه على خالد اليوم خذت شوربه وقربت منه
وصبت في كف يدها وقربت يدها من ثمه عشان يذوق من يدها
مباشره هو ما صدق مسك يدها بيديه الثنتين وشرب منها
وما رد علامه انه لين الحين ما عرف قامت صبت له مره ثانيه
فلسعتها الشوربه من حرارتها وخالد على طول رفع يدها وشرب
الي فيها بسرعه عشان ما تحترق يدها بعدها قعد ينفخ على يدها
لين بردت وحب بطن يدها وطالع وجهها
خالد: هدول والله الي تسوينه فيني راح يطلع منج اليوم ولا انتي
ناسيه ان اليوم اخر يوم في خطوبتنا وطلع وخلاها فاتحه حلقها
هديل : شيقصد هذا؟؟

وشهقت هديل آه نسيت وانا مرتاحه على الوضع وهو يغلي علي
وانشغل تفكيرها عن نجاب الغداء.

خلص خالد بدل وخذله شاور وجاها ولقاها على الوضعي هالي
خلاها عليه يوم يروح عنها من شوي مر من قدامها وغمز لها
بعينه انتبهت له وقامت حطت الشوربه والسلطه بعدها حطت
الغداء

وقعد ياكل ويمدح في طباخها ويذوقها منه وهي مستحيه من
كلامه الي قاله قبل لا يروح يبدل.
وبعد ما خلصوا غدا جابت الحلو وكان حلو بمعنى الكلمه وكله
كله.

خالد: اقول هديل اذا كل يوم بتاكليني كل يوم كذا بصير متيح.
هديل: فيه العافيه وقامت تشيل الصحون وهو يساعدها كالعاده
ويسولفون عن الطفل الصغير الي جا عايلتهم.
خالد: اقول هديل ها الولد ولد اخوي اكيد يبي له عروس عقب
عشرين سنه ولا شرايج.

هديل وهي مهى منتبهه لكلامه : اكيد.

خالد: خلاص عروسه عندنا وين بلقي معرس لبنتي احسن من ولد اخوي.

هديل: ها وشهو شتقول خالد وهو يقرب منها : اقول حرام عليج الي تسوينه فيني ترى الله ما يرضى وانا واصل حدي تعبت.
هديل: خالد لا تستعجلني.

خالد: استعجلج !!! اففف اففف اقول انتي ما يجي معا جالا الامر الواقع الليله بتكونين عروسي غصبا عنج وان رضيتي زين على زين وعلى فكره قمصان النوم الي حاطتهم في درج داخلي وخاشتهم راح تستعملينهم من الليله سمعتي يا مره ولا اعيد كلامي آه تعبان – تعبان بروح اريح خلينا نقوم على المغربيه نطلع نتمشى بعدها.....

راح خالد ينام وخلا هديل تفكر شذا الحاله والله مستحيه شسوي راح الوقت وطلعوا يتمشون ونست هديل الي ينتظرها وقعدوا يتضاحكون وياكلون ايس كريم بعد العشاء بعدها راحوا يتمشون ع البحر وعلى نص الليل ردوا لشقتهم على اساس ان خالد خلص دورته الي مدتها 15 يوم ومن بكره تبدأ اجازته واول ما دخل خالد راح لغرفتهم يبدل وخلا لهديل الوقت يبي يشوفها بتنفذ له الي اتفقوا عليه ولا بتخاف.

طلع من الغرفه وخلا لها المجال وراح للصاله هي فهمت وقالت خلاص هو صبر علي وايد شقد بعذبه يعني راحت تسبحت وغيرت ولبست قميص نوم جديد وتعطرت وحطت مكياج بسيط على اعتبار انها عروس والليله دخلتها.

بعد ساعه جاها خالد لقاها واقفه تشوف الشارع من الشباك جا وقف وراها وضمها وقال لها يعني ما ناديتني ليه هديل ؟ ولا ردت عليه لفها عليه وخق على شكلها وحلاوتها وضمها وقعد يقول لها كلام ولا احلى عشان يجريها عليه ومن ها الليله بدت

حياة هديل مع خالد
ونتمنى تكون احلى حياه زوجيه تمنوا معي لهم.
وتابعوني الله لا يخليني منكم.....

دَعِ خَطَوَاتِكَ فِي الْحَيَاةِ كَمَنْ يَمْشِي عَلَى الرَّمْلِ لَا يُسْمَعُ صَوْتُهُ
وَلَكِنْ ، ، ، أَثَرُهُ وَأَصْحُ..

كانت ام ثامر منيره شاكه في شي وطلع شكها في محله وقعدت
مبلمه راحت لعمتها ام ماجدة ولقتها عند بنتها قوت وام فهد
قاعده تغير لحفيدها جاسم دخلت ووجهها متغير 180 درجه.
الجدد : هلا بمنورتي وغلا تعالى القعده ناقصتج.
منيره وهي متضايقه : هلا يمه شلونكم؟؟
ام فهد: بخير وشفيج كنج تعبانه عسى ما شر!!
منيره: والله مدري شاقولج انا في حلم ولا علم بس لا انا متأكده.
قوت: شلي انتي متاكده منه عساه خير بس.
منيره: شقولكم اقول لكم اني حامل على كبر اقول ان الي بنتي
تبيه جاء صوبي والله اني في نص هدومي من المستحي.
الجدد وهي فرحانه : والله يا عساه مبروك والله انج فرحتيني
يامج.
ام فهد: مبروك.
منيره: أي مبروك اقولكم مستحيه تقولين مبروك انا لو ابي عيال
كان من عشر سنين جبتهم من بعد ولادة علي ولدي بس.
قوت : اذكري الله يا اختي هذه هدية الرحمن وخلي بزرع يلعب
مع حفيدي وينترس البيت يهال بيتنا ما فيه يهال صغار صاير
جاف الحين بيصير له حس وطعم.

منيره: انزين وفي بنتي شقول لها.

الجد: وشدخل في في السالفه؟.

منيره: يا يمه مثل منتي عارفه هي تبي الحمال ولها كم يوم تبي

تروح تفحص تقوم تلقى امها العوده حامل!!!.

الجد: لا عوده ولا شي عمرج 46 وعوده وبعدين ترى ها الطفل

بيجدد شبابكم وقولي امي العوده ما قالت... عبيد يدري؟.

منيره: لا شقوله مستحيه.

الجد: خلي السالفه علي ابي افاجئه واشوف سحنته الحلوه وهو

يعرف بحمالج.

ام فهد: اوه كان ما يلعوزني ابو فهد ويقول يبي له ياهل مثل

اخوه.

منيره: الحين من الي بيفاتح في في موضوعي.

نور: انا بقول لها والله يا خالتي منيرة ان في بتفرح مدري ليش

انتي حامله هم في اكر شي.

منيره: لانها تبي الحمال ولا تحمل تقوم تشوف امها حامل شذا

البلوى!!!.

دقايق وجات في من دوامها مع فهد وبعدهم جاء ابو ثامر

واجتمعت العايله بجية ابو فهد وعبدالعزيز وتغدوا وحلو.

الجد: يا جماعه الخير عندنا خبر حلو لكم قامت منيره تبي تقوم

قالت لها عمتها اقعدي وين انتي قايمه انتي صاحبة الخبر الحلو

اقعدي راحت انخشت وراء عبدالله.

عبدالله وهو يكلم منيره : شسالفه منور وشها الخبر.

الجد: خل عنك المساسر واسمع تراك يا امك بعد ست شهور

بتصير ابو من جديد.

عبدالله: هاه قولي والله صدق منيرة الي امي تقوله؟؟

في: والله يمه صدق وناسه بيصير لي اخو بس لا ابي اخت ادلعا

دلع غير شكل.

منيره وهي ميته خجل: يعني يمه انتي فرحانة اني حامل ؟!
في: شها السؤال ايه ايه فرحانه تخيلي طفلي وطفلي يلعبون مع
بعض والله وناسه.

عبدالله: يعني عقب ما شاب ودوه الكتاب.
ابو فهد: تخيل عاد انت رايح للمسجد وفي يدك لعبه صغيرونه
رايحه معاك للصلاه.

عبدالله: اقول لعبه هاذي بيكون اخر العنقود وكل شي له وانتي
منور وبصوت واطي سويتها برضاج ولا غلطه.
منيره: والله عبدالله غلطه غصب عني.

عبدالله: صدقيني احلى غلطه ومسكها من يدها واستأذن منهم
اقول اسمحوا لنا الحين لازم اهتم في ام ثامر واداديهها وكل شي
تبيه تأمر به.

فهد: اقول خالتي اطلبي الي تبينه والي ما تبينه تراج في موقع
يسمح لج اتدللين

منيره ويدها في يد زوجها وتضغط على يده : فهد هذا عبدالله من
يوم ما خذته وطلباتي عنده اوامر.

عبدالله وهو يخزها بحب : فديت الي يدافعون عني في وجودي .
فهد: يله عاد روحوا عيب تتغازلون قدامنا .

عبدالله: وانت من رادك لا تغازل بنتي اكيه عندك اقعد غازلها .
فهد: انا اغازل في على حده مهيب قدام الشعب .

عبدالعزیز: من متى يا كذبك كم مره خرجت الامور عن يدك
وفقدت السيطرة على امورك تبيني اعدلك .

فهد: اقول اسكت روح زوجتك فوق تبيك وولدك يصيح يبيك تشله
وتدله.

عبدالعزیز قام فز وطار من سمع طاري ان ولده يصيح ويبيه

وقعدوا يضحكون عليه.

في : عموه ترى بكره عندي موعد الساعة 8 تروحين معاي ؟!
ام فهد: ولىش ما اروح انا معاج خلي عمتج عند حفيدها وانا الي
بروح معاج.

في: الساعة المباركه الي بتروحين معاي فيها خلاص خليج

جاهزه الصبح وبنروح مع بعض

فهد: أي موعد ما قلتي لي عليه؟

في: موعد عند دكتورة نسائيه.

الجد: الله يحقق الي في بالج وينترس ها البيت بالعيال الصغار.

ابو فهد: يله اسمحولي بروح اتمدد شوي قبل صلاة العصر.

فهد: يله في نروح لبيتنا ولا حلت لج القعه وبتخليني بروحي.

في: يعني لازم اروح معاك ما تدل الطريق روح وبجيك بعدين.

فهد: اوكي لي الله خليج عند عجايزج وطلع وهو مبوز.

قوت وهي تضحك يا حبي لها الولد قومي روعي وراه تراني ما

حب اشوفه مبوز.

ام فهد: تصدقين العيال كبروا واعرسوا معاد بقى عندنا الا رغد.

في: نصيبها جاي ان شاء الله يله بروح لحبيبي والله ما قدر على

زعله راحت له ولقته نايم راحت جنبه وظلت قريب من وجهه نايم

حبي؟؟؟

ولا رد راحت بدلت وجات انسدت جنبه وهي تفكر بشكل طفلها

لما يكتب لها الله طفل.

بعد اسبوعين قضاهم خالد مع هديل كشر عسل ولا احلى رجعوا

للديار وهم شحلاتهم وسكنوا مع ابو هديل كما هو الاتفاق.

نور بعد ما خلصت الاربعين طلبت من جاسم يستخرج شهادة

تخرجها عشان تشتغل.

عبدالعزيز: ليه مستعجله على الهم اقعدى مع ولدج عابليه احسن

لج.

نور: ولدي عنده امي وامك بعد ما استقالن من وظائفهن كله
عشان ها النتفه الكل تحت امر ولدك.

عبدالعزيز: يحق له ولدي ولا شرايج؟

نور: رايا ا نام وجدتي وامك يكفونه ولا تدلعه اكثر ترى بعدين
ما تقدر تحاكيه.

هديل: استأنفت دراستها الجامعيه وكله تروح مع رغد وترجع
معها.

فهد وابوه وعمه في شركتهم الخاصه والحريم في بيوتهن
والحياه ماشيه

اما بالنسبه لفي بعد ما راحت للدكتوراه النسائيه لقت عندها ضعف
بالمبايض وعلاجها بيطول الا اذا فكرت بالحمل عن طريق
الانابيب واقترحت عليها دكتورتها انها المره الجايه تجيب معها
زوجها ويتشاورون على طفل الانابيب
وبعد مشاورات وحب خشوم وافق فهد ولا هو ما وده في تستعجل
في ها الامر وبعد ثلاث شهور حملت في
وطارت من الفرحة وقدمت اجازة طويله بدون راتب لان دكتورتها
نصحتها بعدم الحركه الكثيره.

وكانت ام في في الشهر السابع وفرحانه لبنتها ورايحه وجايه
على بنتها تبي تحسسها ان حملها ما راح يرددها عن الاهتمام
باول حفيد لها.

بعد شهرين

ولدت منيره وجابت بنت حلوه سمتها اختها في مي عشان
الاسمين يتراكبون مع بعض وكانت في في شهرها الثالث لما
حست بالام فظيعة في ظهرها قامت صحت فهد وكانت تبكي من
الالم تروع فهد :شفيج حبيبتي.

في: مدري فهد بموت ظهري يتقطع علي.

فهد شلها وسيده على سيارته ومنها على مستشفى العمادي لان
في اتابع حالتها هناك وبعد كشف وتشخيص اكتشفوا ان في في
حالة اجهاض.

حزن فهد على حالة في وتخيل هي شقد كانت فرحانه بالحمل
والحين سقطت راح لها غرفة العمليات
وشافها وهي نايمه مثل الملاك ما تدري هي شفقت قد يطالعا
ويتمنى تمر ها المرحلة بسلام وطلع راح للبيت وقعد عمته وطلب
منها تجي معاه وتاخذ لفي كم غيار.

قامت العمه وهي حزينه على في والي صار لها آه يا حبيبتي
وانتي القدر مستكثر عليج الفرحة.

لما عرفت انها فقدت طفلين بدال طفل تمت تصيح ومنهاره :
شلون حرام عليكم كان سويتوا شي يثبت حملي ولا انتوا عندي
توقفت شطارتكم.

وقعدت تصيح وفهد ما سكها يهدي فيها وانهم عادهم صغار والله
بيعطيهما وها ذिला الطفلين ان شاء الله يكونون شفعاء لهم يوم
القيامة وهي خاشه وجها في صدره وتبكي عطاها ابرة مهديه
عشان تنام وترتاح واستمرت في تحت الملاحظه كم يوم وطلعت
من المستشفى طلبت من فهد انها تقعد عند امها.

فهد: ليه في حرام عليج انا ما ستحمل ليله ما اشوفج نايمه جنبي
لا مراح اخليج تروحين والي تبينه بسويه لج.

في: وهي تبكي على كتفه ابي اكون قريبه من اختي الصغيره ابي
احضنها واشيلها كني اشل عيالي الي راحوا مني.

فهد وهو حزين من حالتها وكلامها الي يقطع القلب كنها ما راح
تجيب عيال.

فهد: حبيبتي بخليج عند امج كم يوم بس كل شوي وانا عندج هذا

اذا ما نمت عندج مقدر والله مقدر على بعدج.
في: كيفك اهم شي ابي اقعد عند امي ومي.
فهد: اوه لا لا تخليني اغار منهن تراج انتي مالتى انا وبس
عارفه ولا اعرفج زياده.

في وهي تمسح دموعها : خلاص يله ودني سيده على بيت ابوي
وداها فهد ونزلها ونزل معها وساعدها لين نامت على سريرها
ولحفها وقعد عندها شوي .
فهد : اقول في غرفتج وايد حلوه .

ام في وهي داخله عليهم: لان صاحبة الغرفة احلى هلا وغلا بنور
ها البيت جات وباست بنتها وحطت في حضنها اختها وقالت لفهد
بروح اجيب لكم عصير.

في تمت تطالع اختها كانت نتفه صغيره وما سكه يدها .
في: تدري لو الله كتب لي عيال مره ثانيه مراح اتحرك .
فهد: في وبعدين معاج انتي ما سويتي شي غلط عشان تلومين
روحج والله في ترى بزعل عليج ما يسوى الي تسوينه في روحج
انتى عندي بالدنيا كلها ولا ما تدرين

وقعد يسولف وشل مي منها وقعد يطالع ها الصغيره وقال لفي
شرايج اربيها مثل ما ربيتج ببعدين اطلقج واتزوجها بيكون عمري
لما تكون هي عشرين سنه بكون في الخمسين شرايج .؟؟
في طالعتة وخذت اختها من يده وطرדתه : يله برا - برا فهد
وهو يضحك ليه قلبي ما فيها شي تراها اختج وكنها والله العالم
تشبهج.

في وهي صدق مولعه من كلامه :برا لانا دي ابوي يحذفك برا .
فهد: يحذفني مره وحده اففففف كل ذا غيره صدق حبج نار
وتملك .

في: فهد!!!!!!

فهد: لبيه يا روح فهد والله انج مخروشه اذا بتصدقين اني اقدر
احب غيرج انتي وانتي كبر اختج هاذي دخلتي ها القلب وتملكتيه
ومن يومه محد دخله غيرج حاولوا غيرج بسما فيه فايده .

في وهي رافعه حاجب: وسلمى وين راحت؟؟

فهد: سلمى قلت لج عنها انها هي الي عرضت على حبها وما
شفت قدامي غيرها لحد ما رجعت من الغربه وشفت صاحبة
الفسطان الاحمر يا هو يوم ذاك اليوم خليتني مثل المسبه .
في: خل عنك المبالغه .

فهد: والله فيوه اول مره اشوفج كاشفه وكان شكلج خيال سواد
شعرج وبياض بشرتج وعمار فستانج كنتوا مكونين علي عصابه
.

في : بس هاذا الي عجبك فيني.؟؟

فهد: في كل شي فيج يعجبني كنتي على طول محجبه واذكر
ملاحج ويوم تلثمتي كنت اشوف عيونج الفتانه عيونج بروحها
كتاب شعر يبيله الي يفكه يقراه على مهله .

في: فهد لو انا ماجبت لك عيال ممكن تتزوج علي!!!.

فهد وهو معصب عليها: والله ان عاد قلتي ها الكلام مره ثانيه لا
زعل عليج وعلي بالطلاق ما اعرف غيرج من النسوان وعلي
بالطلاق بالثلاث ان ما كنتي انتي ام عيالي مراح يكون حد غيرج
ودنع عليها وعيونه محمره من الغيظ لا عاد اسمعج تقولين ها
الكلام مره ثانيه سمعتي ولا اسمعج .؟؟

وهني صاحت مي وضحكت في لتضامن اختها معها وفهد من
شاف المنظر الي قدامه وحده تضحك والثانيه تبكي ضحك مع في
وباس راسها وطلع وقبل ما يروح

فهد : اقول في سوى لي مكان اذا ما جاني النوم بروحي بجي انام
معاج.

في: ان ما شالتك الغرفه وسريري اشيلك بعيوني وصدري .

فهد: يا ويلي ويلاه عيل قومي نروح بيتنا .

في: فهو دي يله .

وبعد خمس شهور

رجع عبدالعزيز مره من سفره من سفراته الي ما انقطعت عن نايف وهو فرحان ان صديق عمره بيمشي اخيرا له سنتين وهو متحمل العلاج القاسي والغربه والبعد عن الاهل وآن الآوان ان الله يجازيه على قوة ايمانه وصبره على الالم وبعده عن اخوه الوحيد وامه واخته بس بيستعمل العكاز لمدة خمس شهور بعدها بيمشي طبيعي .

في اثناء دراسة ساره ورغد وهديل في الجامعه مع بعض قوت علاقة الصداقه بين البنات الثلاث وكانت رغد تستحي من ساره اول الامر عشانها رفضت اخوها نايف لكن مع الايام تعودت عليها وكانت تسمع اخبار نايف من اخوها وهو يتكلم مع العايله لما يسالونه عنه وتسمع ساره وهي تسولف على هديل وعينها على رغد .

طبعاً في سوت مره ثانيه والحين لها شهرين وقاعده تنفذ اوامر دكتورتها بالحذافير وتزيد من عندها عشان ما يصير لها الي ار ذيك المره والحين عمر جاسم صار 8 شهور ومي 5 شهور والبيت بيت العايله فيه طفلين وفي الطريق في حامل بتوأم . وهديل توها حامل وما كانت تبي تحمل بسرعه بس حصل . خالد وهو فرحان : ليش يعني ما تبين تحملين ؟ .

هديل: عشان دراستي ولا يرضيك كل شوي تعبانه يعني . خالد: لا والله ما يرضيني بس والله بساعدج بالي تبينه في درستج والطفل بعد ما يجي نعطيه امي تربيه لج لانج انتي بروحج تبين من يربيج .

هديل بدلع: ومن الي بيربيني!!

خالد: من يعني ما فيه حد بيربيج وببدلعج غيري وشمر عن يديه
كنه بيشلها الا هي شارده وراحت عند ابوها الي كان قاعد يطالع
التلفزيون وفرحان على ضحكهم الي واصله.

بعد مده رجع نايف للوطن وفرحت امه فيه وسوت له حفله كبيره
عزمت فيها الكل واول المعزومين بيت الحمد كلهم.

رغد: يمه مهب عدله اروح لحفلة واحد قد خطبني ورفضته؟
ام فهد: ما فيها شي هذا شي قسمه ونصيب والحين انتي علاقتج
مع ساره على احسن ما يكون شتتين اقول لهم عن عدم مجيج
كلنا بنروح حتى يدتج وفي الي ما تطلع من حملت بتروح.

رغد: بشارو عزيز وبشوف راحت قالت له على استحياء بس هو
ضحك عليها وعلى خجلها وكان رايه من راي امه وبعدين بقولج
شي هم نسوا امر الخطبه لان امه حاطه عينها على بنت اختها
اكيد بتشوفينها الليله في الحفله يعني عادي روعي وجمالي
رفيحتج الجديده ساره

اقتنعت رغد وراحت مع اهلها واول مره تدخل بيت ساره وكان
بيت حلو وكبير والناس شكثرهم والديجه يصدح واكثر من فرح
بجيه رغد هي ام نايف الي لمتها ومسحت دمعته.

رغد: خالتي شلونج والحمد الله على سلامة غاليج.

ام نايف: الله يسلمج يابنتي تعالي ساره داخل روعي لها في
غرفتها وراحت رغد ونور مع الخدامه لساره.

اما هديل وفي وباقي الحريم فقعدن مع الحريم في المجلس الكبير
وكانت ساره تلبس لانها لهت في الترتيب مع امها فعشان كذا
تأخرت ولا الود ودها تكون في استقبال الحبايب ونزلن البنات
وتموا مع بعض رقص وضحك الا رغد الي ما رقصت كانت خايفه
حد ينقد عليها وشافت ريم بنت خالة ساره.

رغد: من هاذي البنيه الحلوه الي تساعد امج في كل شي .؟
ساره: هاذي ريم بنت خالتي الي حاطه عينها على اخوي من زمان.

رغد: ليه واخوج وامج ما يبونها .؟
ساره: لا السالفه ان اخوي بغى وحده ومات عليها بس هي رفضته وامي حاولت فيه بعدها انها تزوجه أي وحده بس هو رافض فكرة الزواج بيزوج اخوي وبيزوجني وهو صرف نظر عن الزواج.

رغد: منهي الي اخوج يبيها وكانت رغد خايفه من اجابة ساره لسبيين.

ساره: يعني ما تعرفين ان الي اخوي يبيها وما زال هي انتي .؟؟؟
رغد: لا ما اعرف ولا قد حد قال لي شي .
ساره: المشكله يوم قلت له خلني اقول لرغد عن مشاعرك رفض وهددني ان قلت لج شي انه بيدبحني.
رغد: وليه يعني؟

ساره: يبيج توافقين عليه لذاته مهيب عشان صداقة اخوج لاخوي ولا عشانه شافج اول مره في فيلاجيو وبعدها شافج في بيتكم .
رغد وهي ميتة تبي تعرف نايف شقال لاخته عن شوفته لها في بيتهم.

رغد: هو قالج كل شي .؟
ساره: كل شي رغد ولا تخافين محد عرف ولا راح يعرف انا واخوي اسرارنا كله مع بعض
شوي وجاء تليفون لساره وخلت رغد قاعده تفكر بالي سمعته معقوله نايف كان يفكر فيني ويبيني شلون وليش ما صرح لي عن طريق اخته بس هاذي غلطته هو مهني بغلطتي .
جات ساره وكان الوجه مبتسم : اقول رغد تعالى شوي معاي .

رغد :وين؟؟

ساره : ابيج تشوفين البوكيه الي جايبته لا خوي حلو ولا اغيره
بواحد ثاني وخصوصا انج ذويقه في سالفه الورد.

رغد: يله وراحن للحوش لقت باقات و سلال الورد شكرهم وقالت
شختار لا خوي واقدمه على انه من عندي .؟

رغد: ليه هو انتي ما شريتي له ورد وتبين تعطينه شي من الي
جايبينه الناس وتقولين انه من عندج.

ساره وهي تضحك : ايه شرايج.

رغد: ما عندج سالفه اقول خلينا نرجع داخل نشوف الرقص
ونستانس.

سره: خليج بشوف سواقنا شيببي وبيج وراحت عنها وخلتها
بروحها واقفه وكانت رغد متكشخه وعباتها عليها والشيله على
كتوفها وما خذه راحتها لان البيت مافيه غير الحريم.
شوي وسمعت تحمم قريبه منها التفتت شافت نايف واقف وجاي
صوبها وكان متسند على عكازه.

رغد من شافته ما قدرت تتحرك تبي تروح وتبي تشوفه في
النهايه وقفت لين جاء ووقف جنبها هنيه انتبهت وحطت الشيله
على راسها وتلثمت وخلتها مرخيه.

نايف: مساء الخير رغد.

رغد : شلون عرفني؟ هلا نايف الحمد الله على السلامه وخطاك
السوء.

نايف: خطاج اللاش اشلونج شخبارج تزوجتي ولا عادج .؟

رغد اشفيه داخل عرض الاخ : الحمد الله يخير وعادني ما
تزوجت عادني صغيره وراي مشوار دراسه عن اذنك اخوي
اسمح لي.

نايف: لحظه رغد.

رغد: بغيت شي اخوي .؟؟

نايف: ايه بغيتك.

رغد: شنو !!؟

نايف: لو تقدمت لج مره ثانيه بتوافقين ولا بترفضيني مره ثانيه
؟؟.

رغد وهي ميته من الخجل: وlish تسألني تقدم وبتعرف الاجابه.

نايف: تقدمت وعرفت الاجابه.

رغد وعيونها مفتوحه على اخرها: متى تقدمت ؟

نايف الليله تقدمت لا بوج وعمج واخوانج الثلاثه وكلهم وافقوا

وحددوا الملكة انها بعد اسبوعين شرايج !!

رغد: الله يخليك لا تتغشمر معاي.

نايف: وحياتج وترى حياتج غاليه عندي وانا ما حلف بها الا وانا

صادق اني تقدمت لج وهم وافقوا.

رغد: تمت مبلمه ومبهته شلون هلهما يوافقون بدون ما ياخذون

رايها وتوها بتمشي الا نايف يقول لها : رغد وافقي واوعدج انج

ما راح تندمين والله اني شاريج واذا ما وافقتي راح الغي كلام

هلج وما فيه ملكه.

رغد: شلون تلغيه وهم حددوه بدون ما ياخذون رايب .؟؟

نايف: اذا ما عطيتني الحين راج ما راح اجبرج على شي ومثل

ما هو معروف ما تنجبر روح على روح وانا روعي عندج بغيتها

برضاج ابرك واسعد الساعات عندي ما بغيتها على كيفج بس ثقي

اني ما راح اتزوج غيرج.

رغد: ليش يعني الي خلقتي ما خلق غيري تراني شفت ريم

وتناسبك واحلى مني.

نايف: محد يناسبني غيرج ولا احد احلى في نظري منج والحين

بخليج وردي على ساره اذا موافقه بتمم الموضوع واذا ما تبيني

الله يسعدج مع الي تبينه.

رغد: قبل لا تروح وانا اروح ما تبى تقول لي ليش اخترتني من
بدة بنات ها الديره ممكن يكون صداقتك لا خوي مثلا.؟؟
ضحك نايف ذيك الضحكه الي خلت رغد تستخف على وسامته: لا
ما اخترتج عشانج اخت الغالي لا من شفتج في فيلا جيو وانا تمت
متكونين زوجة عبدالعزيز ويوم عرفت انج اخته فرحت وقعت

افكر فيج اشلون اوصل لج

ويوم الغزاء يوم شفتج في حجرة اخوج بغيت استخف شفتج على
الطبيعه بدون مكياج ولا لبس كلها عبايه سوداء ولسان ينقط
عسل وهو يضحك يوم تذكر كلامها لاخوها: وكله كوم وضربة
ريلج على الارض بقوه.

رغد: استغربت اشلون عرف حركتها هاذي حركتها لما تكون
متضايقه تضرب الارض بريلها اليمين بقوه.

رغد: اشدراك بها الحركه ما ذكر اني سويتها قدامك.

نايف: الا وبدل المره مرتين مره في المجمع يوم كنتي تهاوشين
المعجبات ضربتي الارض

برجلج وانتبهت واعجبتي وثاني مره في غرفة اخوج وانتي
تحسبيني اخوج واستعبطت عليج ضربتي الارض مره ثانيه.

رغد: انزين شلون شفت ضربة رجلي للارض وانت على وجهك
القوطه.

نايف: كنت مرخيها واشوفج رغد اذا تبين تسمعن مني كلمة احبج

تراها كلمه مستهلكه واذا فيه كلمه اكبر من كلمه احبج اذا فيه

ابي اقولها لج عن اذنج واسمحي لي اني تعديت حدودي مرتين

الليله مره اني تقدمت لج بدون سابق انذار بس لو تفكرين فيها

وتحطين عمرج مكاني راح تسوين الي سويته

والمره الثانيه اني جيتج اوضح لج وجهه نظري بعيد عن الاهل

وانا بصراحه ما بي اخون ثقة هلج وهلي وراح منها
بنتظار ردج على احر احر من الجمر راح
وقعدت فاتحه حلقها شلي صار وهل هو صج ولا خيال راحت
داخل لقت ساره توها داخله وراها وهي فرحانه ان اخوها وضح
وجهة نظره لرغد

وقعدت في الحفله لنص الليل بعدين كل راح في حاله
وعند الباب يوم ودعتهم ام نايف وهي تسلم على رغد
ام نايف: مع السلامه يمه جعل عيني ما تبكيج وجعلج راعية ها
البيت عقب عيني.

رغد: اسم الله عليج خالتي يله تصبحون على خير مع السلامه.
بعد يومين فاتحوا رغد في سالفه الخطبه وهنيه تأكدت من صحة
كلام نايف لها انه تقدم لها سككت كانت تبي تعرف هل صدق انهم
حددوا الملكه ولا هو يبيها ترضخ لهم.

ابو فهد: يا بوج يا رغد ترى نايف رجال ما ينعب ولا ينعباف
واحنا عطينااه الموافقه من بعد اذنج.

رغد: ليش تعطونه الموافق هو انا عاذني ما وافقت.
ابو فهد: انا شفت انه يناسبج وشاريج وهاذي ثاني مره يخطبج
وقال اذا ما رضت بنظر كم سنه وبتقدم لها هنيه عرفت انه
شارينا

وعطيته كلمتي وما ظنتي انج بتلقين احسن من اختيارنا لج ها
شقلتي.

رغد: شا قول بعد موافقتك يعني قام عبدالعزيز وشلها من
الوناسه وطيرها في الهواء

عبد العزيز : والله يا رغيد انج راح تستانسين معاه وراح يسعدج
لو ما كنت واثق من ذا الشي كان ما وافقت اعطيه اختي الوحيده
الخلوه وهو يدور بها وجاه ولده بابا وهو رافع يده لابوه يعني

شلني مثل رغد

وبلغوا اهل نايف بموافقة رغد وحددوا الملكة بعد اسبوع مهب
اسبوعين كانت العايله كلها فرحانه وهاذي اخر وحده شابه
تتزوج ما عاد بقي الا عيال عبدالله ثامر وعلي وعادهم صغار
وفي يوم الملكة الكل حضر ام نايف وهي ما خلت شي ما جابته
ليوم الملكة طلبت اتشوف عروس ولدها ودخلوا عليها خذت رغد
في حضنها وقعدت تسمي عليها وتقرأ عليها وبعد ما خلصت
قالت لها

ام نايف: يمه رغد خلي بالج من نايف تراه يا ما شاف في دنيته
مات ابوه وهو صغير وربى معاي اخته ساره واخوه سعد لحد ما
كبرهم ويوم بغاج ورفضتية والله اني حزنت بس ما كرهتج كنت
حاسه انج راح تكونين له مادري ليش والحين اوصيج عليه مثل
ما وصيته عليج.

רגد: الله يخليج لنا دوم مهب يوم يمه.

ساره: هيه يمه تراني وحيدتج مهب رغد.

ام نايف: لا والله من عقب ها اليوم ما نتي بوحيديتي معاج رغد
وبعدها بدقايق جابوا الدفتر لرغد الي بعد دقايق تردد وقعت
وزغرطوا البنات ونزلت رغد قعدت مع اهلها واهل نايف
وجاء نايف وهو على عكاز واحد كان ساندده عبدالعزيز وقعد في
المجلس لحد ما جابوا له عروسه يشوفها ويلبسها الدبله لين
بعدين بيسون حفلة خطوبه كبيره بعد ما يمشي نايف على رجليه
بدون عكاز .

جات رغد وقعدتها عبدالعزيز جنب نايف وغمز لنايف وهو طالع
اقول عندكم ربع ساعه بس وراحت منها دقيقه وبرد وطلع
والضحكه شاقه حلقه من فرحته بصديق عمره .

نايف وهو بس يطالع رغد :هلا بغلاي هلا بكلي هلا برغدي.

رغد: هلا بك شلونك ان شاء الله بخير ؟
نايف: بشوفتج اكيد بكون بخير انزين ارفعي وجهج لي شوي ولا
ما استاهل اشوف عيونج!!.

رغد طالعتة هو خلاص مات على ها الوجه الي من شافه في
حجرة خالد ذاك اليوم وهو مصمم يا تكون له يا يقعد بدونها طول
العمر.

نايف: عطيني يدج رغد.

رغد: ليه؟

نايف: لا بس باخذها معاي وانا طالع عطيني مدت يدها له وهي
ترتجف خذ يدها وباسها وهو مغمض عيونه من حر حبه لها
ولبسها الدبله بعدها لبسها الساعة وقال لها اوعدج بعد ما جي
من موعدي الخير لا سوي لج حفلة خطوبه ما صارت ولا ستوت
بعدها بشهر بسوي حفلة عرسنا شرايج ؟

رغد: وايد مستعجل!!!!

نايف: آه جعل حرارة يوفي تنتقل ليوفج عشان تحترقين بنار حبي
مثل ما انا محترق هاج الدبله لبسيني

خذت الدبله من يده ولبستها اياه وتمت ماسكه يده وسط يدينها
ودنعت ونزلت دمعته من عيونها على كف يده ولحظة حس بها
الدمعه رفع وجهها وقال

نايف: لا ارجوج يا بعد حيي لا تبكين خلي الشقا والدموع لي انا
انتي بس طالعيني بها العيون بس.

رغد: ها الكثر تحبني !؟

نايف: وهو ينشف دمعته الي على خدها بأصابعه وباس دمعته
الي على كفه واكثر مما تتصورين والايام الجايه بتثبت لج.

رغد: شقد متندمه اني رفضتك.

نايف: لا تندمين لانج لو وافقتي اول الامر كنت ما حسيت بها

الاحاسيس الي احسه الحين.

نايف: قربي والي يعافيج ابي بس ضمه صغيره قبل لا يطب اخوج
الحبيب علينا.

رغد: لا استحي واخاف ما بي بقوم اروح.

نايف: الي تعنز على الكنبه ومسكها من يدها وقعدها غصب جات
قعدها في حضنه لانه يرها بقوه فالاخ استغل الوضع لصالحه قام
وضمها وباس عيونها الي عاها مبلله بالدموع وباس خدينها
وقعد يمسح على شعرها وهي مستسلمه له ولحبه

شوي وسمعوا خبطه من بعيد تنبئهم بجية احد لهم قامت عن
حضنه وقعدت مكانها الاولي وهي محمره ومتخربطه الا بدخلة
عبدالعزيز هيه انا جيت وترى خلتيكم تاخذون راحتكم وايد ويله
قم نروح لمجلس الرجاجيل.

والتفت على في اقول نايف شمسوي لأختي شعرها مخترب
ووجهها محمر اقول رغد لو سوي لج ها الولد شي انتي ما تبينه
اشتكي عندي وشوفي شسوي فيه!!!.

رغد قامت بتروح قال لها عبدالعزيز : اقول رغد ترى رقمج قده
عند ريلج ومن ها الليله بيلعوزج بالهزده وبالمقابل انا برتاح
منه.

ضحكت رغد وطلعت وطلع نايف مع عبدالعزيز وراحوا لقعدت
الشباب.

وبعد كم شهر ولدت في وجابت توأم ولد وبنت سمتهم ماجد وهيا
على ام وابو فهد وبعدها بشهر ولدت هديل وجابت ولد مزيون
طالع لابوه سموه على ابو هديل محمد.

وتم زفاف نايف ورغد بعد ما رجع من آخر سفره له وصار
يمشي على ريوله وتمت ها الاسره اسره الحمد مترابطه وتحب
الخير للكل.

ام فهد وابو فهد مرتاحين لراحة عيالهم زوجوهم كلهم وشافوا
عيالهم.

خالد وهدیل عایشین بسعاده مع ابو هدیل وحفیده الی سموه علیہ
وهدیل اخر سنہ لها وتخرج وکله بفضل اللہ وفضل حبیبها خالد .
نور و عبدالعزیز ما اکتفوا بجاسم وحبوا یجیبون له اخوان وهاذی
نور قدها حامل الحین وسعیده بوجود زوجها معها علی طول
وبوجود امها الی تساعدها بنصایحها .

رغد ونايف عاشوا جنة حبهـم وهي كملت دراستها مع ساره
وهديل في نفس السنه وعاشت مع ام نايف الي ما تدري وين
تحطها من حبا لها ورزقهم الله بالخلفه الصالحه .

انتهت قصتی

رایکم بصراحه فی هاذی الروایه!

وراح اتقبل نقدكم ايا كان ودمتم دوم وليس يوم ولا خلى ولا عدم

منكم .. وانتظروني في جدي وما زال في جعيتي المزيد

.....

